



永寧舊無志乾隆閒學博謝君廷薰草創成書旋毀於兵燹閱今又數十載州牧會稽黃君乃卒成之於序可謂難矣難而卒能成之可謂知所務矣顧亦思州何為而有志也哉土地廣矣孰高孰下旱潦應如何畜洩孰腴孰瘠賦役應如何均平或居

衝或居僻防守應如何扼要或多山或多水物土應如何適宜則非志莫悉也人民衆矣勁靡異性孰宜剛克孰宜柔克華襟異俗孰宜示儉孰宜示禮某多鬥訟當束之以禮讓某多佚遊當導之以勤力則亦非志莫悉也既周知其土地又熟察其人

民於是而政事乃有所措矣然而道與時
為變通法隨世以輕重則建置之沿革前
賢之摩畫學額之增減物力之登耗習尚
之淳漓人材之升降上下數百年閱皆須
目營而心識之則亦非志莫悉也然則志
可無作哉而亦豈可徒作哉今黃君既調

黃平而猶汲汲為此則必不僅為紙上之
談而余且將證其境內之象矣黃君勉乎
哉

道光丁酉六月望前三日善化賀長齡序



新修永寧州志序

州有志所以志一州之事實質於今而傳於後可以起化維風所關甚鉅也永寧向無志乾隆壬辰秒學博謝君廷薰始纂輯至丙申秋告成凡十卷署州牧王司馬澗暨紳士朱紘吳擢田永蕃等議刊未果後經南籠逆苗蔓延城被困書遂散軼迄今又六十年矣夫自元代設州以來事歷三

朝歲逾五百凡建置沿革制度典章以及風俗之變易人文之盛衰吏治之興廢物產之盈虛莫不因地制宜隨時損益苟傳聞失實紀載無徵其何以詳覈源流考鏡得失俾後之人觀感而興起哉乙未首夏余奉

命牧斯土甫下車欲知是邦之故實索州乘不可得於是囑學博任君清彥考廩修君武

謨求謝君之所為志閱數月任君瓜代返
省訪於謝君之六子庠生名澂者得數卷
修君武謨復於安南楊君嗣宣處得數卷
然皆抄本殘缺不全若不急為修葺將併
此殘缺不全者久而愈不可得矣豈非司
牧者之過哉余不敢以學問謏陋自辭美
於公餘之暇檢閱謝志正其謬芟其繁增
益其所無而又考之通志以求其全采之
舊牘以核其實其有不合者則又廣為諮
詢折衷焉以歸於至當凡十有一月而藁
成為綱十有二為目六十五要皆質而不
文敘而不斷疑者闕之濫者黜之可儀型
牙錄之足鑒戒者載之務愜於人心之公
而不失乎記事之旨以為一州之信史是
則余之可告無過於斯土者也是為序

道光十六年歲次丙申秋七月貴州安順

府永寧州知州會稽黃培杰撰



舊志序

謝庭薰

朱紫陽蒞官所在輒搜其志乘備一方之實錄卽所以端一方之風化也薰幼時先君子俊公庭訓每舉當湖陸稼書先生之生平以開示業師蒲城原簡齋夫子安平陳定齋夫子皆切切課薰喻義而勿喻利爲已而勿爲人今再膺

簡命助教永庠仰蒙

大憲提撕一切品文物垂典章整綱常美風俗咸分寄於薰之擔負而不可一日弛孔子上下千古百

永寧州志

序

殷禮非不自能言之而猶屬望於杞宋文獻之足徵蓋雖聖人亦不能以聰明自用也壬辰夏薰時方借補查城訓導都中晤朱主政鍾麒詢知永舊無志薰

喟然曰今

天子文治盛則天下文明大郡大邑皆有志也永何缺焉朱主政曰我永之人亦久欲修而特懼網羅之難詳難確也薰謬不畏難首於京摘錄一統志以爲根據仲冬踐任復覓元明史新舊省志黔記黔書續文獻通考與一切古籍誠不敢不乙夜搜討惟是查城南

初關於達安其人其事之載在舊冊者甚屬寥寥苟非諸君子以永人譚永事先親切吐實各抒所見俾薰得所藉手薰豈能憑臆以撰耶且夫相臣之薦賢者盡一世英挺之梗楠杞梓而選之造之所以樹國樑也史臣錄善者舉千古埋藏之忠孝節義而表之之揚之所以張國維也周禮小史掌邦國之志外史掌四方之志其志不同而志之指歸則同懸前鑒同激後進俾人人感發而興起在上霖雨蒼生在下羽儀鄉黨而人文賁天心順地靈賜庶績咸熙於其間

然則今日卽永之所宜志者還以志乎永政不徒博綜故實會萃案牘已也正學李君肇基舊相善每互勉以整頓庠序之義自時厥後薰一一同請裁於州長申公贊皇任公鎮及蕭公梅年善公泰皆先後詣南而統於司馬王公潤折衷完稿詳呈大憲鑒允是舉也第是先父先師誨薰遺意而深賴王公成之也其在古聖賢豈敢謂竊比毫釐以上副

朝廷陶鑄邊方大憲承流宣布之萬一顧薰黽勉執簡以查城人之耳目爲耳目而薰之耳目不敢有所偏執

以查城人之思慮爲思慮而黨之思慮不敢有所專
欲庶幾一筆一削或不背於公是公非若夫觀文而
化成則查城人之不甘自外於
同文盛世也黨曾何力之有

世祖章皇帝訓士臥碑文

朝廷建立學校選取生員免其丁糧厚以廩膳設學院學道學官以教之各衙門官以禮相待全要養成賢才以供朝廷之用諸生皆當上報國恩下立人品所有教條開列於後

一 生員之家父母賢智者子當受教父母愚魯或有非為者子既讀書明禮當再三懇告使父母不陷於危言
一 生員立志當學爲忠臣清官書史所載忠清事蹟務須互相講究凡利國愛民之事更宜留心

永寧州志 首卷 臥碑文

一

一 生員居心忠厚正直讀書方有實用出仕必作良吏若心術邪刻讀書必無成就爲官必取禍患行害人之事者往往自殺其身常宜思省

一 生員不可干求官長交結勢要希圖進身若果心善德全上天知之必加以福

一 生員當愛身忍性凡有司官衙門不可輕人卽有切己之事只許家人代告不許干與他人詞訟他人亦不許牽連生員作證

一 爲學當尊敬先生若講說皆須誠心聽受如有未明從

容再問毋妄行辨難爲師亦當盡心教訓勿致怠惰
軍民一切利病不許生員上書陳言如有一言建白以
違制論黜革治罪

生員不許糾黨多人立盟結社把持官府武斷鄉曲所
作文字不許妄行刊刻違者聽提調官治罪

謹案臥碑八條於順治九年

題准刊置明倫堂之左各官到任及學使按臨於祇謁

先師之日教官率生員貢監等詣明倫堂行三跪九叩禮
教官恭捧宣讀令生監等拱聽若無故規避不到卽行

學戒飭有唆訟抗糧緣事曾經戒飭者則令階下跪聽
以示懲戒典至重禮至嚴也恭繹教條首之孝以補其
本次之忠清以大其用又次之忠厚正直以居心爲讀
書之本以出仕爲讀書之用而申戒於害人殺身則又
卽前兩條之意而諄切訓勵使皆爲有體有用粹然循
良之學也其後五條則於交結官長出入衙門干預詞
訟以及違制陳言把持官府武斷鄉曲不啻三致意焉
而其要尤在愛身忍性四字士之一身所繫綦重必知
愛而後能忍必能忍而後克全其愛至於出入衙門干

預詞訟把持官府武斷鄉曲則尤不自愛之甚而皆起於不能忍之一念故教條於此尤反覆勸戒而揭其要於愛身忍性使知所以檢飭之方也卽第六條之尊敬先生亦欲嚴憚以成其德使循循規矩之中而無敢自恣敬師卽以敬身也所以然者

朝廷莫急於求賢而人材必出於學校求士必先養士養士則必重士尤必使士皆知自重而後其出也有以爲夫士旣厠身鬻序爲一方之望矣果其敦行修飭式化鄉閭則其爲益於官若民也甚鉅苟或恃符妄作恣意

冥行則其爲害於官若民也亦甚鉅待之優期之厚則防之不得不嚴戒之不得不切也本部院亦學中人耳幼承父師之訓尺寸不敢踰越爲諸生時足跡不入公庭曾不知唆訟抗糧爲何事幸竊科名忝塵侍從重叨恩命待罪封圻自顧軀庸媿無以楷式多士念多士皆吾同類慮或稍不自檢致貽羞辱則多士之玷卽本部院之玷謹將臥碑八條細加闡釋廣爲刊布俾資警省無蹈愆尤爲問諸生在家果能孝於親乎出而從政果能忠盡潔清如書史所載乎利國愛民之事果皆吾意講求

乎斯世斯民所仰望於多士者至重且大多士其何以稱塞乎若夫不法之事甚多而切戒無如好訟何者士莫先於立品恥莫大於辱身一經涉訟無論曲直勝負必先屈膝公堂則已自取辱矣故教條所載必須切己之事始准呈控然亦只許家人代告並不許干預他人詞訟且不許他人牽連作證申做何等嚴切今乃事不干已動輒跪轅攔輿不待他人牽連早自扛幫代證廉恥掃地言之痛心似此不守臥碑輕則宜加戒飭重且應予斥革地方有司每以生監輒多寬假遂致狂瀆

永年州志

卷八 臥碑文

四

爲大悖臥碑之訓甚非所以愛之也本部院念斯文之一脈斷不肯倚勢推折亦不敢曲法姑容爾多士其各自遠恥辱毋使士林減色也倘竟怙過不悛仍然出入衙門干預詞訟把持官府武斷鄉曲則是明知故犯自干咎戾多士旣不自愛本部院亦安能姑息爾而不執法從事乎本部院現已移明

學臺僉飭行司道府廳州縣凡廩貢生監必須恪遵

聖訓只許家人抱呈代告不准徑自出頭旣以禮重士子益免

恃符頂撞與官抵牾致激事端如有不遵

聖訓出頭呈控則其平日必非安分之徒卽事應准理亦當行
學戒飭仍將所控之事摘由存記凡廩貢生監破人控
告及不干已事挺身插訟並於他人詞訟列名作證混
淆是非者該府廳州縣分爲三項開具案由按季造冊
詳送

學臺存案並請凡遇歲科兩試及貢監錄遺時於備文
之餘兼查此冊以定去取非欲刻繩爾多士正以王成
爾多士使無卽罪戾也該教官其悉意勸導嚴加約束
爾多士尤宜勉自珍重植品績學處則爲端士出則爲
永寧州志

卷首

賦碑文

五

良臣以無負

聖朝作育至意是則本部院所厚望也爾多士其敬聽之毋
忽

貴州巡撫

臣

賀長齡恭摺

恭維

世祖章皇帝訓士臥碑文八條頒布海內諄切告誡勉爾多士者至矣盡矣茲蒙

綢庚中丞細加闡釋特將刊本頒發來承伏讀之下前三條申明有體有用之學後五條揭出愛身忍性之要而復戒之以好訟勉之以植品所以至成爾多士使無卽罪戾者意良厚焉本州謹遵

憲頒原文廣爲刊布爾多士務宜身體力行勉自珍重庶幾處爲端士出爲良臣以無負

永寧州志

卷六

六

聖朝作育至意而我

中丞栽培訓誨之恩亦可仰酬於萬一是則司牧所厚望也

道光十六年十一月

永寧州知州黃培杰謹跋

高宗純皇帝訓飭士子文

士爲四民之首而太學者教化所先四方於是觀型焉
比者聚生徒而教育之董以師儒舉古人之成法規條
亦旣詳備矣獨是科名聲利之習深入人心積重難返
士子所爲汲汲皇皇者惟是之求而未嘗有志於聖賢
之道不知國家以經義取士使多士由聖賢之言體聖
賢之心正欲使之爲聖賢之徒而豈沾沾焉文藝之末
哉朱子同安縣論學者云學以爲己今之世父所以詔
其子兄所以勉其弟師所以教其弟子弟子之所以學

舍科舉之業則無爲也使古人之學止於如此則凡可
以得志於科舉斯已爾所以孜孜焉愛日不倦以至於
死而後已者果何爲而然哉今之士惟不知此以爲苟
足以應有司之求矣則無事於汲汲爲也是以至於惰
遊而不知反終身不能有志於學而君子以爲非士之
罪也使教素明於上而學素講於下則士子固將有以
用其力而豈有不勉之患哉諸君苟能致思於科舉之
外而知古人之所以爲學則將有欲罷不能者矣觀朱
子此言洵古今通患夫爲己二字乃入聖之門知爲己

辨厥志而專力於爲已用意至深垂訓至切乃迄
今積習仍未大變則以科舉奪其志也於序弗思
甚矣請就朱子非科舉累人人累科舉之言而申
論之

國家以科舉取士士安得不由科舉進顧亦思設科
之意何爲也恭讀

聖訓蓋欲使多士由聖賢之言體聖賢之心爲聖賢之徒
非沾沾文藝之末然則科舉所以造士何能累人
哉卽以文藝論亦必有聖賢爲已之學乃能質者

其文藝進於道自來名臣碩儒其所著作無不卓
然成家卽單詞片言亦徃徃流傳不朽其根抵盛
也夫心乎爲已則所讀之書體認親切油然而以
自樂無適而非身心之業卽無適而非舉子業也
出而應舉則直抒所見得失不以紛其心理之明
者識自卓心之定者氣自醇不求工於文藝而文
藝無弗工不求得於科舉而科舉無弗得所謂學
也祿在其中自古及今未之有易無他治身心之
與業科舉原不分兩事也白俗儒舍身心之業而

業科舉於是判然爲二科舉始爲身心病矣王陽明云譬之治家學聖賢者其產業第宅服食器物皆所自置欲請客出所有以享之客去其物具在還以自享終身用之無窮也學舉業者專以假貸爲功欲請客自廳事以至供具百物莫不遍借客來雖一時豐裕可觀客去則盡以還人一物非所有也若請客不至則時過氣衰借貸亦不備終身奔勞作一寡人而已是求無益於得求在外者也陽明此譬卽朱子非科舉累人人累科舉之意也

汲汲科舉不但科舉不能得金所學亦歸烏有卽幸而戈獲而趨向不端挾持無具適足爲科名羞轉不如不得之爲愈則何如勉爲聖賢之學自無不得科舉之理卽令不得而品粹學醇夫固有以自得也何去何從可無早計恐多士之囿於習也故恭繹

聖訓之意而推闡之多士其知所辨志哉臣賀長齡恭繹

永寧州志卷首

御書樓在關索嶺頂上樓下爲入滇大道樓中敬懸
聖祖仁皇帝御書滇黔鎖鑰匾額上有

璽章文曰

康熙御筆之寶


永寧州全圖







涪城外圖


卷之九






學宮圖






宇庫


學署圖




守備署圖




吏目署





三獅拜象圖




鉞鑽橋圖

永寧州志

永寧州志




白水河圖




白水河圖

湖陵橋圖





幕後司圖





井

天聖司圖

卷之九


頂營司圖





萬客寨圖

秀屏外志



卷之十

圖

天
 下
 無
 雙
 石
 刻
 碑
 文
 字
 之
 妙
 也

此
 碑
 之
 文
 字
 之
 妙
 也
 其
 文
 字
 之
 妙
 也
 其
 文
 字
 之
 妙
 也

中
 刺
 石
 刻
 碑
 文
 字
 之
 妙
 也

由
 不
 福
 石
 刻
 碑
 文
 字
 之
 妙
 也

由
 石
 刻
 碑
 文
 字
 之
 妙
 也

石
 刻
 碑
 文
 字
 之
 妙
 也

新刊永寧州志修輯銜名

纂修

安順府永寧州知州黃培杰

分修

永寧州儒學訓導楊燮

永寧州舉人修武謨

永寧州副榜沈宗濤

採訪

署永寧州儒學訓導任清彥

永寧州志卷一

一

永寧州進士楊茂材

永寧州舉人姜封齊

永寧州舉人侯榮封

永寧州舉人楊茂先

永寧州貢生易炎

永寧州貢生黃中理

永寧州貢生彭上卿

永寧州貢生姜性善

永寧州廩生修泉



永寧州廩生	張紹德
永寧州廩生	鄭廷蘭
永寧州廩生	劉金臺
永寧州廩生	姚琳章
永寧州廩生	張寬義
永寧州廩生	黃如槐
永寧州廩生	萬春芳
永寧州廩生	潘德厚

校對

永寧州廩生	修本
永寧州廩生	李焜
永寧州廩生	李森臺
永寧州廩生	徐輝廷
永寧州廩生	張鴻謨
永寧州廩生	龍天錫

校刊

永寧州廩生	張紹本
永寧州職員	龍天培

永寧州志

卷首

臥碑文

訓飭士子文

御書樓 諸圖

卷一

銜名 目錄 凡例

卷二

天文志 星野 占驗附 氣候 災祥 年歲豐歉附

永寧州志 卷一 目錄

三

卷三

地理志 建置沿革 疆域 形勝 八景附 山川

關梁 關嶺溝渠附 郵遞 程途 村寨 邱墓

卷四

營建志 城池 公署 監獄附 壇廟 寺觀

坊表

卷五

食貨志 戶口 田賦 經費 積貯 社倉義倉附 場市

物產

卷六

學校志 學官 書院 義學 學額 卷田

典禮

卷七

武備志 兵制 師旅

卷八

秩官志 名宦 職官 土司

卷九

人物志 選舉 鄉賢 宦蹟 文學 忠義

卷十

節孝 貞烈 流寓 仙釋 方技

風土志 民風 苗俗 方言 苗語

卷十一

藝文志 疏考 辯論 碑記 記傳

呈文 賦 書 詩

卷十二

雜記 補遺

跋 附載卷末

永寧州志卷一

凡例

一永寧向無志自乾隆壬辰秋訓導謝君庭薰始採輯至丙申秋告成凡十卷紙筆費用皆其自備厥心苦而厥功偉矣惜未付剞劂後以兵燹散軼茲訪得其手抄數卷殘闕不全謬爲訂正刪其繁冗補其缺畧益加採訪以續於後務取其信而可傳以歸核實

一天文分野人各異言茲編從通志及安南安平普安等志中採錄諸說以俟考訂至參井軫星諸圖爲府

屬所共且載在通志故畧而不繪

一疆索素稱難考茲繪州屬總圖凡四至四隅出川險隘塘泚道路最關緊要故一一詳載至於三司六馬都會之區關嶺盤江險要之地亦各繪圖於首以便觀覽而易於巡防

一永寧跬步皆山惟擇其著者書之其餘無名之山更僕難數姑從畧至水源長短及經過會合之處悉農田水利所關他如關梁溝渠郵傳材寨要皆官斯土者所宜周知故特詳之

一壇廟爲祀典攸關故謹誌其創建至興修 文廟亦在營建之列而詳載於學校志者重文教也謝君於學校內附載樂律典禮內附載儀注茲倣通志之例一概刪去

一田賦舊額新墾歷年各異茲遵現行之賦役全書開載至於兵米驛費及官役俸食師生廩餼春秋祭祀之類皆著於令甲特照省志添入經費一門

本州義學久已荒廢余蒞任後捐廉倡修並於坡貢關嶺募役三處添設義學又於本城新設義倉五間

捐置田畝租穀通報 各憲立案志內將各項田畝租穀以及籌議章程一一開載以杜侵蝕而垂久遠
一名宦悉照舊志至各官之有政蹟者無論前任現任要皆士民共稱鑿鑿可據者方敢開列否則竊效夏五郭公意

一民風土俗雖爲習氣使然而移風易俗守土者之責也故另爲一志而以苗蠻附焉 苗語方言可資聽斷故並載於末

一人物志鄉賢照通志所載未敢妄增土司沙盡美殺

於王事特爲列入忠義一門至烈女已載謝志者悉爲登載其有苦節堪矜未經旌表而其事其人實爲公論所不容沒者附錄於後以發幽光而維風俗其有窮鄉僻壤採訪所不及者姑俟之異日

一藝文中有關地方大事者祇錄數篇他如閃繼廸之創建十一城碑記佟撫軍鳳彩之請添設驛遞疏俱載通志茲於城池郵遞等門各摘數語以省簡牘

一此志雖係重修實同勅舉分門別類去浮存實衆紳士公同商定姓氏一例附刊惟合州之事物無窮一時之採訪有限中間倘有遺漏觸類引伸補所未備以俟後之君子

永寧州志卷二

天文志

黔省分野保章氏所不載惟蝨衣生云黔地隣楚不出鶉首鶉火鶉尾之次昔人以表影揆度一度占地一千九百三十餘里貴州全省東西千里南北七百里七十里尙未足一度之數以查城之蕞爾又豈有星野之可言乎然而卽官應夫列宿時變察乎天文善言天者必有驗於人而人固不可以不觀天也故首稽星野而以氣候災祥附焉志天文

永寧州志

卷二天文

一

星野

周禮保章氏掌天文以星辰辨九州之地黔未有所職然黔上附滇中附蜀下附楚楚爲荊州地滇蜀皆梁州地考其分野史記載翼軫荊州李淳風天文志謂自張十七度至軫十一度爲鶉尾於辰在巳楚之分野屬荊州陳卓考郡國躔次亦曰翼軫荊州武陵入軫十度平越新志曰漢蜀分井鬼柳澠分井鬼春秋元命苞云參伐流爲益州

星經曰七箇參星三伐橫

史記亦

云皆參益州李淳風亦云自畢十二度至東井十五

度爲實沈於辰在申魏之分野屬益州陳卓又云越
嶠入觜一度犍爲入參三度牂牁入參五度按益州
置於漢武乃越嶠犍爲牂牁三郡越嶠屬滇犍爲屬
蜀牂牁轄二十四邑黔上皆其地夫以黔上爲益州
是以有分參觜之說又以黔上近梁州是以有井鬼
之餘之說又以黔中近蜀是以有井鬼柳之說又以
黔下近荊州是以有翼軫之餘之說而一統志又以
黔下特換銅仁係星分野沈思充又謂思州銅仁黎
平鎮遠爲柳星之餘蓋亦本乎星經樊惑王荊州主

與鬼柳張之論也審若是則一黔古無分野今且占
周天之半律之鄭宗疆星經所謂周天之數每宿一
度轄地一千四百六里有奇者黔不已有千餘萬里
之廣遠乎卽就益州論之旣經觜而分參則牂牁應
宅參而隣觜井又觜之隣也黔上之分野謂參當已
而連及者何以舍觜而越之曰參井耶班固謂東井
與鬼秦之分野而南牂牁越嶠二州皆宜屬焉萬歷
庚子狼星入於東井占者謂播滅之象旣而應於雍
梁益三州之間此非占參及井之一證乎蓋觜僅一

度井有三十一度少者無近波多者有餘潤也僧一行曰懸象在天其本在地星之與土以精氣相屬而不係於方隅袁坤儀又云躔次相配者少相及者多青州正東元枵在北元枵十次名雍州正西鶉首在南考左傳昭公三十三年晉史墨以得歲卜越范蔚宗亦以廣陵王荆之變及盜起句章鄞音鄞音茂爲證是星紀在北而指於南或參井之隔而聯亦從其所指也歟則黔上二十四邑隸參井也固宜又何疑乎井鬼柳星翼軫之餘分黔之上中下哉見安南縣志

按永寧分野視安順爲準郭子章黔記曰黔實近荆州屬鬼柳似近之沈思充通志曰永寧州井鬼分自謝東山志以永寧爲參井之餘衛撫軍旣齊張制軍廣泗新舊通志俱從之蓋自平越以上凡安順南籠大定遵義地皆在未申星皆分參井永寧處安順之西詎能出參井外哉或曰參井本屬周秦韓魏分野自夏禹八年甲子至道光十六年共三千九百九十四年已右差五十餘度今之參井非昔時之參井矣徐氏圃臣言天有十二次地有十二辰天度有差地

度萬古不動作天元歷理及復古分野圖其言分野也曰漢沔以南巴蜀邛笮以至滇黔交緬皆屬之翼軫圖中復分翼爲雲南軫爲貴州是黔之分野在軫而不在參井據此則永寧當占地度軫宿矣附誌之以俟考

附占驗

明洪武二十九年八月欽天監言井宿東北第二星近歲漸暗小促聚正統九年丁巳狼星動搖萬厯間狼星入於井正德十一年二十二年三十五年彗星

見於東井崇禎十三年參足突出玉井後安曾孫寇之兵燹兆於此矣

氣候

永寧山高箐深一日之間忽晴忽霧數十里之內此燠彼涼州城地勢最高故最寒多霧雨雖六月紗葛鮮用田工種收遲沙營頂營六保阿果坡貢關嶺頗溫種收較州城畧早自紙山中哨至募役司自北口至大水溝與沙營諸處等盤江兩山陡夾地恒炎熱歷來無雪間有雪卽成災異如海椒樹經冬不凋次

年春卽有新椒然炎而無瘴沿江而下爲募役三甲由花江至洛盤微有瘴種收畧蚤募役二甲四甲下募役與六馬接壤四甲沿河種收最早卽公等處多以仲春布種季夏收穫二甲多旱地種收最遲六馬惟洛瀉箐稍涼同於江外餘俱熱種收亦早產棉花利最厚居民多種之素苦瘴每夏秋間微雨初歇斜日欲晚丹碧瀾漫非虹非霞氣如蒸秣遠聞糯香則瘴起也其地少井澗溪之水多惡以之烹魚一炊卽爛風由山箐中來多毒氣生長其地者無慮外間人

至或渴而飲水或熱而乘風鮮不受症綜計閩州田畝惟北口繁花塘四甲卽公等處得水利田最上其餘多山坡旱地宜種雜糧大抵東作稍遲則苗不茂夏初無雨則收必歉入秋有大風或有寒露則秀不實謂之青空田功穀雨播種小滿插秧小暑耘耖處暑結實寒露收割其有先後亦不過一兩旬之間耳若夫雜糧春分前後播蒔小滿收穫秋分前後種秋蒔小雪收穫燕麥九月播種五月收穫大麥小麥種蒔畧早一個月紅稗三月下種五月栽秧八月收穫高粱包穀小

米亦然黃豆小豆較紅稗畧遲一月此又闔州氣候之不甚懸殊者也

謝庭薰曰康熙時林州長華皖云永寧州地皆匿無極去天不遠州城在山頂雲霧中濃陰成雨終古不晴秋月重裘竒寒徹骨今則稍變往往晴明然霧尚稠當其霧時東至安籠鋪西至梅子關或連日大霧或一日而忽晴忽霧故種收遲他如盤江諸炎地古稱瘴鄉者近歌樂土矣惟六馬瘴癘猶未盡淨黔書云鍊氣寡欲瘴自無因而人不幸中之則伏地含土

嚼槓柳餌黃花根黃花生水澤間長尺餘葉如葵花開兩瓣根可取魚亦可倒蠱又云攻瘴須火藥

附占驗

正月元日晴明主歲豐又是月忌雷鳴有雪諺云正月雷打雪二月無休歇三月無秧水四月秧上節

二月社日宜雨諺云春社無雨不種田

三月七日宜雨諺云三月初七日要雨不得雨

四月初八宜晴諺云四月八日晴魚兒上高坪

言雨水多

地

五月夏至占米貴賤諺云夏至五月頭邊食又邊愁
夏至五月中毓攔糶米翁夏至五月尾禾熟米價起
又二十三日忌雨諺云要知乾不乾但看五月二十
三兩大大乾兩小小乾不雨不乾

六月以立秋之日占稻穀遲早諺云六月秋要到秋

七月秋不到秋謂一歲之中秋不宜早也

七月初七日占河影七日見則穀賤七日不見則穀

貴故云天河蓋屋脊家家有飯吃

八月中秋夜占次年元宵晴雨諺云中秋月不明雨

打上元燈又社日宜雨諺云秋社無雨不種園

九月一日至九日以南北風占次年穀米貴賤如一

日應次年正月二日應次年二月之類諺云南風吹

過北有錢買不得北風吹過南無錢叫來担

十月初一日宜晴諺云十月初一晴柴炭不須銀又

自朔至望宜有霜諺云十月無霜確中無糠

十一月不宜有霜諺云冬月月照霜確頭不得糠

十二月宜大雪諺云一雪蝗子無踪二雪來年大豐

以上所占出自田家舊語語雖俚俗而實有關於

農事故附錄之

災祥

明

關嶺井旁舊爲池相傳明時自產蓮開花三朶

隆慶二年五月永寧州山崩

見明史

國朝

順治間白水河犀牛潭旁產靈芝

康熙四十八年大熟斗粟銀貳分 五十一年冬盤

江橋雪 五十二年秋冬淫雨田無獲 六十一年

永寧州志

卷二 天文

八

州人染茄媽瘟鷄生蠱官命各戶焚香逐之

雍正三年雪深七尺 五年五月漲水胡椒凹龍見

陸地成潭 八年雷擊大成殿石柱

乾隆三年四月雨雹如鷄子知州陳嘉會賑之秋獲

七年春多虎知州陳嘉會禱於城隍命匠殺獲三

十餘隻 八年頂營司風洞等寨穀生雙穗 十七

年四月忠義祠神座漏綠雲若柱繞於堂中 二十

年正月州城大火延燒民居衙署州署後枯黎復生

二十一年四月雹 二十四年五月地動 二十

八年三月晴空中倏爾大風拔木 三十年城隍廟
碑石粉脫現松樹形 三十三年正月沙營司山頂
開成清潭有鼓吹聲四月霜殺禾麥 三十四年四
五月大雨坡貢丙志橋坍阿果枝亦濟橋沖毀三硿
田被淹 三十六年正月雷擊辛巽二塔阿果一帶
大疫 三十七年十二月二十日盤江橋雪水雹
三十八年四月西門外火署知州申贊皇吏目崑龍
光千總劉恩達救之五月雙虎夜嘯學宮旁知州申
贊皇命匠捕之 三十九年六月二十日空中飛穀

如蜂屯過西關坡 五十一年五月初六日州城地
動

嘉慶元年白蝶羣飛蔽天 七年七月初八日黃昏
時有流星自西北隅起落於東南隅初起時形如鷄
子轉瞬光長丈餘大可數抱飛過處光燄燭天樓閣
屋宇無不照澈

附豐歉

嘉慶三年饑緣二年苗變無收正二三四五月米價
昂貴每斗銀一兩二錢紅稗每斗銀九錢秋八月六

熟

十九年春夏旱斗米價銀五錢三四分鄉民數十爲羣於各村寨估食州牧曹均親爲緝捕嚴治數日節散

二十四年五月旱六月中旬守備梁廷誨學正金章聘訓導陳一亨率士民設壇祈禱五日後大雨經旬枯苗復生秋收較常數倍

道光十四年饑緣二三兩月卽俗荒歉來永販米四鄉儲積一時俱空斗米五錢有零四月下旬州城缺

米貧民驚惶欲罷市知州杜端傳諭紳士發賣社倉穀二十餘石人心稍定五月十八日開倉平糶至七月十五日止設局城隍廟關帝廟兩處分男女以免混雜又於維風書院設米局賣碗頭米故是年雖饑州民尚不甚病鄰境數十里亦得全活者無數

永寧州志卷三

地理志

知永寧州事昆明沈毓蘭重刊

查城雖古荒服地然盤江當滇南之衝六馬扼粵西之險豈非全黔之保障哉况自元明置州設衛漸成華風我

朝聲教覃敷傾心向化椎結殊離之俗早易而爲文冠文物之區矣至於疆域形勝山川道路以及關梁之險阻郵傳之興廢村寨之遠近皆爲政者所宜周知非特易於巡防而因地制宜之道亦可覽而得其要

永寧州志卷三 地理

焉志地理

建置沿革

永寧州在禹貢梁州外境殷爲鬼方周爲荒服秦蜀夜郎地漢屬牂柯郡唐爲戎州都督府盤州及羅甸國地宋爲普里部元憲宗時平雲南普里部歸附置普定路尋改爲府習安鎮寧永寧三州至元十七年改羅氏鬼國爲順元路置宣慰司二十年置貴州等處長官司領於順元安撫司此貴州之名所自始也二十九年正月以普定路隸雲南省大德七年改普定府

爲路洪武十四年復改路爲府州仍舊隸四川布政司尋置普定衛隸四川都司十六年改習安州爲安順州十八年府廢以三州屬衛二十三年置安莊衛於鎮寧州二十五年以關嶺鷄背二堡設關索嶺守禦所屬安莊衛隸四川都司正統三年改安順鎮寧永寧三州俱隸貴州布政司成化中移安順州於普定衛城萬曆二十年陞安順州爲軍民府而永寧州隸焉領長官司三巡檢一募役司沙營司頂營司

江土巡檢

永寧州志

卷三 地理

二

國朝因之順治十八年裁關嶺所

疆域

永寧州在府西一百四十里東至鎮寧州屬雷光堡界七十里又頂營司之養馬寨與本府地方界一百十里西至盤江橋與安南縣界三十里南至貞豐屬坡者界一百五十里北至卽岱屬洒至界四十里東南至普安縣屬白央寨一百里又東南下三馬之朶萬與貞豐州界三百里又上三馬諸寨與普定歸化界一百六十里東北至卽岱屬格凸寨九十里西

南至安南縣屬奔當寨一百里西北至上下盤江與
普安州界四十里又至卽岱屬西堡司界一百里距
京師七千九百六十里

形勝

盤江襟帶關嶺崢嶸金城獨鎮百蠻天塹足雄諸部

見通志

山崖險阻林箐翳鬱

見廣輿記

附八景

三獅拜象

蠻序後峯爲古營盤坡巒聳拔其麓長

出而正直若象鼻然高宗觀山爲一獅側拱於左觀

永寧州志

卷三 地理

三

音洞山爲一獅側拱於右石厰山爲一獅對拱於中

三面環向有拱揖羅拜之狀規模宏壯真大觀也

雙塔凌雲

登城環城皆山特無文筆峯乾隆丙

辰州牧陳嘉會議建二塔於辛巽山巔以增庠序文

明之氣顧事未就而離任閱九載州牧易學仁乃鳩

工而竣其事玉筍崢嶸干雲直上每逢晴霽一縷烟

光山嵐斷續恍若騰蛟起鳳不徒爽氣迎人也

鐵橋跨漢

滇南瀾滄江兩岸峭壁挿天白練穿峽

漢時繫鐵索於南北岸號曰蘭津橋明朱叅政家民

之於盤江橋亦然而江之險橋之奇則過之余觀其制鎔鉄成扣聯扣成索索之首尾鈕山窟中覆以木板而又建鼓樓爲橋護建月城爲樓護金碧輝煌光景如畫輪蹄來往坦若康莊不復有公無渡河之嘆矣鄒小山學使詩曰豈徒騎馬似乘船鐵索橋橫直上天正是扶風吹不定怒濤驚吼起龍眠又曰十二峯頭鎖玉關八牛植柱屬連環盤江萬里滇黔界一道長蛇控百蠻蓋道其實云

關嶺接天 滇南之嶺以關索名者多矣然其險峻

不若此豈非滇黔之鎖鑰哉嶺南北橫絕東凡四十
三盤西凡九盤一綫鳥道行者擬之蜀道之難蓋
天尺五焉登而望之羅列兜孫衆山皆小矣

半嶺瓊漿 關索嶺東偏有馬跑泉潄然仰出
不滓行人自嶺下十六盤而上自嶺上二十七盤而
下奔走背汗到此一飲滌煩消渴沁人心脾不異藍
橋瓊漿也乾隆乙未州牧善君長泰卽廟側構涼亭
游者益衆假使陸鴻漸過而品之行路正苦香茗一
甌正不知目爲天下第幾泉矣

騎橋雙樹 習安三岔河每四月望前後石花或三
或五隱見絕壁之上此亦奇矣灞陵橋古木老幹暢
茂可蔭行客且盤根橋面及橋等之上曲屈若虬龍
千百年來依橋特立真所謂根非生下土乎而又一
左一右作對待狀若人之乘騎者然噫造物之奇何
又若是

石雞曉唱 山以禽名所在多有此名雞公背以山
脊之形相似耳至於形成而聲發如黔西永豐山之
石羊鳴良足異矣昔傳此山雞公洞石雞亦嘗鳴矣

永寧州志 卷三 地理

被竊去聲遂寂然今雖僅存遺蹟而追憶
早使人度夢覺關曉起過之恍惚其聲在耳抑
上一枕游仙當無此山行佳趣也

白水沉犀 廬山西南石門似雙闕壁立瀑布首維
李白所謂金闕前開二峯長銀河倒掛三石梁是也
永寧白水河從高而落瀑布飛流轟雷捲雪極天下
之奇觀以視廬山之瀑有過之無不及矣相傳

國初時潭上有五色雲起芝草生神犀出游蓋天和所
名云

案舊通志載永寧四景曰關嶺接天白水沉犀聚
仙幽討雞山旅唱考聚仙洞在城南五里今莫知
其地者

山川

頂等山在城內舊多山楂樹故又謂州爲查城
蕉竹桃柳建草亭其巔顏曰屢遷今毀

二龍山在城東五里一名霧露山山半有雙洞一水
分流

起鳳山在城東五里山高而長綿亘百里至此聳起

永寧州志

卷三 地理

六

一峯向城亭立如鳳張翼之狀知州陳嘉會建石塔
於頂與巽塔兩峯對峙號爲辛塔故又名塔山

青龍山在城外由西關坡轉環拱立於城之左山體
凝厚秀色可餐知州陳嘉會建石塔於山巔是爲巽
塔

高宗觀山在城南一里山勢高峻其體尊嚴四面懸
巖如削側視之狀若天馬又名天馬山下有石洞流
泉不竭頂上向建有眞武殿今燬基址猶存

肇普山在城西一里

安籠菁山在城東募役司北山巒相接林木蒼密周
四十里舊人滇路經其中險阻難行秋冬多霧昏曉
不辨又有香樹坡小箐口坡白口東坡胡樹凹打罕
坡行者苦之

龍山在募役司水迴山轉其中深箐可種藍炭必焚
地以植

紅巖山在城東六十里壁立萬仞巖側有洞深廣數
十丈或時聞洞中有銅鼓聲恍見巖上紅花如雨則
其年必瘧癘夷人或一年或三年用烏牛白馬祭之

永軍州志

卷三 地理

七

以祈歲稔世傳武侯南征曾駐兵於此

雲亮山在城北一里

箭眉山在城北頂營司山勢高大周圍四十餘里河
流紆其下

象鼻嶺在城東七里入滇舊路左右皆巖箐萬仞中
有道如梁

關索嶺在城東四十五里山勢陡峻曲折而上凡四

十三盤方至頂上有關索廟舊志索蜀漢漢壽亭侯

子從武侯南征有功土人祀之山半有馬跑井相傳

索統兵至此渴甚馬跑地出泉故名又有啞泉飲之能令人啞立石以戒行者水深二寸許大旱不消大雨不長今用大盤石覆之

雞公背山在城東六十里舊爲滇黔大道山脊如雞背險峻難登山畔雞公洞深廣可容百餘人相傳昔有石雞嘗鳴後被竊去其跡尚存

鳳臺山距城百里在下募役山連三峯中峯壁立千仞多古木蒼翠交加其下河水截流居人兩崖結屋建有石橋前募役土司措署於山巔今圯基址猶存

火焰山在城東大水溝山形如火焰故名先是災災居人掘一池於山下山巔掩映水中倒影相照人災始息

曬甲山卽紅巖後一山也崔巍百丈山頭橫亘一宇俗傳武侯南征曬甲於此早晚間雲氣遮護居人以之小晴雨無不驗

玉屏山爲關嶺來龍山形體方正儼若玉屏聳峙於城後其託體甚厚特立不倚若受衆壑之拱揖者然

迴龍山在關嶺與玉屏山對峙山勢聳若翠壁居人

建塔其上曰維風塔千戶程攀龍暨貢生彭上卿等復恢廓之闕嶺自城內迤邐而出地勢愈下惟茲山對面崛起若獨木撐天故樹塔於頂

金龜山在關嶺場口由山嶺拖下亂石粼粼出沒隱見宛似行龜之狀今建文昌閣於上尚仍金龜山之名

玻頁玉屏山距州五十里在貢之東壁立千仞陟其上有一覽衆山小之概

响水崖在貢之南由洞而出雪花一片雲浪千重奔

流而下丙志一帶田畝均沾灌溉

水簾洞在城東八十里地名那大關四面懸巖大山洞內可容萬人大水泛漲不能淹及

聚仙洞在城南五里門徑委折偃僂始入渡一小橋漸高敞頂有竅光明下注石牀石鐘儼然

留節洞在城西南十餘里石乳凝結狀若盤龍鱗鱗生動上有字如蝌蚪不可辨識更進益幽邃中一石

墜左右曲房天然不假椎鑿昔有劉烈婦避兵其中遇賊不屈死因以爲名

蜂洞在城西南沙營舊司山巔洞深曲有水上爲巖巖有蜜蜂房大如車輪每春夏則來霜降前後則去可卜一歲之豐儉如霜降十日五日前早去則一歲全荒僅先後一半日則半熟或後十日五日去則大稔苗人取蜜從懸巖上鞦韆而下以擊其房如猿猴然

高洞在大水溝距城五十里洞深數里轉折灣環其中石筍磷磷不可記數折而右石乳凝結確磨牀几形勢宛然地下石窩層叠窩中有水如繡壤相錯

永軍州志 卷三 地理

十一

之狀

妙明洞舊名觀音洞在城西北三十里從關嶺北行歷落數峯青翠欲滴洞中軒闔若城垣危磴疊梯而上數十武有石平廣可羅拜祀大士於巔折而石儼若長廊大厦懸幔流蘇靡不畢具寂坐良久覺暗泉細雨從空中石竅生中有白石若龜龍鱗甲生動乃積溜所成昔人勒字於洞中石壁曰神龜玉液道光丙戌年許學憲乃普題黔南第一洞天六字於洞口復於洞外石壁上刻隸書妙明洞三字洞右又一小

洞可容百餘人石筍石幢天然具備亦佳境也

伯牙洞在城北從北極觀遡流而上可五里至洞洞口低窄僮僕而進數丈餘中始平廣有水出洞間

蓮花井在關嶺

詳見雜記

雙山井在關嶺青龍山兀立於左白虎山雄峙於右井水清澈二山倒影其中故名

石龍噴珠井在坡貢水從偏巖噴出纍纍如珠一日數次

圓池在城外沙子壩先是州城多火災嘉慶三年

永安州志

卷三

地理

二

導鄭錫福以高宗觀山形若火鑿池於此山倒影於池中火患遂熄

溫泉界州東南落安寨一路三井兩旁水極清涼惟中一井水溫熱如鼎沸冬可濯足居人常浴於此焉落葉河在城東澄水多遊魚相傳潭內有潛龍人不敢漁

團圓河距城五里其水一出寨後山左一出山右雨水環村而出交會處圓如月形波光宕漾流至安籠舖大路坡脚再流過北口河至落水洞落洞又水分

岔至落葉龍潭寨直至鷄德會郎公大河

北口河在城東二十里

小巖頭雙龍洞河距城南三里水出半山懸巖中
紙山至中哨河流至河口山匣出水又由洗馬河流
至新橋河又流至下落葉落碕出下鷄德會郎公大
河

新橋河在城東四十里

碕上河在州屬募役司碕上白石寨距城東五十里
出水流至竹桂河經以莫至响落交界落碕又流出

泥所至新橋大河會水

竹桂河在城南四十里卽碕上河下流

石龍石糯尾河在城北五十里石糯尾涼水井出水
流出二塘經補母當流至水寨背後分水嶺入灞陵
河

補母當河在城東北五十里河內可置水車灌溉田
畝爲州屬第一水利

叮嚀塘河在城西北九十里出水流會丙志河又流
歸灞陵河

丙志河在城東北五十五里卽叮哮塘河下流

礮頭河在城北上坡貢距城六十五里源出六保枝落碕出坡頭水碕林流至繁花落碕流出尾喜河會

丙志河歸灞陵河

繁花河在城東北六十里卽礮頭河下流

灞陵河在城東四十五里入卽公河

木炭河在城東北八十里出水流至大抵凸經偏坡寨又流至碕口河入白水河

楊柳河源出鎮寧北門外黑碕流至水塘寨再經

孟寨滙大河

桿子河在城東北角源出猓里寨流至梭落寨過

祭橋會白水河

白水河在城東北七十五里大路旁水源一出卽

六枝落龍由灞傘橋過木炭河至者向塘下扣路板

照河出黃葛樹犀牛潭是爲瀑布之源一出鎮寧州

四保寨由丁旗堡過雨窩橋滙桿子河至元總堡滙

鎮寧穿城河經羊祭橋入木炭河流至犀牛潭會

工大河是水色白異於他水從高飛流疊落深澗

下數十餘丈白練千條轟雷捲雪注入綠潭雖去氣
晴朗而激湍噴濺如行大霧中澎湃之聲遠聞數里
外其飛落處內有洞曰水簾昔孫可望至此見水中
有神物欲涸水以索之而潭水絕深厚數日不可竭
乃止洞上有石碑一座字跡模糊碑傍石壁刻有雪
映川霞四字舊志雪浪川
霞浪字疑誤

郎公河在募役司東南三十里爲諸水會合之地湍
流急疾不能爲橋設舟以濟往來流經那大關人打
帮渡會三岔河

永寧州志卷三 地理

洪水井河在州屬募役司洪水井坎山距城東六十
里賴頭河出水流會戈林寨落洞又流至落烘洞爲
箐落洞流出哨上會打帮大河

三岔河在州屬東南界募役司三甲落盤清水濶水
二江會合流入廣西通舟楫

陽家河在城西三里出水落洞又由下喜踏流出
蟒會盤江大河

者馬河在城西北六十里卽普安州之者卜河自安
南縣流入境下流注於盤江河

毛口河即岱屬在城北一百二十里出水流至歸木
又由小盤江經過上下盤江通鐵索礮至九盤河通
花江河再由板桂河會三岔河

樂運河在城南一百八十里流至歸化河由洪蜡河
過頂洪殿再由八大河至邕壤又經高坎河至邕山
會合橫水江龍河渡口

歸化河在州屬界連歸化河流至播西離城一百里
出水由高坎河會滾龍坡河入樂運大河

喜相河距城一百里出水由播西邕便會樂運河

王二河距城一百二十里源出安順府屬太和石流
至府城曰川城河出華陽洞落硿又出上下陽昌至
常冲落硿再出府屬龍潭寨過木沙隴驢子寨由岔
頭寨出爲王二河又流至下募役經三岔灣過石江
寨至滑石哨會白水河與新橋河會

盤江通志在城西三十里源出烏撒可渡河流入廣西
泗城州界武侯平南中戰於是水之南水經註云水
廣百餘步甚有瘴氣朱褒之反李旼追至盤江卽此
明一統志源自普暢寨經普安州境東北下流合烏

泥江崧山子江廣百餘步貴州入滇路沿江上下絕
擊汰之蹟水勢濬泊水漲時漂巨木撞舟峭壁曾巖
人蹟罕入

普安州志盤江在普安州者凡三見一見於鐵鎖橋
一見於羅磨塔山一見於毛口盤江之說衆論不同
或以爲牂牁江蓋牂牁上游也漢時牂牁直抵番禺
城下茲盤江流入石穴昔人有用竹片數百書字其
上投水中俟其流出後人有從粵西泗城府拾得竹
片者泗城爲右江今設有右江道故知盤江爲其源

上游而不能直達番禺城下故歷來盤江不用舟楫
茲江有鐵鎖橋橋北屬永寧州橋南下屬安南縣上
屬普安州中仍有犬牙相錯處

又云紅江與粵西西隆州分界水也旁有歪染泥向
隸西隆後割普安州紅江又名烏泥江有上中下三
江又名三江盤江水注於此

國朝晏斯盛黔中水道考云盤江廣輿圖以爲牂牁
水水出滇南小金沙江至威寧府界東南流爲河
河有橋曰可渡橋山曰分水嶺威寧舊烏撒衛也明

鄭氏曰予弭節西南抵烏撒普德歸驛驛門對可渡河堰詢水所從僕更稱水在西百里注壑而出流爲盤江又曰越衛城北二百餘里有七星關河源若部界濱城海子通水西境會可渡爲盤江第山水峭險狹狽叢居以是人無因而至據今七星關水爲分小嶺所界東出烏江不注可渡又小金沙江一名北金沙江來自吐番由雲南麗江府之塔城關入中國經鶴慶姚安武定東川諸府至四川之叙州府與岷江合入於東海與盤江之從粵以入於南海者源流迥

異則鄭氏後說與輿圖所載俱舛矣可渡河又東南流迤西至木東汎有花魚洞水西來注之又南至龍場汎有水自曲靖府界流來注之又南至安南縣東北有落白河自曲靖府界東流來注之又東至永寧州西安南縣東是爲盤江有橋曰盤江橋爲人滇孔道兩山夾行水勢湍駛不利操舟亦難架石明參改朱家民治鐵爲絙懸兩岸崖間覆以板東西各建樓堞行者賴之尋爲賊毀

國朝經畧洪承疇統大兵定滇濟此復完至今歲用修

縑不廢盤江又南至普安州東又南至九羅山迤東
至花江汎南有白水河得永寧州北之關嶺嶺長橋
水南流至鎮寧州西而南合菜子河水至寧州司又
南合永豐州西北之打罕河南來注之又有拖長江
自普安州沙泥崖東南流來注之又有卜者河歇橋
河板橋河東南流注之又南籠府有都城河自安南
縣界得江西坡水至高武汎西合馬畢河南流合得
溝河過普市合大坡哨水東過府南界而東流注之
盤江水又南至永豐州西南而東南過酒城向大廣

永寧州志卷三地理

六

粵達於海

古蹟

諸葛碑 在紅崖曬甲山懸巖上約二十餘字大者如
斗小者如升非篆非隸不可辨識字若知書

並非鐫刻巖石剥落寸許筆
畫如新茲將字形摹刻卷首

諸葛營 一在紅崖山一在盤
江皆武侯駐兵處 曬甲山 俗傳武侯南

盤江 朱褒之反李恢
進至盤江卽此 馬跑泉 在關索嶺

順忠關 明安陸侯
用兵於此 留節洞 劉烈婦殉節
於此詳山川

關梁

順忠關卽關索嶺前史云洪武命曹聚副安陸侯

總兵官分攻關索嶺及阿咱疑卽今鬼寨等寨悉下之

地始定

那大關灞陵河之下流所經兩岸峭壁樹多石隙生盤根錯節無音不有

猴兒關在坡貢東南下臨丙志河一徑崎嶇遶陡險古稱羊腸鳥道殆若此歟

廻龍關在萃寨繁花兩塘之中有茶亭

鳳凰關在坡頭塘關高而形似鳳故名有茶亭

石龍關在坡貢西三十里山路崎嶇驛馬勞頓設驛

永寧州志卷三地理

二

站於此按關屬

天門關在撒志坡高山頂石穿通若門然位乾方於

名州往即岱經此

白沙關在青崗林後山地皆白沙故名州往坡貢經

梅子關通志云在城西三十里案在城西原建有哨

城稽查往來城今

白虹橋一統志云在永寧州西案在州募役司西北

案在募役司東白水河上明洪武中建案通志載白虹橋入鎮寧州以白虹橋一

帶係鎮
永接壤

灞陵橋跨灞陵河通志云在城東三十五里

東門外

五里一名關索橋以在關索嶺麓得名也又名八里橋

以關索嶺關口至橋有八里也橋左右各植菩提樹

一蓋千百年物道光丙戌夏橋忽有聲三日橋石之

樹倒於河橋遂圯其半十五年六月知州黃培杰捐

廉倡首紳士彭上卿張紹德暨州士民助資補修

盤江橋通志云在城西三十里舊爲滇黔孔道江水

洶湧不能舟渡明崇禎間叅政朱家民創建鐵鏈橋

永寧州志卷三地理

二十

毀於寇

國朝順治十六年經畧洪承疇總督趙廷臣巡撫卞三

元重修康熙六年改建木橋康熙十九年賊又毀

十三年總督蔡毓榮巡撫楊雍建會題重建橋爲

壯觀設上巡檢守之二十五年被水冲壞加修如故

四十三年久雨傾圯總督巴錫巡撫高起龍率知州

許國棟重修五十年木橋圯巡撫劉蔭樞更建鐵鏈

橋面覆木板工亦浩繁案過江大鐵索一十九根每

根長二十八丈二百八十五扣每扣長一尺重十鈞

隆橋樓過江大鐵索六根每根長二十五丈二百二十五扣每扣長一尺重十觔欄干大鐵索八根每根長十二丈二百四十扣每扣長五寸重半觔欄干鐵枋九十七塊每塊長四尺重四觔欄干細鐵索一百九十四根每根長四尺每扣寸許重二兩六錢一欄共重四觔兜底過江大鐵索係鐵枋穿練每塊長一尺五寸寬三寸厚八分重二十觔共五十五塊鐵練貫入兩岸崖石間橋面覆以板東西建堞樓以司成閉比鐵着雨必鎔此橋鐵練經久不鎔舊例三年小

修五年大修自雍正六年改新路一切俱渡毛口
盤江橋人少凡六年修一次借領藩庫卷廉銀九兩五十兩普安廳安南縣同修西岸永寧州獨修東岸
南雲橋一統志云在永寧州南頂營司西三十里
下募役橋在州屬頂營司下部馬

乾橋在州屬西界由盤江大道

新橋在州城東界

南由大水溝
東由關嶺

永鎮橋在州屬西界頂營司西邊枝

福星橋在州屬南界由募役司大道

者馬橋一統志云在永寧州西北跨者馬河家南縣境則橋宜不在永寧

馬安橋一名大水橋在板王墩子之間康熙己巳何

重重修癸巳朱嘉孝又修

永濟橋在阿果枝跨白水河上流由阿果寨至城經此明萬歷間修共十一洞國朝乾隆三十四年水漲衝去三洞阿果寨周鶴鳴捐六十金倡修蒲蕭可馬橋跨可馬河在燕子巖之旁道通洛別乾隆三十三年六保枝蕭國恩捐修

永寧州志卷三地理

三

棚傘橋跨白水河上流道通馬堡豬場乾隆二十一年蕭國恩修

丙志橋道通坡貢乾隆三十四年知州賴晉捐俸倡修道光十五年監生羅華光等募修

可哮橋由坡貢往即岱經此蕭岵修

雞德橋通南籠孔道乾隆三年知州陳嘉會建木橋三洞後暴水衝去木板今石等僅存

永興橋跨補母當河俗名補母當橋乾隆三十八年尹萬勝捐銀一百五十兩倡修

啟明長庚橋在舊沙營龍潭街東曰啟明西曰長庚
雙橋建自明永樂年間

永康橋在石頭寨康熙三十二年沙起龍倡修

三洞橋在永康橋之下里許康熙中衆姓修

石板橋在凉水井明洪武間修今圯道光十六年生

員張紹本王澤遠捐修

團圓橋在團圓河寨康熙中衆姓修

平安橋下於團圓橋里許順治間衆姓修

王二河大橋在王二河道光五年首士余正珍等款

永軍州志 卷三 地理

修

天生橋有二一在穀雨走沙營司路一在石沱寨白
水河下流

嶺所渡盤江初入州境處小舟渡通普安

上盤江渡江東通沙營江西通舊哨小舟渡

下盤江渡小舟江東通沙營江西通安南以上三渡

俱在盤江橋上流

九盤渡在州屬西界由興義徑道通大船

花江渡在州屬南界大船通永豐以上二渡俱

新場路道光十六年監生王德昭等募修

新場至二官寨路道光十六年庠生宋必達捐修

灞陵橋至大坡頂路道光十六年廩生張紹德等募修

彭上卿等募修

胡椒凹至安籠舖路道光十六年舉人侯榮封等募修

修

關嶺溝渠

補母當河流至大水寨浸入土坑散漫四出康熙五十二年知州王克莊率土司羅嵩築石壩開渠引水自大水寨雞窩田楊家寨大地庄蔡家庄關嶺簸箕溝共灌田七百餘畝詳 巡撫劉公 諱蔭樞碑記見

文志

按碑在關索嶺廟前維時捐銀者安順府知府余昌宗永寧州知州王克莊劉邁種駐防關嶺千總劉應科關嶺驛丞高雲翰頂營土司羅嵩募役土司禮宗

永寧州志

卷三 地理

三

殷紳士周鼎新李珮李璋蔡錡耆民張洪烈劉應奇趙珂楊時泰杜國良督工者書吏李天球耆民羅耀祖

雍正六年改驛站於坡貢雞窩田等處居民將水溝開墾成田以致水不暢流自楊家寨以下田皆缺水收成歉薄關嶺居民食水維艱道光十七年正月初九日知州黃培杰偕關嶺千總程攀龍外委張國瑞紳士楊茂材修武謨彭上卿王萬彩姜受善康應光唐燦廷耆民鄭一銘羅登魁等同赴大水寨壩口勸

明溝址捐廉勸修繪圖貼說詳明

上憲立案

附詳文

貴州安順府永寧州爲勸諭士民捐修關嶺汎溝渠
詳明立案事竊照 卑州關嶺汎地方向係滇黔孔道
山多水少不惟附近田畝曠乾足慮卽取供食用挑
運維艱前於康熙五十二年經前州王牧親歷山溪
訪有補母當河一道發源安順下至灞陵礮歸卽工
河其上流至州屬大水寨壩口地方有旁支流岷浸

永寧州志

卷三 地理

三

入地坑該牧曾稟經前安順府余守倡捐廉俸率同
僚屬紳士人等及土司羅嵩捐資將地坑修平開溝
引水流至關嶺地方迤邐二十餘里上自楊家寨至
大地庄灌田四百餘畝下至箆羅溝灌田三百餘畝
並在關嶺街右首築池蓄水人馬沾足其溝係地方
官飭管號書役人等不時經理迨雍正六年將驛站
改由坡貢入滇關嶺一帶水溝無人經營年久坍塌
仍舊浸入地坑散漫四出並有本地民人將舊日溝
址侵佔作田以致楊家寨等處田畝時憂乾裂收成

歉薄關嶺戶口衆多居民食水苦於遠汲設有火患
更爲可虞卑職查悉該處情形親詣大水寨雞窩田
楊家寨大地庄蔡家庄關嶺後羅溝各處勘踏舊溝
基址捐廉倡率並勸諭附近各處士民人等亟爲疏
築以資灌溉而備不虞自大水寨至雞窩田舊溝尚
存止須填補滲漏自雞窩田至大地庄舊溝已開鑿
成田飭由該處山脚另開土溝直達大地庄復由舊
溝通關嶺至後羅溝共計土石溝六千餘丈一律開
寬挖深修築堅固實需工料銀九百餘兩由首事王

萬彩楊茂材姜受善彭上卿羅登魁張尙信孔紹等
鄭一銘等自行經理毋許書役沾染併於沿溝地方
購田一坵招佃耕種毋須認納租谷止令其經營才
溝隨時修整倘經營人懶墮廢弛仍至湮塞者准地
方紳士人等稟州究換現在該首士王萬彩等招諭
踴躍卽各寨民苗亦俱樂於從事已於正月初九日
擇吉興工務趕於耕種之前一體完備理合將勸捐
修理緣由繪具圖說並抄呈

前撫憲劉 新開河渠碑記詳候 批示飭遵

郵傳

明

一統古蹟志明洪武中置查站及查城驛在安莊衛南八十里許

黔記查城驛在安莊衛東南六十里

案黔記方隅既誤里數亦少

一統關隘志查城驛在永寧州北與鎮寧州安南縣接界

案查城驛在鎮寧安南之間卽今永寧州治志云

在永寧州北蓋指永寧州初建於打罕時而言

一統關隘志關嶺驛在鎮寧州南廢關嶺所明高麗中置

案關嶺驛本屬永寧州地志云在鎮寧州者蓋洪武時設關嶺所屬於安莊衛之舊云

國朝

舊通志關嶺驛在關嶺上走永寧下走鎮寧本驛驛

丞管理查城驛在永寧州上走盤江下走關嶺永寧

知州管理盤江驛在盤江腰站康熙十年巡撫佟鳳

彩 題設上走安南下走永寧初以永寧州吏目
理

十二年巡撫曹申吉 題設驛丞管理

案佟撫軍鳳彩疏貴陽之西至雲南者如查驛驛
至安南驛實有一百餘里除無名坡嶺不計外
有梅子坡黃土坡北極觀坡盤江河盤江坡保
坡哈馬坡高則一望無際深則萬丈有餘應於
江設一腰站永寧州見有更目一員可以移至
江腰站喂馬支應而督理銷算仍責成永寧知州

永寧州志 卷三 地理

三

新通志坡貢驛在坡貢上至即岱四十五里下至鎮
寧五十里以關嶺驛丞加巡檢銜移駐管理

案雍正六年鄂制軍爾泰以赴滇舊路由鎮寧州
至亦資孔其間如關嶺等坡道甚險且驛站遠近
不一 題請自鎮寧州屬黃菓樹起岔入新路至
普安州屬蒿子卡舊路止計程二百四十里零八
分開關通滇新路酌設驛站較舊站減二站道
平裁關嶺盤江等驛設坡貢驛將關嶺驛丞移駐
坡貢盤江驛丞移駐那當乾隆十九年裁坡貢驛

丞驛歸永寧知州管理額設驛馬五十匹馬夫二十五名站夫一百名

舊通志查城站在永寧州本州知州管理

大事紀順治十八年十一月裁查城站

新通志坡貢站在坡貢坡貢驛丞管理

案裁驛丞後係本州知州

管理

附舖夫

舊通志雞背舖舖兵四名關嶺舖舖兵四名俱係鎮

寧州管理

案雞背關嶺二舖係永寧州地以從前二舖管於關嶺所而關嶺所屬於安莊衛故

永寧州志卷三地理

三

相沿而爲鎮寧州所管云

新舖舖兵四名黃土舖舖兵四名頂站舖舖兵五名

安籠舖舖兵四名北口舖舖兵四名以上五舖鎮

作永寧州管理

謝庭薰曰改新路時於黃菓樹坡貢中間設萃寨舖

繁花舖各舖兵二名萃寨舖兵係雞背舖僱往充當

繁花舖兵係關嶺舖僱往充當雞背關嶺二舖原各

設有舖田原設舖兵仍舊

新通志坡貢舖舖兵四名坡頭舖舖兵四名頂効舖

繁頂効今
寫可哮 舖兵五名阿樂舖舖兵四名卽岱舖舖兵
四名以上五舖係永寧州管理

謝庭薰曰改新路時設五舖坡貢舖係北口舖僱舖
兵二名前徃充當坡頭舖係安籠舖僱舖兵二名前
徃充當頂効舖係頂站舖僱舖兵二名前徃充當阿
樂舖係黃土舖僱舖兵二名前徃充當卽岱舖係新
舖僱舖兵二名前徃充當頂站安籠黃土三舖原各
設有舖田新舖無舖田係募役司給田耕食北口無
舖田係頂營司給田耕食頂站安籠黃土新舖北口

五舖原設舖兵仍舊

又曰赴滇驛道向由關嶺驛查城驛盤江驛沿途崎
嶇滇程記站前後數十里驛騎倒斃甚多道旁僵卧
臭穢逼人諸苗見之輒解所佩匕首割肉人懷喜動
顏色然則當年之情景可見矣今改坡貢驛途坦且
捷豈不善乎頂站梭夫九馬公徭也王州長粵麟偶
因地近獨徵之沙營司八寨一時猶可勉強久之難
堪而九馬則又謂梭夫之根八寨已先獨辦輾轉交
推靡有底定乾隆三十九年蕭州長梅年甫下車廉

得其情乃集三司及阿果枝八十石頭目秉公判斷
蓋洗從前偏徇之陋云

程途

州城東道由州至象鼻嶺安籠舖北口舖小管哨關
索嶺馬跑泉壩陵礮大坡頂鷄公背至黃菓樹

出鎮寧大路

路計程七十五里

西道由州至西關坡梅子關黃土舖新舖北極觀至
盤江鐵鎖橋

出安南大路

計程四十里

南道由州至小巖頭桃子菌紙山中哨下哨大平哨

永寧州志

卷三地理

三

陳家冲水西庄响羅新寨羊田竹貴至募役福星橋
至花江河過渡

出貞豐大路

計程九十里

北道由州至養馬砢石板橋舊營沙營至紙廠

出即德大路

路計程三十五里

東北分道由州至沙子壩新寨新場阿冒寨二官寨
補母當橋丙志礮至坡貢計程六十里

東南分道由州至北口塘鷄場坪新橋木咱新店大

水溝出二甲至打帮出六馬計程一百二十里又由

北口鷄場坪分道由落葉鷄得段橋至八十石即公

過渡計程七十里

西南分道由西關坡阿康寨蘿蔔寨東瓜嶺上掛流
至九盤坡九盤渡計程八十里

村寨

南界募役司頭甲 享樂寨 毛栗寨 者棒寨

泥所寨 鴨子寨 上關口 下關口 塊榜寨

酸棗寨 馬食寨 落烘寨 董貢寨 水田壩

坡麻寨 坡坎寨 落布寨 木寨 牛田

簸箕寨 扒子寨 法岔寨

永軍州志 卷三 地理

詩

東南界募役司二甲 法泥 喜慶寨 以作寨

冬足寨 下巖寨 木革寨 哨上寨 上巖寨

落哨寨 木耙寨 落安寨 喜架寨 花月

打至 黃泥哨 那大關 喜旺寨 簡盆寨

阿喇寨

西南界募役司三甲 平寨 落盤寨 木工寨

松得寨 喜塔寨 豆腐嶺 明月箐 干田

良節寨 納色寨 偏坡 落麟寨 柑子寨

崗所寨 上石灰 上瓜 花 戛 下石灰

新寨 果别 下瓜 多得寨 高寨
板貴寨 落柯 新鋪後寨

東界募役司四甲 木咱寨 上那寨 擺波寨

上即先 下即先 下那忙 董札寨 涼水井

檢桃寨 朗章寨 普又寨 板懷寨

東界下募役 卜坤 八河 銅鼓井 磨子山

龍潭寨 石溪寨 牛角礮 姑娘庄 大木哈

隴工哨 法麥 烈山 杉木寨 石汪寨

安寧庄 牛口 禮義 納代 平安寨

永寧州志 卷三 地理

小平寨 河頭 猪場壩 隘林甲 阿由寨

以莫寨 梭頭壩 底母 落朗 王安寨

大木山 阿凹寨 三岔灣 海馬溪 箐口

打魚寨

東界頂營司尾納 黑泥凹 阿桑寨 魯灰

阿各 窩得寨 八角巖 頂營哨 大龍潭

納併寨 板王寨 許杵 小壩 木架寨

納募 鷄窩凹 波羅溝 那大 永寨

那花 花魚井

西邊雷打巖 既王 火把巖 梭落寨 巖上
雨 窩 新 寨 烏蜡巖 上 苑 烈 山
坡 壞 者 斗 落榛寨 邦 得
東界頂營司下布馬 紅巖 紅花蘭 驢子寨
竹林寨 黃土垵 斧頭寨 青崗林 化木孔
養馬寨 水塘寨 白馬哨 蜜蜂巖
北界沙營司法納 果 枝 果 戛 舊 營
沙 營 上盤江 谷 日 阿白寨 落 洪
尾里寨 崗 烏 丙 壩 石頭寨 仰 草

下盤江 養牛寨 口答寨 馬董寨 阿亞籠
那 稿 得力箐 卜 利 隴古寨 阿良寨
簡 庄 阿康寨 籬蔔寨 麻布寨 甕 得
阿羊寨 阿都寨 麻龍宮 二官寨 阿黑寨
兔場哨 箐 口 龍潭寨 新 寨 阿胃寨
楓香嶺 麥 乍 補母當 阿翁寨 洒 崩
東界阿果枝 那大 卡棒 滑石哨 王三寨
可 播 壩 傘 阿貢寨 石頭寨 碓 口
大洋溪 小抵拱 龍頭山 偏 坡 平 寨

攔馬田 猓戛寨 卜父林 王 阿棉寨

三架寨 洒把寨 本寨

東南界八十石新寨 董榜 栲柳哨 者各庄

即工 坡 冒 即定 木皮寨 高寨

隴 工 上下苑 紅巖 三房寨 紅岸

板 吾 巴 林 即妹 旦二 即產

擺渡 龍瓜樹

東北界六保枝尾革 坎黎 燕子巖 丙 志

壩灣 阿慈寨 隴 黎 上坡貢 偏 坡

永寧州志 卷三 地理

三

坡頭寨 下坡貢 納 冗 中 寨 木土寨

納 渡 小平寨 猓納寨 頭目寨 苗寨

鳳凰關 丁孝寨 落烘寨 多林寨 上寨

可馬寨 者田寨 苦竹林 毛草坪 平寨

東南界上三馬

樂舉司 洒凹寨 弄軟寨 仁齊寨 法艾寨

頂洪寨 納立寨 喜以寨 這元寨 仰峩寨

大聖司 打罕寨 納 有 江納寨 喜茹寨

石頭寨 邕先寨 納勞寨 花牛寨 弄袍寨

夏谷寨 江納寨 納沙寨 坡紅寨 如戎寨

板門寨 打帮場 喜妹溝 喜懷寨 老鴉巖寨

復泥寨 納浩寨 磨周寨 坡凹寨 納王寨

弄凡寨 磨抵寨 弄林寨 夾道寨 納凡寨

弄乃寨 坡撈寨 巧工寨

八大司 八大新寨 濫田冲 上板罵 芭舉寨

板樂寨 老劉寨 板興寨 板羊寨 洒浪寨

巧硃寨 上板羊 上打萬 丙壩寨 坡冒寨

喜朝寨 榜路寨 板要寨 喜相寨 喜漫寨

永寧州志 卷三 地理

三

喜理寨 芭呈寨 者認寨

東南界下三馬

樂運哨 扁脚寨 法要寨 那坎寨 那牌寨

樂謝寨 板岩寨 板干寨 陽降寨 喜路寨

芭便寨 板外寨 紅浪寨 頂鐘寨 那棉寨

板干社 洒鞋寨 牛頭寨 者介寨 芭林寨

磨得寨 由蜡寨 納磨寨

樂壩哨 那袍寨 朶萬寨 仁 榜 樂臺寨

那襍寨 由壩寨 新聖寨 排沙寨 里木寨

區翁寨 令全寨 弄山寨

播西哨 容懷寨 塌卧寨 下營寨 納見寨

邕力寨 邕懷 這陽 弄袍 喜染寨

納右苗寨

西南界江外

明望寨 坡鸞寨 高龍寨 南關寨 羊林寨

元達寨 打村寨 坡哈寨 金井寨 這愛寨

謝庭薰曰永寧州十七馬募役司四馬頂管司二馬

沙管司一馬六保枝阿果枝八十石三馬江外一馬

上三馬下三馬其稱馬者何明代設查城站官牧站
馬以應站差即地之廣狹以出站馬之多少故謂地
方為馬今尚相沿稱之

又曰明洪武二十五年置關索嶺所官額設十二科
庄隸之曰濫泥箐庄大地庄武家庄高坡庄楊家寨
庄觀音碛庄關羊寨庄桃家庄馬家冲庄田家寨庄
阿牛庄蔡家庄 國朝康熙二十二年所官廢十二
科庄隸於本州案今高坡庄楊家寨庄其分為五曰
大巖寨庄桐子園庄大坡頂庄斗母閣庄今庄不止

十二而十二科庄之名猶相沿不改

卸墓

明

王珣墓

在募役司北
四里老虎山

永寧州志卷四

營建志

知永寧州事昆明沈毓蘭重刊

鑿池所以衛城也築城所以衛民也永寧在萬山中勢不能鑿池而城工亦在緩修之列周半里許前無雉堞可謂陋矣然而關嶺峙其東不啻金城也盤江阻其西不啻湯池也而况象志成城足資扞禦乎至於公署以聽政壇廟以事神寺觀以紀古坊表以維風又何一非治道之所關哉志營建

州城

永寧州志卷四 營建

一統志永寧州城周半里門二明洪武中建

本朝康熙十二年增修

通志永寧州城明時建小城一座名查城牆未及肩圍繞僅半里許建東西二門

國朝康熙十二年知州林華皖增築週圍一百八十五丈高一丈四尺

按洪武時州治在打罕今州治當未建城然考查城站查城驛設自洪武則是洪武時已有查城之名今州城之創建應如一統志所云洪武中建考通志明

閃繼廸碑記叅政朱家民創建十一城天啟六年肇
工崇禎四年城成內有頂站建甌新城據此則查城
當爲朱家民創建二說存叅城前朝楊家山特特聳
秀來拱後屏迴龍山折轉回抱營盤坡爲右弼西關
坡爲左輔西南有獅子山其老幹抽一小枝頓跌轉
北而下起小突山槽中如毬廳帶形是爲頂簷山城
卽建於其上故城內僅容街一道自本州上下兩街
監倉而外居民未滿三十戶其餘烟戶將五百並營
汎各廟俱於城外錯處東北西三面橫亘大街一道

永寧州志卷四營建

二

爲赴滇者所必經

又附載

關索嶺城未詳創始今已多坍

募役司城未詳創始今廢

頂營司城未詳創始今已多坍

梅子城明爲哨設今哨廢城全坍

盤江城通志明閃繼廸碑記朱同人大叅奉命監安
普軍建城十有一座崇墉相望所在金湯

聞天子嘉其勞績更下大司馬覆議錫之令
名盤江曰連雲 按盤江城今廢遺趾尙存

公署

知州署上房五間左右廂房六間二堂五間右廂房二間西花廳四間書房三間對廳三間大堂三間書辦房八間班房二間儀門五間左爲土地祠右監獄六間有高石圍牆門外差房一間頭門三間轅門二架甬壁一座

家通志州署在州城內舊在安南衛明嘉靖間知州

段絲錦建後燬於兵

案一統志萬歷四年永寧始徙州治安南衛是嘉靖時州治在

關嶺尚未徙安南衛通志所云疑誤

國朝順治十六年移州治於查城驛知州王燧建衙署

康熙四年知州易言翼增修又州册乾隆二十年內外署火知州李復泌補修頭門儀門書辦房三十年知州蔣日烜補修上房廂房花廳捲棚三十八年署知州任鎮及以州舊無大堂移花廳捲棚作大堂移書辦房葺儀門增差房三十九年署知州蕭梅年葺上房乾隆四十五年知州范櫛借廉修理

學正署原在舊學宮西乾隆二十年火學正湯尚箴修三十八年署知州申贊皇任鎮及學正李肇基訓導謝庭薰率紳士將學署基改作新學宮之泮池

暨移學署新學宮南卽舊泮池基修正房三間左右廂房六間外廳卽明倫堂門樓一座圍牆三十八丈並訓導署在內

訓導署原在舊學宮東後毀乾隆三十一年訓導楊芳舒借寓忠義祠排修正房二間左右廂房四間門樓一座嘉慶二年興義苗變被燬道光九年訓導陳一亨號萃齋與紳士議建學署於學宮右側正房五間外廳五間爲明倫堂十六年訓導楊慶復於正房之右建廂房二間

吏目署在城西門內原皆草房乾隆三十六年大堂頭門火吏目王日辛修三十九年吏目柯茂詳請祭修上房三間廂房六間二堂三間書房三間過廳一間大堂三間頭門三間西園小亭一間知州任鎮及題曰勉亭今燬後任吏目顧錦堂陶文量重修募役司巡檢署在募役司大街上房五間廂房四間二堂三間旁屋六間宅門三間大堂三間儀門三間頭門三間科房二間嘉慶二年設立流官新建道光五年請項修葺

坡貢驛驛丞署在坡貢雍正十二年建今爲驛館
附監獄

州城監獄在州署頭門內東偏中一間供獄神左右
二間收禁男犯又二間收禁女犯乾隆二十三年知
州王粵麟補修道光十五年知州黃培杰捐廉重修
按乾隆二十三年知州王粵麟以坡貢無監慮過犯
易逃詳請田舊路經州城寄監以免踈虞

關嶺監卡三間在關嶺汎千總署內收往來過犯不
知創自何年道光十五年知州黃培杰捐廉重修

盤江卡房三間在盤江汎千總署內盤江向無監因
安南至永寧一站道途寫遠坡高路險往來過犯每
至半夜方到道光十五年知州黃培杰會同安南縣
李振莖詳請於永寧安南適中之盤江汎署設立卡
房三間以爲過犯寄宿之所其工程一切並過犯口
糧燈油諸費均係捐廉辦理

永寧汎千總廨在城外新街正房三間廂房六間大
堂三間書房三間門樓一座千總劉恩達補修今廢
守備署在西門外上房三間左右廂房四間虎座門

一間大堂三間右書房二間左軍裝局二間書辦房
四間頭門三間照壁一座週圍土石墻垣

把總署共十五間兵房八十八間在西門外

關嶺汛千總署十五間卡房三間兵房四十七間在
關嶺後街城內

募役汛千總署十五間在募役司後街

上掛汛把總署十五間在上掛

坡貢汛把總署十五間兵房五十三間在坡貢

盤江汛千總署十五間卡房三間兵房十五間在盤

江橋西五里嶺上

以上各汛兵房衙署俱於道光五年知州胡惠瑛任
內請帑新修吏目顧錦堂監工

演武廳在西門外嘉慶二年建道光六年知州胡惠
瑛請帑重修

附普濟堂棲流所

普濟堂在西門外新街嘉慶二年苗變燒燬道光十
五年知州黃培杰捐廉新建計瓦房三間前任直隸
務關路叅將管繼祥捐助木料

棲流所在西門外新街舊係草房一間乾隆元年知州陳嘉會修後燬道光十五年知州黃培杰捐廉買普濟堂左首陳氏屋基蓋瓦屋二間

壇廟

社稷壇在城外西街側雍正十一年知州陳嘉會修乾隆三十五年署知州任鎮及重修按壇制

北向東西南北各二丈高三尺四寸出陛各三級下制十二丈東西南各五丈緣之以垣四門紅油由

北門入壇外建神厨庫房宰牲

房帛坎案今有壇壇餘未如制石主神牌制案石主長二尺五寸方一尺埋於壇正

正中近南距壇邊二尺五寸止露圓尖餘埋土中神

牌一以木爲之碌漆青字身高二尺二寸濶四寸五分厚九分座高四寸五分濶八寸五分厚四寸五分

永寧州志卷四營建

七

臨祭設壇上祭畢藏之神庫

風雲雷雨山川城隍壇在城北沙子壩雍正十一年

年署知州任鎮及重修

先農壇在城外東水關上雍正十一年知州陳嘉會

二尺一寸深廣二丈五尺後爲神廟正殿三間東西

房各二間門樓一座過圍繚以垣壇廟門皆西向

神壇木牌高二尺四寸濶六寸座高五寸濶七寸

五分紅地金字臨祭迎設壇上祭畢仍捧安神廟

厲壇在城外穀場祭時迎設城隍神位於壇上用紙書無祀鬼神等象字樣牌位列於壇下兩旁

文昌閣在東門外乾隆四十二年修建嘉慶十六年重修改閣爲宮後殿地基係修姓捐出

武廟

在城外東街頂站塲東康熙二十九年知州朱

李復泌

重修乾隆二十年正月火二十一年九月知州

房及大門

樓嘉慶二年圯七年知州麟補修左右廂

城隍廟

元明建在打罕國朝建在今城外西街康

州秦銖

重修三十五年知州劉鴻誥修三十六年頽知

六年頽

知州陳嘉會重修道光六年圯州士民募修

龍王廟

在城東里許杉木洞不知建自何時嘉慶二

瑛署知州

許華銑署吏目趙成彥捐建涼亭一

座後圯

道光十五年知州黃培杰捐廉重修

火神廟

在東門外武廟旁乾隆十九年知州李復泌

知州申贊

皇修四十年冬月正殿毀署知州善

長泰重

修嘉慶元年燬七年本城士民捐修

名宦祠

在學宮內向未設祭主今遵通志設張融葉

泰陳佐

段絲錦吳敦本遵一統志設會異撰

永寧州志卷四營建

八

牌位

鄉賢祠

在學宮內向未設祭主今遵通志設韓鉦牌位

忠孝祠

舊在學宮旁後燬道光十六年知州黃培杰

盡美隨征台拱陣亡奉

恩賜墓祭今設沙盡美牌位並嘉慶二年苗變殉難之陸

光聯化南李華

淳牌位於祠內

節義祠

舊在西街祀節婦孔傅氏扈王氏後燬道光

右首添設續請

旨旌表各節婦牌位

崇報祠

在城東門外義學內道光十六年建

文昌閣

在募役司跨河面建殿閣巍峩登高望遠氣象萬千

關帝廟 在募役司地勢宏嚴屋宇清幽羅列象山宛
如圖畫道光十六年知州黃培杰捐設義學

於廟之
旁廡

南嶽廟 在募役司境
內見通志

城隍廟 一在關嶺城內後街居民鄭一鎔等募修一
在募役司大街一在頂營司城內一在沙營

司場
口

文昌宮 在坡貢後街田壩中地基爽塏景趣幽闊遠
近峯巒迎眸聳秀道光十六年知州黃培杰

捐設義學於
廟之旁廡

關將軍廟 在關嶺祀漢將軍關索
一名順忠廟見通志

文昌閣 在大水溝道光十六年紳
士張寬義王大章等重修

永寧州志 卷四 營建

寺觀

觀音閣 在城東二里
一名培風閣

壽佛寺 在城外
上大街

許真君廟 在城外
中大街

中和寺 在城東南迴龍噴
明萬歷時建今毀

大佛寺 在募役司
見通志

龍泉寺 在關嶺馬跑泉有山居八景曰松峯掛月西
嶺斜陽林密春鳥池浴松篁天台聳翠石欄

來仙山城古
蹟玉峽飛湍

斗姆閣 在關嶺
載通志

石牛寺 在關嶺大街門外有石牛故名不知建自何時道光十六年知州黃培杰勸設義學於廡

之兩廡

無量寺 在關嶺載通志康熙三十五年司郵寧天和孫偉捐廉倡建倣真定之無極寺式自下而上俱架石拱洞不需木椽上可蓋瓦寬二丈八尺供佛像三尊亦以石為之一名望林寺又名無極寺

北極觀 在城西三十二里明洪武時西平侯沐英建

大願寺 在盤江橋載通志明參政朱家民建臨江有亭曰望江亭道光十五年僧澈朗重修

望水亭 在城東北七十五里臨白水河祀呂純陽真慶二年苗燮燂道光八年學院許勸捐重修

署知州黃士古題聯云水色盈眸恍認廬山真面目瀑聲入耳頻消宦海熱心腸

按偽秦王孫可望永歷八年甲午中秋立碑於亭之

永寧州志卷四 藝文

對岸其記云白水天下奇觀也水凡三疊而中疊為

尤奇其狀如運萬斛潰雪大壑中撼重巖突青壁飛

濺注射雷奮雹墜所在皆是初不見其為水也天水

之以瀑布名者多矣顧皆出於絕壁令人仰觀或見

其為輪瀉傾注之狀馳走震盪之勢以為奇絕迺觀

白水者則不然依危石臨大淵兢兢欲墜以居水上

水雖狹勢任態殊覺從屨下起且凡墜而復起起而

散落復振者皆再見至其中之為翔為鬪為粉為結

為薄為怒為橫驚斜趨為履空梯影為蹉跌跳躍

蓋不可勝數噫水之變幻盡之矣茲又豈非幻之變者歟若夫壁下之爲潭潭深藍色潭中心爲懸水所衝亦沸而爲白高數丈然後墜其外湛如也人言中有神犀潛焉故常變光景出雲雨屢屢徵異孤出入瀕黔數過其地聞此語於土人殊未之信甲午夏駐蹕舊亭臨視讚賞俄而潭水且湧數丈勢若錢塘怒潮噴雲散霧左右驚視良久乃平或曰此神犀之效靈徵異也爰命所司選勝爲亭以備臨眺亭成而盛益著因記諸石以紀厥異云又題其石壁曰雪映川

霞據此則亭爲可望所建無疑矣

坊表

王周氏節孝坊在新舖

楊王氏節孝坊在城外東街

孔傅氏節孝坊在城外西大街

周吳氏節孝坊在關嶺大街

張田氏節烈坊在州城下大街

俗名花牌坊

永寧州志卷五

食貨志

知永寧州事昆明沈毓蘭重刊

宅土以民養民以食戶口田賦其最要矣若夫權稅
經費以裕度支倉庫積貯以防荒歉

國計民生至周且備而

天恩優渥猶時頒蠲卹之

詔自上下下民悅無疆萬年之所以有道也永寧山多田
少地瘠民貧殷實之家百無一二然而場市既設商
賈可通物產旣盈貨財自聚開其源而節其流是在

永寧州志卷五食貨

有司之悉心籌畫矣志食貨

戶口

原額戶口三千一十九戶新增戶口六千一百四十
四戶原額人丁三千五百八十丁俱係狎蠻原未審
丁徵銀康熙三十五年新編徵差人丁一十六丁有
徵丁差銀三兩二錢又三十五年至五十年增徵差
人丁一十八丁康熙五十年編審實額徵差人丁三
十四丁實額徵差銀六兩八錢又康熙五十五年至
雍正九年編審新增

盛世滋生人丁二十四丁永不加賦

田賦

原額田畝三萬六千七百九十七畝八分五釐三毫
三絲六忽三微六塵三纖七渺內除撥歸安順府後
改歸卽岱廳田九百八十六畝七分六釐實額田三
萬五千八百一十一畝九釐三毫三絲六忽三微一
塵三纖七渺又節年新墾額外田四百一十九畝四
分二共田三萬六千二百三十畝四分九釐三毫三
絲六忽三微六塵三纖七渺內實除荒蕪田七千八

百三十七畝九分六釐四毫八絲零八微七塵四纖
九渺實在成熟並減則田二萬八千三百九十二畝
五分二釐八毫五絲五忽四微八塵八纖八渺

謝庭薰曰乾隆七年貴州文宗差竣回京奏請丈量
貴州田畝御史包祚永奏黔土瘠民貧苗狎易致驚
擾自康熙來已計畝徵收在案茲若再丈田百弊叢
生於民未便奉

旨俞允由是貴州永不丈田加賦

條丁銀兩總數

永寧州額徵條銀一千六百七十八兩五錢三分三釐乾隆四十二年奉文攤丁入田新增銀一百五十四兩五錢六分三釐

以上總共額徵條丁銀一千八百三十三兩零九分六釐耗羨照加一五隨徵奉文坐扣下年驛費不敷赴藩庫請領

條丁銀兩撒數

募役司額徵條丁銀三百八十八兩一錢五分八釐五絲六忽

永寧州志卷之五

三

頂營司額徵條丁銀一百五十八兩零三分四釐三毫三絲

沙營司額徵條丁銀七十四兩一錢六分八釐

六保枝額徵條丁銀八十八兩三錢五分三釐四毫四絲

阿果枝額徵條丁銀一百二十八兩三錢五分六釐六毫

八十石額徵條丁銀八十九兩六錢二分九釐三毫打罕樂運上下六馬額徵條丁銀八百九十四兩五

錢九分六釐二毫

江外額徵條丁銀十兩零四錢八分一釐四毫
五鋪額徵新墾丁銀五兩七錢一分零九忽

額徵秋糧總數

募役司米四百五十八石三斗六升八合九勺

頂營司米二百三十九石九斗六升六合

沙營司米一百一十三石零二升五合

六保枝米一百二十九石九斗零四合五勺

阿果枝米一百一十七石四斗一升四合五勺

八十石米八十一石六斗六升九合五勺

上下五鋪米二十石四斗八升二合五勺

募役司士民首報科米一十三石零九升三合五勺

七抄五撮

以上三司三枝五鋪及首報田畝共徵秋科糧米一

千一百七十三石九斗二升四合二勺七抄五撮開

支兵丁三百零二名廩生三十名不敷米石照會計

兵糧數目移營自赴 道庫請領散給

額徵耗米一百七十六石零八升八合六勺四抄五

撮每石定例五錢變價批解

官莊租米六十七石八斗六升

內除開支孤貧口糧外餘米照夏收時價

變解

學租米三十石

每石照夏收時價變價批解

藉田穀四石七斗

開支先農壇穀二石外餘存穀動支經費不敷銀兩赴司請領

在官田畝租穀七十石

每石定例五錢折收共應解藩庫銀一十九兩五錢二分

五釐

義學穀十石

每石定例折收銀三錢送學交給寒生

稅課

盤江稅年額雜稅銀一千二十九兩五錢五釐八毫

按照奉頒則例抽收分作四季起解每季解稅課銀

二百五十七兩三錢七分六釐遇閏加增銀八十二

兩三錢一分八釐三毫批解 藩庫

稅羨每年額徵銀一千四百零一兩零四分按照四

季起解每季解銀三百五十兩二錢六分遇閏加增

批解 藩庫

按花江稅局分設毛口大水溝新鋪

經費

每年請領

春牛花鞭銀五兩 春秋祭祀銀九兩

遵照

題定編定經費照衡州例

知州一員歲支養廉銀七百兩俸薪銀八十兩門子
一名歲支工食銀六兩皂隸十名每名歲支工食銀
六兩共銀六十兩轎傘扇夫七名每名歲支工食銀
六兩共銀四十二兩民壯十五名每名歲支工食銀
六兩共銀九十兩禁卒二名斗級一名每名歲支工

食銀六兩共銀十八兩

吏目一員歲支養廉銀六十兩俸薪銀三十一兩五
錢二分門子一名皂隸二名馬夫一名每名歲支工
食銀六兩共銀二十四兩

募役司新設巡檢一員歲支養廉銀六十兩俸薪銀
三十一兩五錢二分弓兵十名歲支工食銀六十兩
本州額設儒學學正訓導二員因道光七年卽岱設
立學校將學正撥入卽岱僅有訓導一員歲支俸工
銀八十兩齋夫二名每名歲支工食銀十二兩共銀

二十四兩膳夫二名每名歲支工食銀六兩六錢六分六釐共銀一十三兩三錢三分二釐門斗二名每名歲支工食銀六兩共銀十二兩喂馬草料銀一十二兩

以上知州吏目巡檢儒學官役俸工等銀春夏二季在於地丁銀內存留乾隆五十二年奉文行知不准存留全行赴 藩庫請領

永寧汛守備養廉等銀三百四十一兩一錢五分五釐九毫九絲六忽

把總養廉等銀一百五十一兩二錢外委養廉銀十八兩餉乾銀三十六兩六錢米三百六斗額外餉乾銀三十六兩六錢米三百六斗馬兵六名每名銀三十六兩六錢共銀二百一十九兩六錢戰兵四十九名每名銀十八兩共銀八百八十二兩守兵七十名每名銀十二兩共銀八百四十兩馬戰守兵每名米三百六斗連外委額外共米四百五十七石二斗各兵紅銀二兩五錢白銀三兩五錢其銀由永安協按季赴 藩庫請領支銷米赴永寧州倉支銷

關嶺汎千總養廉等銀一百九十三兩二錢外委養廉銀十八兩餉乾銀三十六兩六錢米三石六斗馬兵五名每名銀三十六兩六錢共銀一百八十三兩戰兵三十七名每名銀十八兩共銀六百六十六兩守兵八十名每名銀十二兩共銀九百六十兩馬戰守兵每名米三石六斗連外委共米四百四十二石八斗紅白銀與永寧汎同銀由永安協按季赴藩庫支銷米赴鎮寧州倉支銷

募役汎千總養廉等銀一百九十三兩二錢戰兵二

十名每名銀十八兩共銀三百六十兩守兵五十名每名銀十二兩共銀六百兩戰守兵每名米三石六斗共米二百五十二石紅白銀與永寧汎同銀由永安協按季赴藩庫支銷米赴永寧州倉支銷

上掛汎把總養廉等銀一百五十一兩二錢戰兵十五名每名銀十八兩共銀二百七十兩守兵三十五名每名銀十二兩共銀四百二十兩戰守兵每名米三石六斗共米一百八十八石紅白銀與永寧汎同銀由永安協按季赴藩庫支銷米赴永寧州倉支銷

坡貢汎把總養廉等銀一百五十一兩二錢馬兵六名每名銀三十六兩六錢共銀二百一十九兩六錢戰兵十九名每名銀十八兩共銀三百四十二兩守兵三十名每名銀十二兩共銀三百六十兩馬戰守兵每名米三石六斗共米一百九十八石紅白銀與永寧汎同銀由永安協按季赴藩庫支銷米赴永寧州倉支銷

盤江汎千總養廉等銀一百九十三兩二錢馬兵四名每名銀三十六兩六錢共銀一百四十六兩二錢

戰兵三十一名每名銀十八兩共銀五百五十八兩守兵二十八名每名銀十二兩共銀三百三十六兩馬戰守兵每名米三石六斗共米二百二十六石八斗紅白銀與永寧汎同銀由永安協按季赴藩庫支銷米赴安南縣倉支銷

貢生三年出貢二人每貢坊儀銀三兩

廩生三十名每名膳銀五錢共銀十五兩米四石共米一百二十石

坡貢驛費每季赴藩庫請領銀八百三十九兩一

錢一分八釐二毫七絲七忽七微遇閏照攤加領四季共領銀三千三百五十六兩四錢七分三釐一毫一絲八微

本州屬上下五鋪鋪役二十一名每名日支工食銀一分米一升折銀一分二釐遇閏加增小建扣除按季給文交鋪役自赴藩庫請領

孤貧定額九名每名歲支銀一兩八錢共銀十六兩二錢米二石八斗共米二十五石九斗二升

額外孤貧九名歲支米同上

倉庫

常平倉

募役廩三間頂營廩二間沙營廩一間六保廩一間大字倉三間前新倉三間中新倉三間上新倉三間高陞倉五間聯陞倉五間新有倉四間盈寧倉二間風字倉三間調字倉三間雨字倉三間潤字倉三間國泰倉四間民字倉三間安字倉三間順字倉三間以上倉廩順治十六年修在州署西南遇有朽壞舊任修補移交新任庫未建

社倉

雍正元年詔諭天下有司設立社倉永寧州額設八間州城二間分建募役司二間頂營司二間沙營司二間在州城者向係社長經營並未修有社倉乾隆十四年知州嚴再昌查詳歸州乃實建社倉於常平倉側卽於社穀內變價修造

案原貯社穀三千一百五十七石五斗三升九合二勺其分貯募役司社穀七百零三石五斗分貯頂營司社穀六百五十二石五斗二合均於嘉慶二年二

月被南籠府逆苗蔓延燒搶無存分貯沙營司社穀五百五十石亦於是年六月被卽岱逆匪蔓延糾約本屬窩得寨苗匪燒搶無存實在現貯州城社倉穀一千二百五十石四斗八升七合二勺

附義倉

本城義倉五間在學宮旁道光十五年知州黃培杰勸衆紳士捐資倡建並撥募役白墳田本城鄧凱田北口莊田葉姓田共四份歸入義倉每年約收淨穀一百六十京石值年齋長經營

義倉章程

一義倉五間現貯京石穀一千二百石週圍修砌墻垣門懸義倉匾額顧人看守毋許閑雜人等至倉內閑遊以防透漏

一義倉內義田四份每年收京石穀一百六十石除將三十石給經營首七作爲晒晾風搗及看倉檢漏盤量等項人工外餘存穀一百三十石歸入義倉收貯

一義倉歸地方官經營難免書役侵漁若以紳士一

人獨骨亦難保無親友借貸茲擬由值年齋長公舉殷實紳士二人正直耆民二人共同管理地方官隨時稽查紳士耆民互相糾察均不得擅動粿粒經營之人三年更換一次每遇大雨陰霾該管首士前往查看有無滲漏及時粘補倘疎於防範致有霉變透漏等事經營人照數賠償

一義倉之制多係春借秋還惟永寧漢苗雜處山多田少一經借出勢難收取今擬將義倉穀石止准平糶煮賑不得以借種生息易陳出新等項名色私自

支放致啓弊端

一義倉專爲救荒而設過年歲小歉酌減市價五分發賣存七糶三不得盡行變價如遇年歲大歉按時價酌減以七分平糶三分煮賑務使無力窮民均沾實惠

一出糶義倉穀石須紳士人等向學正告知會同地方官前往監視始准開放出糶每日每戶按人數零星糶買卽人口衆多亦不得糶至一斗以外如有囤販情事查出加倍罰穀添賑

一義倉糶獲穀價須眼同學正地方官及紳耆人等兌明數目公同封固仍交經管首士照數登記收存俟豐稔時買補還倉不得將價值久留虛懸穀石一義倉如有坍塌隨時修補日後穀多再添倉厥存貯所有一切經費由值年首士稟知學正轉牒地方官查核准其將義田穀動支報銷

一每年原貯穀若干收義田穀若干經費若干逐條登記簿籍遇新舊經管人接收交代時稟請學正地方官眼同核算照數盤量以免弊混所有盤量經費

亦卽於義田穀動支一經管義倉穀石遇新舊交接盤量時每百石准開除耗穀六
斗庶經管人不致畏累不前倘
此外再有折耗惟經手人是問

場市

頂站場 本城外東街鼠馬日趕康熙二十四年知州黃惟桂開

北口場 頂營司境城東三十里虎羊日趕

大水溝場 募役司境城東三十里雞兔日趕

關嶺場 頂營司境城東四十五里牛羊日趕

沙營場 汝營司境城北二十五里龍狗日趕

坡貢場 六保枝境城北六十里虎猴日趕

永寧州志 卷五 食貨

六保場 六保寨境城北六十五里龍狗日趕

阿良場 沙營司境城北二十五里雞兔日趕

新鋪場 募役司境城西二十五里蛇猪日趕

邀齡場 沙營司境城南四十四里虎猴日趕

募役場 募役司境城南八十里龍狗日趕

打罕場 上三馬境城南一百八十里猴虎日趕案今趕鼠馬日

板干場 下三馬境城南一百五十里牛羊日趕案今趕猴虎日

播西場 下三馬境城南一百二十里龍狗日趕案今趕猴虎日

朶萬場 下三馬境城南二百六十里猴日趕案今趕猴虎日

謝庭薰曰錢者泉也泉貨一日不流通則斯人必無以相生相養永寧場市凡十有五卽地支以推屬子者一屬丑者二屬寅者四屬卯者二屬辰者四屬巳者一屬午者一屬未者三屬申者四屬酉者二屬戌者三屬亥者一四境之內無一日不奔走抱貨足驗生理之繁昌矣

案謝志所載北口六保阿良趨齡板干等共五場今廢自乾隆四十二年以後新設場市開列於左

崗烏場

城北四十里
雜兌日趕

永寧

州志

卷五

食貨

五

東瓜嶺場

城西南三十里
猪蛇日趕

新場場

城東北二十五里
雞兔日趕

雞場坪場

城北三十五里
猴虎日趕

黃菓樹場

城東七十里
鼠馬日趕

打帮場

城南一百二十里
猪蛇日趕

樂舉場

城南一百八十里
牛羊日趕

樂運場

城南一百七十里
牛羊日趕

邕懷場

城南二百里
猪蛇日趕

木工場

城南九十里
猪蛇日趕

壩掃場 城南一百八十里龍狗日趕

耙子寨場 城南一百一里龍狗日趕

擺渡場 城南七十里牛羊日趕

江龍場 城南二百二十里龍狗日趕

下募役場 城東一百二十里雞兔日趕

簡莊場 城北五十里猴虎日趕

丙壩場 城北四十里雞兔日趕

物產

穀屬

稻 有紅白糯旱各種又羊毛黏米粒堅細春白如玉 梁 有大燕

永寧州志 卷五 食貨

共

菽數 甜苦 荳 有晚扁角黃綠 黍 粟類似 稷 黍而小稗

苞穀 苞而生如梁山巔 草子米 蕓苳仁 芝蔴

蔬屬 韭 薤 即白菜 蘿葡 芥 蒜 茄

芹 菠 蒿 苣 菁 莧 葱

菓屬 山楂 梅 桃 李 杏 橘 榛 粟

柿 梨 蜜羅柑 通志藤本實大如瓜皮黃厚如佛手白肉無穰甜與蜜同作清供香

色經日不散出永鎮等州山間紫蜜羅 佛手柑 出洛

柑係木本非藤本樹如香椽葉較大 白菓 白菓花不易見其花時多在子丑寅三時雲 楊

梅 葡萄 胡椒 櫻桃 橄欖 枇杷 木瓜

林檎 花紅 石榴 無花菓 通志無花菓出永寧州不花而實生於枝

葉之間其大如李案無花菓之樹大者可作柱葉似枇杷葉四面自根層累環結每一菓覆一菓初結色青熟時微紅形類地瓜而甘美過之大者如飯碗小者如茶鍾不但如李熟者取之蒂上即出白漿次日紫復結成一菓六七八月熟餘月雖結不熟州境惟董芴及盤江等處生 草菓 出洛海

落花生 出關嶺一帶 茨藜 救軍糧

木屬 松 柏 楠 梓 椿 楸 杉 沙營舊司有二株極

古 桐 椴 檉 槐 柳 楊 檀 黃菓樹

竹屬 金竹 紫竹 茨竹 欒竹 水竹 清風竹 通志出永寧關嶺俗名藍竹案清風竹即青松竹之訛謂其形如青松也大如筵高五六丈其笋豐

永寧州志 卷五 食貨 七

肥通其節可作柅引水灌田夷人遇喪伐之樹於門外上懸白紙名鬼杆號旆竿竹今產八十月

花屬 蘭 桂 菊 蓮 牡丹 芍藥 薔薇

王簪 海棠 洋繡毬 鳳仙 芙蓉 山茶 剪

織 仙人掌 無枝葉狀如人掌側累而成多刺自三掌至十三掌而止色綠開黃花如芙蓉

一樹僅開一朶 紫薇 芭蕉

草屬 火草 紫葦 黃茅 白葦 水銀草 可食

蕨 可食 麻

蔓屬 葛 青藤 羊桃藤 凌可固石 蘆子 出洛蟒其藤葉與風藤相

似

瓜屬 王瓜 東瓜 南瓜 葫蘆 土瓜 苦瓜

葦屬 茵 雞縱 香蓍

藥屬 山藥 前胡 小茴 車前草 沙參 苗可食三

月何首烏 益母草 金銀花 苜蓿 茨菰

威靈仙 一統志云出永寧州通志出永寧志云其根叢鬚治風濕 紫石英 通志出永寧州屬色淡紫

瑩徹大小不一 出蘿 麥門冬 出蘿

金石屬 鐵 出丙 硝 即先等處產硝泥三年卦司領本熬一次分給提標安順安南

永安營汎馬捺防之用 祀 固洞老山空詳請封禁

禽屬 鶴 鷗 鷺 鳩 鴛鴦 鷹隼 雉 杜

永寧州志 卷五 食貨 九

鵠 鷓鴣 鶉 鵲 鴉 燕 山鷄 雉 秧

雞 鶩 鴨 雞

獸屬 虎 豹 豺 狼 兔 猴 狐 牛 馬

羊 犬 豕 貓 毫猪 大如犬頭如犬首畧圓嘴短遍身皆毫似弩箭長三五寸許尖空如管走則響如鈴尾根之毫長五六寸許

尖細而軟他獸有牝牡毫猪則陰具陽具備焉 鑿土洞居之一羣或七八或五六不等

鱗介屬 鯽 鱧 鯉 七星魚 通志出永寧即鱧魚又名銅魚首有

七點黑花細鱗諸魚膽 螃 蝦 脆蛇 皆苦鱧魚膽獨甘可食

布帛屬

鐵笛布

通志云出永寧鎮寧

土布

高車布

米散

花布

染造紅白
色頗鮮

棉花

出六馬

永寧州志卷六

學校志

知永寧州事昆明沈毓蘭重刊

學校之設所以明人倫敦風俗廣教化育人材也我朝文治昌明聲教暨訖府州縣皆立學校以培文風而陶士類盛莫盛於斯矣永寧舊附安南設學後始建聖宮又經賢刺史創立書院以訓課之復爲之籌經費以垂久遠於是永之人咸知誦讀百數十年以來人文蔚起崇實學擷巍科者世有其人夫以窮荒僻陋之區一變而爲矜雅揚風之地豈非文教振興之明驗

永寧州志

卷六 學校

乎志學校

通志永寧州學在州城門外舊附安南縣學

國朝康熙三十八年巡撫王燕始

題設州學捐俸三百四十兩倡建

學宮時知州雷有成督同三司建造副榜吳君爵度地卜

基得城之東北隅亥山已向兼壬丙三分辛亥辛巳

分金

詳見雷有成碑記

雍正壬子毀知州陳嘉會劉世恩王

遂相繼倡修州人周杞周純張涵陳士域董其事乾

隆丙辰工竣辛巳又毀知州卽昌齡改西向形家有

三獅拜象之說乾隆四十年落成謝廷薰爲之記嘉慶二年苗變毀於兵學正羅大鵬率紳士設

聖人牌於

文昌閣春秋祭祀均詣閣行禮十六年廩生修武謨貢生羅運昌監生郭廷淑倡邀貢生王洪鎮暨同學生者等詣知州金濬勘定

學宮舊址仍用亥巳老向

道光十五年六月知州黃培杰倡捐廉俸率同訓導楊燮巡檢萬家學主講維風書院候選教諭修武謨

永寧州志卷六 學校

暨閣州紳耆等勸捐修建

文廟學署書院忠孝節義鄉賢名宦等祠並義學義倉置義田設棧流所普濟院修理壩陵橋及大坡頂等處大路十六年十月工竣造具捐戶姓名銀數工段清單詳請獎勵十七年二月二十一日蒙督堂伊撫部院賀會同具

奏

附載

聖廟工程

首士羅運昌捐銀一百兩爲倡修武謨郭廷淑王洪
鎮等又以學田積年餘資僉衆力捐修銀兩偕生員
羅運貴耆民劉宗魁等建大成殿羅運昌率其姪貢
生羅宏德衛千總羅宏科等承修大成門僉啓聖祠
原仁衡水縣知縣陳宏爵捐修東廡鄉耆錢嵩年捐
修西廡置偏坡寨監生鄧祥麟捐修櫺星門生員張
紹本捐修禮門義路羅運昌復捐修舊魚塘引索關
之水瀦之龍天培張紹本等又有後山開溝引水經
書院學署注丙泮池使兩水環抱以培風水而備不

虞其捐資各紳耆姓名銀數詳載

聖廟碑記

附歲修經費

鷄得寨租穀十四石係貢生王洪鎮武舉王萬春闔
族捐輸 新寨庄年利銀十九兩係童生聶志乾捐
輸 附寨山一疋係安南縣貢生吳際泰同聶志乾
捐輸 八十石新寨田租穀十四石係黃平州學生
員蘇家相捐輸 買黃姓丙壩大爐沖田一坵價銀
三十兩收租穀二石五斗

書院

雍正十年義學房毀知州陳嘉會修建州署西園額曰維風書院集諸生躬訓課維風書院之名蓋昉於此是年頂營司與阿三等控爭大龍潭土田知州陳判爲義學庄額收租穀三十五石四斗四升八合以爲膏火立有碑記

乾隆七年維風書院毀以大龍潭租穀借充公用十六年鄧金魁與吳建控爭田畝署知州楊士蔭判歸義學額收穀十石折銀三兩以爲膏火三十五年署

知州任鎮及判邑懷田一坊歸義學三十八年署知州申贊皇議修義學於學宮內以復維風書院之舊邑人周景旦捐資倡修是年四月二十六日署知州申贊皇案撥大龍潭租穀復還義學牒儒學學正李肇基訓導謝庭薰管理

附牒文乾隆三十八年三月十六日據州屬紳士周

景

灑

等呈稱雍正十年內前州陳案撥大龍潭租穀

三十五石四斗四升八合充義學師生資斧嗣因借充他項公用久假不歸爲此呈乞查案通詳勒石學

宮永將大龍潭租穀充義學膏火等情據此查大龍潭租穀從前原係撥歸義學以充膏火嗣因義學荒廢是以將義學穀石撥歸捕衙徵收變價批解以作開銷路斃流丐棺木之費在案今據周景濂等呈請改歸義學前來爲此牒知學署希將撥歸義學穀三十五石四斗四升八合每年照數徵收以作義學膏火將何如開銷穀石數目造冊過州以便查考須至牒者

又是年五月二十日署知州申贊皇案查邑懷田一

坊牒儒學學正李肇基訓導謝庭薰管理

附牒文案據下三馬洛運總目王日恆生員王天元具控邑懷王天宇匿契不稅一案業經前州訊明照例充公斷歸義學以資膏火在案因州城未設義學以至延擱未經查辦今義學現在興修相應開明四至牒送辦理爲此合牒貴學署煩爲查照來牒事理希將邑懷寨納永田畝照依後開四至坵數歸入義學安佃收租以資膏火須至牒者計粘邑懷田土抵坡脚下抵河坎左抵水溝右抵水溝四至清單

四十二年義學房燬

按卽乾隆三十八年所修維風書院

嘉慶二十三年貢生王洪鎮羅運昌修武謨生員張紹德監生鄧祥麟郭廷淑鄉耆修訓謨等倡邀同學呈請知州李烜建維風書院

附呈文

爲懇建書院培人才以端風教事竊聞風教之盛衰由於學校查永寧康熙四十七年知州甘繼前任劉雷二公設義學於學署外池塘坎上歷任州主按年捐資延師訓蒙至雍正十年義學房毀州尊陳修建

永寧州志卷六

學校

六

州署西園題其額曰維風書院集諸生躬課讀乾隆七年維風書院又毀三十八年署州尊申議復維風書院之舊邑廩生周景濂始行呈請嗣因書院未建士子馳就外學奔走維艱近來士氣日漸振興集同學耆老共議請建書院以副

國家作育人材之意今承賢父母蒞任以振興學校爲

生

亟等用是勉力願勦厥事爰擇寬廠之地以爲創

建之基議修上房三間講堂三間頭門三間學舍計二十間州人自行延師課讀永以爲例爲此呈請批

准施行

家紳士等遂擇基於

文廟左側用乾山巽向維時採買木料則有甘世勳郭
廷淑採買磚瓦則有鄧祥麟修訓謨監石木二上則
有修錫麟李淇聶志淵甘士杰管賬目則有張紹本
羅運昌龍天培侯榮封張紹德修皋謨甘原棠同心
協力共勸厥事爰於本年九月十一日豎柱張紹德
首捐銀二百兩修講堂三間上房三間

道光元年知州劉嗣矩首捐銀五十兩勸城鄉士民

永寧州志卷六 學校

七

樂輸共銀一千一百兩增修學舍十間內廂房四間
儀門三間頭門一間餘銀七百兩添置學庄

二年書院工竣知州劉嗣矩親主講席

道光十六年知州黃培杰勸捐重修

經費

貢生修武謨彭上卿齋長龍天培等呈請撥廣福寺
阿所寨廟庄歸入書院以資膏火州牧劉嗣矩批准
申詳並傳集盜當舖田各戶當堂給價銀三百餘兩
照抵當各契分別贖取

阿所寨租穀五十九石五斗年利銀十一兩七錢
高寨租穀一百二十八石

大四哨田租穀十二石

大龍潭租穀京斗三十四石八斗八升尾巴田租穀
市斗三石水火夫錢三千二百文

頂營哨租穀五十六石

文昌閣納亞寨原收租穀八十石年利銀十六兩因
該寨老佃私將田土抵當出外經齋長修暴謨清出
安租七十餘石又因車姓手內當出之地土齋長將

公銀向李楊殷劉贖明安租十二石現在總共收田
租八十一石三斗四升地租九十五石一斗三升年
利銀十八兩零

按此庄係乾隆五十四年生員黃啓賢聶華文羅運
泰耆民鄧玉瑞將公銀三十兩置地租四石嘉慶十
年本城士民復捐銀買明全庄以作廟業何歸該廟
經營後因書院膏火薪水不敷道光二年將該寨租
穀撥出添用其本城義學修穀二十石係此庄租穀
支發再此庄租穀除每年文昌閣焚獻歲修穀四十

石外如稍有餘積議作將來補修並修理後殿之費

三年聘舉人何思誠主講席

四年

七年聘進士金鼎銘主講席

一年

八年聘舉人廖世輔主講席

二年

十年聘舉人梅克羣主講席

三年

十一年至十五年聘舉人修武謨主講席

五年

十六年知州黃培杰親主講席

義學

通志永寧州義學在西門外

康熙十四年巡撫于準

題請設立各府州縣義學奉

旨俞允

欽頒文教遐宣匾額於各學舍知州劉鴻誥雷有成甘國

垓相繼修義學房於學宮甬壁外魚塘坎上

雍正十年義學房毀

道光十五年知州黃培杰捐廉倡率紳耆等捐設州

永寧州志卷六 學校

十

城募役司關嶺坡貢等處義學各捐置義田每歲收租穀二十石以爲修脯由齋長撥送議定義學章程十條榜於義學門首金將各義學田畝租穀備造清冊詳明立案

州城義學五間在東門外崇報祠置學田二坵坐落納亞寨中一名三台田大小十二坵一名鳳岡田大小五坵共約種一石二斗每年安租穀市斗二十石合京斗四十石

關嶺義學在關嶺大街石牛寺置學田一坵坐落高

寨名碓台田大小十八坵約種一石四斗安租市斗二十二石合京斗四十四石

坡貢義學在坡貢文昌宮置學田一名濫壩寨糧田私田陸地一坵安租六石又杉樹百餘株一名木土納板一坵大小五坵安租三石一名窩沖田二塊安租一石四斗一名可馬阿臣陸地一塊窩子地三塊安租八斗一坐落營盤坡脚私田一坵安租一石二斗一當明納馬地一幅安包穀一斗五升一當明燕子巖納見私田二坵安租三斗一名上坡貢門口田

二塊安租一石一名河對門糧田一塊安租二石一當明鄒世文名下陸地一塊安租六斗一馬駝背荒山一幅安租一石一燕子巖田六坵安租四斗一買明張孫億後沖田一坵安租三石五斗

以上共安租市斗十九石七升合京石三十九石四斗

募役司義學在募役司後街關帝廟置學田八坵一名硬塋箐田大小十六坵一名烘戛田大小十四坵印田一坵六坵三尖角田一坵箐脚田四坵小墳山

田一坵四坵大墳山田一坵大小十六坵洪水井田
一坵大小五坵箐背後放炮田一坵大小八坵共安
租穀市斗二十石合京斗四十石禮土司遺產署巡
檢萬家學詳請歸入募役司義學

道光十五年十二月州正堂黃 審得募役司民董
聯標與唐興煥等互爭田土一案勘明該民所爭田
土坐落募役司了口寨大小五坵約種三升土抵楊
家墳偏坡直下齊大路下抵唐老三田埂左抵蔣家
地埂坡爲界右抵大路又田邊路坎上有斜坡嶺崗

荒土一幅查董聯標並無契約唐興煥契內坵數係
屬添改均不足據斷歸募役司義學以充修膳而息
訟端此判

義學章程

一各處義學門外懸某處義學匾額中供

至聖先師牌位旁掛義學規則木榜一塊師傅棹椅一副各生徒棹撈飯食紙筆書籍自備旁設師傅臥房一所外貼本州告示一道以禁閑雜人等

一勸設義學原以訓課童蒙並非周濟寒士所有館師聽各處齋長公議務擇品行端方經書熟習之人以爲師傅方爲有益毋得徇情濫延耽悞弟子

一義學專爲貧民子弟而設使之讀書識字相習爲

善但人數太多館師難以盡心教導必至含糊了事茲約定額數每學二十人至多二十五人不得再添其有力延師之家無難自聘名師訓課子弟不准其入義學如貧民子弟願入學者尚象該紳士等再行量力捐輸另立一學

一每月朔望各生徒於

至聖先師牌位前拈香行禮畢再向師傅行禮

一蒙童每早上學館師卽將

聖諭廣訓宣講一篇或數行務使人人共曉卽鄉愚農民

聞者亦爲感發庶幾日就月將移風易俗漸知禮義而安耕鑿宣講既畢卽令熟讀然後再讀四書小學五經等書

一生徒上學遵照朱子論定規則十八條嚴朔望之儀謹晨昏之令居處必恭步立必正視聽必端言語必謹容貌必莊衣冠必整飲食必潔出入必省讀書必專一寫字必楷敬几案必整齊堂室必潔淨相呼必以齒接見必有定修業有餘功游藝以適性使人莊以恕而必專所聽如有不遵約束不知改過者卽將該生徒逐出

一館師訓課宜勤方有效驗如敢出外閑遊曠館不到或在館中呼朋引類飲酒下棋以致曠廢功課者許該齋長等卽時辭去另延名師仍按其在館月分給以修脯毋許多索如果教導有方著有成效者求歲卽可訂延不必另聘至生徒功課該齋長等隨時稽查毋得徇隱

一義學田畝該紳士公舉本處清直公正一二人爲齋長董理其事館師修脯隨時致送毋得侵蝕尅減

違者稟官究追

一義學田畝經本州詳明註冊纂入志書其契紙執照交該齋長等管理永不許當賣違者照盜典盜賣治以應得之罪另舉殷實齋長經管如有他人知情盜當盜買者追價入官照例治罪

一耕種佃戶皆由該齋長經管欠租課者稟官究追其有應完錢糧亦皆由齋長收租完納毋許拖欠

學額

學政全書康熙二十八年議准永寧獨山麻哈普定平越都勻鎮遠安化龍泉銅仁永從十一州縣尙未設學應試之人於附近州縣考試入學額數仍於各原額內考取冊內註明係何州縣人報部

題設州學

學政全書永寧州學額進入名廩生三十名增生三十名三年兩貢

道光十五年十一月州屬進士楊茂材舉人修武謨

侯榮封姜封齊楊茂先孝廉方正王萬彩職員龍天培貢監生員黃中理李元音修臬謨張紹本張紹德鄭廷蘭姚琳章張鴻謨李焜龍天錫潘德厚姜肇齊萬春芳劉金臺宋必達吳性楨王自新康應光宋肇基蕭永燦劉廷楷饒裕彭維浚尹德一嚴發元吳繼昌何世貞何茂勳魏廷楨向時雍陳銓楊成楷何茂林魏廷標王與蘭陳世濱柴應瑞熊錦龍陳世槐黃紹休濮永貞王希彥王家彬周封魯豐占元羅召南羅連陞梁崑山楊文昭薛錦芝等呈請加增學額計

附詳文

爲遵札確查籲懇詳辦事案於道光十五年十一月

據^臬州紳士楊茂材等呈懇請加學額一案奉

本府憲經 行奉

按察使司揭

布政使司額會札內開奉

貴西兵備道周

督部堂伊 批據呈永寧州人文較盛應否加額之

處仰貴州布政司會同貴西道督飭安順府查明例

案及現在情形妥議通詳核辦稟發仍繳等因又奉

撫部院裕 批據稟加增學額是否可行仰布政司

永寧州志卷六 學校

七

會同按察司貴西道體察實在情形確核妥議詳報

仍候

雲貴督部堂批示稟發仍繳等因奉此當經^{卑職}將

應請增額情形據實呈詳在案茲於道光十六年二

月十三日復奉

憲臺行奉

按察使司唐

兼署布政司唐會札內開奉

貴西兵備道周

督部堂伊 批此案前已簽查茲據復詳前情仰貴

州布政司會同按察司貴西道查明近年中式是否

加多妥議詳辦仍候

撫部院批示繳又奉

撫部院賀 批仰署布政司會同按察司貴西道體察實在情形確核妥議詳奪仍候

督部堂批示繳各等因到州奉此飭卽妥議詳覆以憑核轉

卑職

遵查學政全書內載雍正二年奉

上諭我

聖祖仁皇帝壽考作人六十年來山陬海澨莫不家絃戶誦直省應試童生人多額少有垂老不獲一衫者其令

永寧州志

卷六

學校

六

督撫會同學臣查明實在人文最盛之州縣題請小學改爲中學中學改爲大學大學照府學額取錄督撫務宜秉公詳查不得徇私冒濫等因欽此欽遵在案又查學政全書內載嘉慶十五年議准雲南昭通府自雍正五年設學取進文生十名廩增各八名四年一貢現在應試文武童生較前更屬加增請量加調劑以示鼓勵昭通府准其加額取進文生二名武生二名增設廩增各四名三年一貢等語查

卑州自康熙三

十八年與同府之普定清鎮等縣同時

題請設學均照小學例取進文武童生各八名嗣普定等縣於雍正一年

題准增額四名安平縣學原額七名後亦增額五名道光六年卽岱廳新設學校亦係十名卑州設學一百數十年來多士奮興不獨改土歸流之募役司所屬民苗咸知誦讀卽沙營頂營兩土司以及樂連樂壩八大樂舉大壘播西六土弁地方苗童莫不仰承

聖教慕義向風

卑職

於十五年四月到任後勸捐修建

學宮書院義學義倉並置義田修理橋梁道路各項工

永寧州志

卷六

學校

十九

程俱已告竣詳請鼓勵在案其士習民風實爲醇樸本年科考據儒學彙送漢苗生童花名清冊至有四百餘名之多較同柳州縣應考名數有盈無絀且卑州額設廩生三十名增生三十名拔貢一名歲貢三年兩名本係中學之制歷來鄉會兩試間有中式近科以來中式加多道光壬午科中式舉人楊茂材卽於癸未科會試中式進士乙酉科中式舉人侯榮封戊子科中式舉人修武謨姜封齊壬辰科中式舉人楊茂先乙未

恩科中式副榜沈宗濤較黔省各苗疆地方實係文風最盛核與昭通府苗疆加額之例相符可否如該紳士等所請改小學爲中學文武童生各增額四名以示鼓勵人材之處出自

憲恩如蒙

俯賜栽培實於苗疆地方大有裨益再永寧原設廩生三十名毋庸再加廩額合併聲明卑職晉見所及未識是否所有奉札飭查妥議緣由理合具文詳請

憲臺查核轉詳實爲

永寧州志

卷六

學校

三

德便

附卷田

生員黃如槐捐銀三百兩置卷田

道光十三年進士楊茂材舉人修武謨侯榮封姜封
齊貢生黃中理彭上卿生員張紹本修臬謨姜受善
王希彥鄭廷蘭張紹德李枝青龍天培姚琳章等爲
懇定州考試卷章程宏登進以培人才事竊古來三
年制科原以求賢而科歲彙童之日實人才始進之
階也我

聖朝文教昌明特隆學校永寧雖地屬彈丸應試生童烝

永寧州志

卷六

學校

(原無二十一至)

烝日上惟禮房供給試卷每苦工資不給間與童生
爭執卷資未免紛紛議論齋長等欲仿本省鄉場之
例捐置公田以作試卷工本奈書院膏火缺乏籌辦
維艱茲幸 循良父母莅止此邦德政感孚人爭慕
義生員黃如槐自願樂輸銀三百兩又耆民修訓謨
生員修本父子前捐入書院之哨上庄價銀三百一
十兩並該寨租穀銀九十兩其計樂輸銀四百兩又
貢生羅運昌千總羅宏科貢生羅宏德叔姪捐銀七
十兩通共銀七百七十兩除撥還道光二年借置學

庄公項銀一百三十六兩外實存銀六百三十四兩
州士民公同酌議將此項置產生息公舉老成清白
之齋長輪流經管按年給禮房飯食穀三十石歲考
試卷工本銀四十五兩印卷銀五兩科考試卷工本
銀二十二兩印卷銀三兩定於臨考出示後齋長憑
廩保交禮房承辦不得先期通挪再書院齋長值年
管事者入寨收息交經管銀錢之齋長收存定於每
年八月二十七日邀集學象清算出入賬項如子息
稍有贏餘添作書院生童膏火以示鼓勵庶作育之
途宏將來之鼓舞奮興者當更勝於今也州學象議
僉同實爲培植人才起見理合呈請批示永定章程
則栽培之德共祝高厚矣

州正堂梁 批據稟永寧科歲兩考每屆試期生童
等與禮房爭執卷費紛紛滋鬧該齋長等欲仿照本
省鄉場之例捐置公田以作卷費今有生員黃如槐
樂輸銀三百兩並耆民修訓謨等前捐入書院哨上
庄價及租穀共銀四百兩又貢生羅運昌叔姪捐銀
七十兩除還借置學庄公項銀兩外實存銀六百三

十四兩將此項置產生息每年公舉老成之人輪流經管作爲禮房飯食及試卷工本洵屬可嘉除黃如槐等各給匾額獎勵外餘照所議遵行該齋長等務宜協同稽察毋致日久侵蝕有負美舉予實厚望焉賜黃如槐匾額曰義重儒林修訓謨等匾額曰義舉可風羅運昌等匾額曰美濟竹林

道光二年生員張紹本職員龍天培等呈請撥中和寺之河口寨歸入書院以資膏火知州劉嗣矩批准申詳每年收租穀二十八石將寺內神像移於近城

培風閣廟中供奉並將該寺朽料折毀俟擇地另建嗣以議給禮房卷費火食穀三十石因卷業寫遠收租維艱同學公議將該寨撥歸禮房就近收租

典禮

慶賀禮凡元旦冬至

萬壽節文武大小各官俱遵照會典設香案朝服望

闕行三跪九叩頭禮按永寧州文武官俱於武廟內行禮

開讀禮凡遇頒到

詔書地方官員遵照會典具龍亭綵輿儀仗鼓樂出郊迎

接至公庭開讀

釋奠

明錢唐傳洪武二年詔孔廟春秋釋奠止於曲阜天

永寧州志卷六 學文

三

下不必通祀唐伏闕上書曰孔子垂教萬世天下共
尊其教故天下得通祀孔子報本之禮不可廢侍郎
程徐亦疏言久之用其言

國朝因之定為春秋二祭

祭品

爵

盛大 登盛大 釧盛和 籩盛祭 豆盛祭 簠盛黍 簋盛稻

罇

盛酒 俎盛牲 筐盛帛 毛血牒 香爐 燭臺 福

祚盤

祝版 窠覆酒 杓酌酒 高燈 盥洗盆中 提

燈

迎送 提爐迎送 香爐迎送 庭燎

康熙三十八年開學原置祝版一竹籩四百十四木
豆四百十四錫爵一百九十二錫燈一錫罇十錫銅
二十二錫簠一百有四錫簋一百有四白久損爛乾
隆三十九年學正李肇基訓導謝庭薰新之盛以木
櫃並增置錫香爐一錫燭臺二鐵燎架二嘉慶二年
苗變燬於兵

樂器

麾幡 應鼓 鼗鼓 笛 簫 搏拊 祝 歌
編磬 編鍾 笙 排簫 琴 瑟 篪 塤 管

永寧州志 卷六 學校

樂舞

旌 翟 籥

祭品 按設學之初募役司禮廷試頂營司羅名舉沙
管司沙天池於每祭供羊三供太牢自乾隆三
十八年署知州申贊皇三
十九年署知州蕭梅年始

羊 豕 太羹 和羹 黍 稷 稻 粱 形鹽

稿魚 鹿脯 榛 菱 芡 棗 粟 白餅

黑餅 韭茹 醢醢 菁茹 鹿醢 芹茹 兔醢

筍茹 魚醢 脾析 豚胎

迎春禮每歲立春有司官遵依會典迎春於東郊出

土牛

救護禮凡遇日月食文武各官遵照會典依部頒欽
天監推算時刻於本衙門救護

宣講禮每月朔望日文武教職各官遵照會典咸集
公所宣講

聖諭十六條曉諭士民人等

鄉飲酒禮凡府州縣每歲遵照會典正月十五日十

月初一日於儒學行鄉飲酒禮乾隆九年舉行鄉試

大賓陳起龍額曰尊達此邦

贈僕賓羅瓚曰懋昭永譽

永寧州志卷六學校

三十七

賓興禮凡三年鄉試舊例州官前期七日延集錄科

生員行賓興禮嘉慶丙子科知州鄭吉士戊寅科知

州李烜道光乙未科知州黃培杰俱

於場前

舉行

送學禮凡督學歲科取文武新生舊例紅案發到官

送學肄業行送學禮
賓見禮州屬各官相見照依頒定儀注行禮

永寧州志卷七

武備志

知永寧州事昆明沈毓蘭重刊

前明頂站等鋪梅子等哨但遙傾於安莊守備而已
我

朝聖武布昭削平寇亂增設汎弁近衛州城而盤江扼
險於西關嶺雄鎮於東坡貢環衛於北三路聲援應
如桴鼓其所謂犄角之勢者歟夫以通滇之要道古
來征戰孰不爭此險隘哉顧或用智謀或踞勝地要
無不可以資捍禦之方備書於冊亦安不忘危之意

永寧州志卷七 武備

一

也志武備

兵制

明

通志永寧州防守馬跑等十三哨係頂營募役等處
民兵又防守盤江等八哨共哨兵一百五十六名
通志普安守備一員駐安莊衛專管普安安南安莊
三衛普安永寧鎮寧三州地方兵一百五十名
一統志新鋪在永寧州境又有黃土鋪頂鋪安莊
鋪北口鋪舊皆戍守處

一統志梅子哨在永寧州境又有白諸書俱口哨黃

土坡哨小箐哨查城後哨募役哨馬跑哨舊皆設兵

防禦

按一統志鷄背鋪關嶺鋪象鼻哨俱載入鎮寧州今查象鼻哨在永寧州城東五里已廢鷄背關嶺二鋪皆永寧州地工食尙相沿赴鎮寧州請領以前明設關索嶺所原屬安莊衛故也

國朝

通志盤江營原設守備雍正八年改駐永安營設都

永寧州志

卷七 武備

二

司一員

通志分防關嶺汛千總一員兵一百名隸安籠鎮分防永寧州汛千總一員兵八十名分防關嶺汛把總一員兵五十名分防盤江汛兵十五名俱隸安南營分防坡貢汛把總一員兵六十名隸永安營分防白水河二汛兵二十名隸平遠協

永寧汛原設駐防千總一員兵六十名係盤江營分防雍正九年移盤江營於卽岱名永安營因改永寧汛屬安南營馬兵五名守戰兵五十三名內除千總

養廉五名公糧一名裁冗兵一名實存汎兵三十三名坐塘兵二十名在城塘安兵四名東走鎮寧州路十二里至安籠鋪塘安兵四名又東五里與關嶺汎交界西走安南縣路十五里至黃土坡塘安兵四名又十里至新鋪塘安兵四名又五里與盤江汎交界南走興義府路六十里至坡頭塘安兵二名又二十里至九盤與興義鎮分防定頭汎交界南走貞豐州路七十里至花江塘安兵二名又十里與長壩營交界關嶺汎原設駐防千總一員兵一百名係興義鎮

右營分防雍正八年改設把總一員屬安南營馬兵五名守戰兵三十九名內除把總養廉四名公糧一名裁冗兵一名實存汎兵三十三名坐塘兵十六名關嶺汎塘安兵四名東走鎮寧州路十三里至大凹哨塘安兵四名又五里至構皮卡塘安兵四名又五里與平遠協分防安莊汎交界西走本州路十五里至北口塘安兵四名又五里馬鞍橋與永寧汎交界坡貢汎雍正九年因改通滇新路設駐防把總一員係新設即舊永安營分防馬兵五名守戰兵四十九

名內除把總養廉四名公糧一名裁冗兵一名實存
汛兵三十三名坐塘兵十六名坡貢汛塘安兵四名
東走鎮寧州路十三里繁花塘安兵四名又十里莘
寨塘安兵四名又五里與安莊汛交界西走郎岱路
十三里坡頭塘安兵四名又五里張家灣與永安營
可哮塘交界

按以上皆舊制今查嘉慶二年苗變大兵平復於嘉
慶三年善後事宜裁去永寧千總一員關嶺汛把總
一員以苗疆重地永安改營爲協 大帥奏請裁撥

提標後營官兵守備一員把總一員外委一員額外
一員移駐永寧汛連原汛共額兵一百二十五名歸
永安協標左營分防管轄關嶺汛撥駐千總一員外
委一員連原汛共額兵一百三十名新設募役汛千
總一員額兵七十名新設上掛汛把總一員額兵五
十名坡貢汛係永安營原設把總一員額兵五十五
名

以上五汛俱由左營駐防永寧汛守備管轄

新設盤江汛係裁撥黔西協標官兵千總一員額兵

八十名歸永安協標右營守備管轄

永安汛管本汛塘一塘上與盤江汛管之黃土塘交界下與關嶺汛管之安籠鋪塘交界右與永安營管之酒志塘交界

盤江汛管新鋪塘盤江塘黃土塘共三塘內盤江塘上與安南營管之保甸塘交界黃土塘下與永安汛管之本汛塘交界

關嶺汛管本汛塘北口塘安籠鋪塘大凹哨塘構皮卡塘共五塘內安籠鋪塘上與永安本汛塘交界構

皮卡塘下與安莊汛管之白水河塘交界北口塘右與募役汛管之新橋塘交界大凹哨塘左與坡貢汛管之萃寨塘交界

募役汛管大水溝塘新橋塘共二塘內新橋塘左與關嶺汛管之北口塘交界募役汛上與定頭汛管之花江塘交界右與上掛汛管之碓上塘交界

上掛汛管碓上塘一塘上與龍場汛管之九盤塘交界下左與募役汛交界

坡貢汛管本汛塘坡頭塘繁花塘萃寨塘共四塘內

坡頭塘上與永安營管之叮哮塘交界本汎塘左與
落別汎管之爛傘塘交界羣寨塘下與安莊汎管之
白水河塘交界右與關嶺汎管之大凹哨塘交界

師旅

漢

諸葛亮南征至盤江

見三國志

先是益州郡有大姓雍闓反建興元年夏牂柯太守
朱褒據郡反應雍闓三年亮征南中時牂柯帥濟濟
火者聞亮至通道積糧以迎亮命爲先鋒蠻帥孟獲

永軍州志

卷七 武備

六

擁衆拒命亮七擒七縱猶遣獲獲止不去曰公天威
也南人不復反矣遂入滇池益州牂柯諸郡皆平當
丞相亮南征時軍於昆明爲蠻寇所圍交州刺史李
恢詭辭以待之寇圍稍解恢出奇奮擊大破之追奔
逐北南至盤江東接牂柯與亮聲勢相連

見蜀書

明

洪武十四年安陸侯吳復從傅友德征雲南克普定
城水西充總兵官剿捕諸蠻遂由關索嶺開箐道取

廣西

見明史

洪武十五年吳復等攻關索嶺別將顧成克阿咱等山寨既而蠻攻安莊城復擊破之進擊阿咱寨及圖鹿角當硬諸砦追破募役諸蠻賊

見一統志

命安陸侯爲總兵官費聚副之征烏撒烏蒙諸叛蠻並諭勿與蠻戰於關索嶺上當分兵掩襲直擣其巢使彼各奔救其家之不暇必不敢出以抗大師三軍至破擒之

見明史

洪武十六年吳復克墨定苗至吉刺堡築安莊新城平七百房諸寨斬獲萬計轉餉盤江

見明史

永軍州志

卷七 武備

(七一)

洪武二十三年西平侯沐英奏普安百夫長密卽叛殺屯田官軍及驛丞並百戶調指揮張泰討之於盤江木窄關官兵失利更調指揮蔣文統烏撒畢節永寧三衛剿之乃遁

見明史

天順四年西堡蠻賊聚衆焚劫鎮守貴州內官鄭忠右副總兵李貴請調貴州土兵及川雲都司兵共二萬並貴州宣慰安隴土兵二萬進剿至阿果擒賊首楚得隆等斬首三百餘級餘賊奔白石崖復斬級七百餘焚其巢全師而還

見明史

成化三年打罕州土蠻希阿禮叛調泗城兵討平之

見一統志

萬曆七年毛吳墜苗亂都御史王緝撫定之毛吳墜者永寧苗寨也其鄰有長牛阿田者隆慶初曾出劫白鄧魯打葷廣三屯都指揮陶鼎持斧捕逐之中流矢死而毛吳墜酋長光寨光見攻剽羅紹華張斌匡延鑿寨殺羅顯奇五人斌等上變言寨見反並及長牛殺指揮事詔令都御史王緝御史馬呈圖督兵進剿緝與呈圖疑所上不實遣普安永寧二知府

按普安永

永寧州志

卷七 武備

八

寧未設知府 應作知州 按視長牛毛口諸寨覘變而光見知知

府至負弩出郭迎叩頭願將軍幸哀憐吾小人死請輸貢賦比編戶氓毋反乃拘使對簿無實釋之而坐斌等誣罔律且以斌調永寧廷鑿調烏撒獄上初斌上變時謂寨見所居在五龍止京箭林間宮室輿服皆擬王者出入張黃蓋樹幡幟擊鼓號雲陽王大不道故廷命進剿而皆無有張斌嘆曰吾北行時有阿迷土曰方仲八贈我百金爲治裝以我能告見反也不如是吾何以對方土目哉

見通志

萬歷四十年毛口六墜賊老光回等復據險以叛永
寧州牧毛宗棖請兵進剿巡撫張鶴鳴檄叅政謝存
仁督守備許成名指揮梁東旭等率漢土兵平之

見南縣志

天啟元年宣慰司土酋安邦彥糾集逆目沙學等殺
陷關嶺登城一帶撫按李檣史永安檄操捕都司許
成名趨救沿途血戰二年正月抵安南賊兵圍城是
時永寧州牧薛三桂駐劄安南同守備楊文炳指揮
梁東旭都司許成名等協力拒守三年秋滇撫閣洪

永寧州志卷七 武備

九

學祿布政謝存仁督守備張雲鵬以兵五千來援圍

始解

見安南縣志

天啟二年御史傅宗龍上疏自請討賊言困安南據
關索嶺者沙國珍及羅應魁輩願以四川巡按兼貴
州監軍滅此羣醜帝大喜下所司議會宗龍以疾歸
不果行

見明史

全年雲貴總督蔡復一發兵通盤江路斬逆酋沙國

珍及從賊五百

見明史

天啟四年正月貴州巡撫王三善爲降賊陳其愚所

給敗沒其夏卽家起宗龍巡按其地兼監軍初部檄
滇撫閔洪學授黔以不能過盤江而止宗龍旣被命
洪學命叅政謝存仁叅將袁善及土官普名聲沙如
玉等以兵五千送之宗龍直渡盤江戰且行寇悉破
乃遣存仁善以名聲等土兵五千人入貴陽擒斬其
愚軍民大快宗龍盡知黔中要害及土酋順逆將士
勇怯巡撫蔡復一倚信之請敕宗龍專理軍務設中
軍旗鼓裨將以下聽賞罰可之見明史

崇禎甲申後三年丁亥春

永寧州志

卷七 武備

十

大清兵至遵義流寇孫可望等聞風遁滇屠安南城永
寧州牧曾異撰死難於衛見安南縣志

國朝

康熙四年十二月卽岱土司隴安藩反吳三桂發兵
討之藩乃安坤親黨坤滅後招納坤餘孽隴勝等及
安重聖妻隴氏殺安順府經歷袁績攻破關嶺旨犯
永寧隴勝等亦攻犯大定威寧殺畢節衛經歷秦文
見通志

康熙十九年貝子玉偕將軍蔡桑穆等追僞賊至盤

江賊先焚橋斷渡

大兵治筏過之

見安南縣志

廷試奉調土兵六百名涉營司涉起龍奉調土兵三百名與盤江上巡檢李先登共督工造渡船搭浮橋進嶺官兵經過涉起龍駐防盤江其土兵龍天佑擒斬賊寇禮廷試於盤江札營其部阿結追殺賊寇協護安南倉糧廷試輸米百石頂站七百石安南以充軍儲撥土兵四十名守九盤三十名守花江三十名守鳥梅江百名守董慶江百名沿江安塘十四處巡警

康熙二十年正月大師克盤江吳世藩遣僞將軍線

緘屯兵江西坡扼險以待大將軍章泰大破之

見通志

康熙四十一年阿果枝八十石兇狎肆行截劫署永

寧州陳萬選請兵剿平之

見安南縣志

永寧州志

十一

雍正十年頂營司羅嵩奉調帶領土兵隨征台拱十一年撤回

雍正十三年四月沙營司沙盡美奉調帶領頂募沙

三司土兵四百名隨征台拱攻破三十餘寨至掛丁

者黨受鎗陣亡

皇賞銀二百五十兩祭品銀八兩

謝庭薰曰盤江關嶺阿果毛吳墜在古爲蠻獠虎踞

巢穴向非武鄉侯安陸侯輩各出智謀誰奪其隘而

撫定之哉從來查城殺戮莫酷於安邦彥莫慘於孫

可望雖可望之屠查城紀載未有明文然鎮寧安南俱罹荼毒查城居鎮安之間未有能脫之者當年薛州長三桂曾州長異撰不得已而援舊制以往守安南彼其於查城赤子誠何如者耶近代爲

朝廷增氣爭先殺敵者惟沙盡美之不愛如爲尤方諸古名臣何滅於曾州長之盡節而以較沙國珍羅應魁等所爲則同一土流忠奸同各垂千古法戒矣

乾隆三十二年八月永寧泚千總劉恩達奉調隨安籠鎮中營守備馬汝良領兵一百五十名隨征緬匪

永寧州志

卷之七

十一

帶傷受賞大銀牌一面

全年署永寧州周品金學正李肇基吏目毛方偉奉調至坡貢辦征緬過站滿兵差三十四年知州賴晉學正李肇基吏目徐廷錄韓斌梁聖階等接辦三十五年凱旋知州賴晉學正李肇基吏目王日辛接辦

四十年二月關嶺泚把總何鳴岐奉調帶兵隨征大金川逆酋

嘉慶二年正月初九日聞興義苗變警報時知州南

彘曾傳集士民剴切曉諭令各安堵無恐十五日親至募役司花江渡週覽地勢扼塞賊路二十日朱提督帶兵至永彘曾親率士民伏道哀告留兵守城不許二十二日本城民皆逃避居者不滿百戶二月十四日募役司螞蝗壘破逃脫難民數百人來州彘曾招集入城照戶發給口糧時吏目王鑑學正楊光地訓導黃瑛千總李倫俱在城同守禦十六日逆黨千餘人由東西兩路衝入燒燬本街民舍逼近城下彘曾偕千總李倫親冒矢石率難民數百兵丁十餘人

力攻之賊黨退據西關坡嶺圍困不解十八日長寨守備崔林帶兵二百前往興義救援至北口馬鞍橋遇賊截殺奔入州城彘曾留林護守城舊有古炮一尊林用以攻賊炮震破林被震死賊圍城益急彘曾晝夜巡警捍禦益力二十二日賊復攻西門城中惶懼恍惚中見有赤面長鬚一人手持大刀立於城上賊忽然驚退彘曾聞之知爲

關聖顯靈刻卽焚香叩謝賊自是不敢復前二十七日騰越鎮總兵巴圖什里都司馬義帶兵至直抵西關坡

攻擊殺賊數人賊聚奔散危乃解三月初五日勣侯
大兵至道路始通至十月難平居民復聚先是關索
嶺設糧臺委員黎平府經歷陸光聯揚州人候補從九
沈化南紹興人千總李華淳護守之賊至俱被害本州
人鄧祈麟隨同守城 勣侯嘗給六品頂戴

永寧州志卷八

秩官志

知永寧州事昆明沈毓蘭重刊

國家設官分職所以授其任而治其事者也事無大小皆有官以治之故官任其事必盡其職職盡則官成而事無不舉矣方今

聖天子澄敎官方而於牧令簡擇極為慎重凡地方要害之處皆設汛弁以防守之然則理政刑奮武衛捕盜賊詎非官斯士者之責歟其有盡忠於國施惠於民者宜其紀為名宦而享祀於無窮也志秩官

永寧州志 卷八 秩官

名宦

張融 洪武初知永寧州創制之初殫心經畫卓有規模民皆悅服

葉泰 荆州人宣德間知永寧州蒞政愷悌苗民感化

陳佐 江西人宣德間知永寧州沉靜端謹長於撫字

段綵錦 綿州人咸信服

吳敦本 浮梁人隆慶間知永寧州心存愛民每有善政

案舊通志載張融陳佐段綵錦吳敦本文載李瑞永

寧經歷未載葉泰新通志補載葉泰別載李瑞流寓

志刻為李端

曾異撰一統志云榮昌人崇禎中知永寧州孫可望貢生龔茂勳據盤江拒之及城陷自焚死

家一統名宦志何卿以參將鎮守永寧禮賢敬老寬
憲見稱查通志何卿係仕永寧衛一統志誤載永寧
州宜刪

又案名宦祠舊設王撫軍燕陳撫軍銑孟大方伯世
泰三大憲牌位奉祀考通志名宦總部三憲未載州
人以王撫軍題請設學孟藩憲批准哨鬼學莊故感
而祀之查朱參政家民建頂站城造鐵鎖橋陳州牧

永寧州志 卷八 秩官

二

嘉會創建維風書院多善政南州牧矣曾守城禦寇
俱有功於永宜奉明禋知州黃培杰勸紳士修武謨
等於本城義學建崇報祠祀之

職官

元 無考

明

永寧州知州

洪張融見名宦志
武籍貫未詳
宣佐詳名宦志
德陳江西人

陳應期上元人
葉泰詳名宦志
荊州人

漆登高安人

唐金晉寧人

嘉靖段絲錦詳名宦志

隆慶吳敦本詳名宦志

薛希周四川人

楊象乾泰和人

鄒子先宜黃人

徐世龍昆明人

陶希高姚安人

郭良楫泉州人

蔣時雲合州人

張閻明長壽人

萬應陳聖佐四川人

李嘉言雲南人

李紹春湖廣人

程九萬四川人

蕭世聘湖廣人

毛宗萇雲南人詳請勦毛口六墜賊

永寧州志卷八秩官

三

袁尙紀江油人選貢餘慶縣名宦志萬應間捕平設餘慶縣尙紀以永寧州牧攝縣事捐俸建學

敦教化以正人心田立上下三則丁陸田辨邑人感之

泰昌劉世龍籍貫天啟薛三桂直隸人安南縣志云薛三桂永

寧州牧駐安南歲饑開民間將子女溺水圖滅指食者薛撫膺歎曰予為民父母何致民之草而恐殘天

性若此也日夜勸止設法賑之尋安會叛率民堅守死

胡起賓籍貫甯建中廣東人未詳

崇禎徐保泰籍貫曾異撰詳名宦志未詳

以上見通志惟袁尙紀從餘慶縣名宦志採入曾

異撰從一統名宦志採入

國朝

順治王 燧 陝西人

徐國維 江寧人

康熙 范逢春 江西南人元年到任後行取進京 王聘賓 二年到任十月棄官逃

張天敏 福建人或云江西南人貢生三年到任七月以供吳三桂家口夫馬浩繁辭官去

易言翼 漢陽人或云荆州人貢生四年到任重

林華皖 莆田縣拔貢或云進士八年到任明禮義增修城

李履祥 棗強人進士普安縣十二年署

張 杞 偃師縣進士工文章十九年到任時大兵訛旋急需夫馬詳辦抗糧誤夫之土司羅洪勳

議裁頂營 司未果 劉良煥 二十一年到任家口以賠累流落大

永寧州志 卷八 秩官

水溝 王澤國 正藍旗人監生二十三年到任

胡以緒 安順府經歷二十四年署 黃惟桂 真定府舉人由四

四年到任不枉屈一民不濫取一文捐資親身督修

路道開場市禮新生時歌父母孔邇以疾卒百姓公

歛之歸 鄧志福 饒黃旗人廕生普安縣二十六年署

朱 綱 仁和縣監生二十七年到任課士勸農重修

關帝廟已身獨清丙陞順天府治中轉陞貴

陽 府 曹雲鵬 正白旗人監生鎮

白 岳 陽城人廕生三十一年到任修倉 寧州三十年署

金光全 或云余姓潛山人進士安南知縣三十四年署重士愛民時值饑饉施粥衣為義塚去之

日士民咸頌良

劉鴻誥 荊州府進士三十年到任見州無

學卽詳請建學設義館訓士修城隍廟賑饑民警強暴安良善後以病去

秦銑 會稽縣監生鎮寧州三十六年署值城隍廟

雷有成 宛平縣監生三十七年到任建學宮設義館

賈難民修道路平徵收葺衙署置學莊及調大定百

外立碑以誌不忘四月十一日公誕辰士民輒

相聚焚香遙祝公壽後由大定州陞黎平府

陳萬選 江西南人歲貢普安州四十一年

許國熊 正藍旗人監生四十七年到任首重

學枝議改學宮向未果明禮讓以課士設義館以啟

免滋累繼母計至哭泣之哀士民為之流涕去之日士民立戴德碑

耿絃祚 正藍旗人鎮寧州署宛平縣生員四十八年到任

劉邁種 平遙人貢生五十一年到任不爽善卒書

隨楷 諸城縣人正雍王鼎鉉 仁和县監生鈿強

化決斷如流後何隆遇 桐城縣進士清鎮

陞都勻知府高騰蛟 寧夏人舉人安平

士謀郭士英 安邑人

趙世燕 鑲白旗人監生王遂 定遠人優生貴琬

無沉牘修學宮明倫陳嘉會 錢塘縣監生多善

堂後陞南麓府知府政為第一賢牧謝

永寧州志 卷八 秩官

庠薰爲
之傳

婁起鎬
會稽縣
監生

署

喬學鈞
山西人
十一年到任

嚴再昌
仁和人
十四年到任

嚴文烈

廟

金申
揚州人
附生

王粵麟
興寧縣舉人
武陵縣陞二
十三年到任
修關帝廟

楊日試
江川縣拔貢
試用縣署

乾隆
隆劉世恩
正黃旗人
鎮寧州乾隆元年署

張若普
桐城縣監生
鎮寧州七年署
十二年

易學仁
江都人
八年到任
建辛巽二塔

喀爾泰
正黃旗人
十三年到任

楊士蔭
雲南人
十六年到任
置義學租

李復泌
蕪州人
十八年到任
修關帝廟
火神

金福基
山陰縣
貢生

永寧州志
卷八
秩官

六

免滋累繼母計至哭泣之哀士民
爲之流涕去之日士民立戴德碑

耿紘祚
正藍旗人
鎮寧州署
王克莊
宛平縣生員
四十八年到任

劉邁種
平遙人
貢生
五十一年到任
不爽善卒書

隨楷
諸城縣
舉人
雍正
王鼎鉉
仁和縣監生
鋤強
暴培義學
興行教

化決斷如流後
正
何隆遇
桐城縣進士
清鎮
縣署居官
清明勤

陞都勻知府
高騰蛟
寧夏人
舉人
安平
縣署愛民
如子

課
金獲
全椒縣
監生
郭士英
安邑人
監生

趙世燕
鑲白旗
監生
王遂
定遠人
優生
貴疏
縣陞才幹
優長案

無沉牘修學宮
明倫堂後陞南
籠府知府
陳嘉會
錢塘縣監生
多善
政爲第一
賢牧謝

蕭梅年 福山縣進士三十

善泰 正紅旗人試用直隸州三十九年八月再署

王潤 元和縣貢生候補同知

楊復 山東濟寧州監生試用

范櫛 山西介休縣附貢由永寧

三官保 滿州人五 南炎曾 甘肅舉人嘉慶元年

蘇祥 旗人 呂心源 署

萬化成 署 劉逢奇 江西舉人署存心

王志敬 直隸舉人署聽斷 蔣元熾 八年八月到任

永寧州志 卷八 秩官

張璿 舉人十年

榮昌 旗人十二年七月到任通達政體

李連城 廣東拔貢十年

福海 旗人十四年八月署

金灃 杭州舉人十五年十月署

曹均 安徽人十八年到任 鄭吉士 雲南拔貢十年六月署

金淳 二十一年十一月署

李烜 順天拔貢二十三年四月

劉嗣矩 山東舉人道光元年九月署禮士愛民安良

席朔望 日倍金陳兩廣文親詣院中為

幼童背書歷久不倦文風振興由此

胡德英 河南人三年 許華銑 杭州人四年二月署愛民如赤有訟

於庭者卽行審訊勿許差役勒索廉靜寡欲有賢吏聲

胡德英 五年四月再任

尚政志 旗人通判六年六月署

王存成 奉天人九年七月署

尚政志 九年九月再署

曹心田 十年三月署

梁崑 江西舉人十二年三月署

吳師之 河南優貢十年三月署

杜端 江西人十三年八月到任十四年饑

詳請平糶全活無數

黃士古 四川優貢十四年九月署扶衰救敝

吏畏民懷

黃培杰 浙江舉人十五年四月到任

學正 自康熙三十八年始設

陳潢 大定接貢康熙三十八年到任始立學規

永寧州志 卷八 秩官

楊光燾 銅仁府接貢有學識

傅天爵 修文縣舉人曾充雲南廉官

朱子璵 貴陽府舉人康熙五十八年到任敦品善誘

授見去 州人自此始知向學雍正九年陞石阡府教

范芳 貴陽府貢生

王典 貴定縣舉人

汪元章 銅仁府貢生

湯尚箴 南籠府舉人乾隆十八年十二月到

任俸滿保舉知縣

吳祖正 都勻府舉人二十六年到任

田宏爵 思州府貢生鎮寧州學

王德洵 仁懷舉人二十年四月到任

杜謨 遵義縣解元安南縣教諭三十二年

正月署

李肇基 清平縣舉人三十年五月到任

羅世衡 黔西州舉人四
十二年十月署
王紹先 餘慶縣庚辰舉人
四十三年到任

謝明珠 大定歲貢五十
年十二月兼署

王本王 貴筑縣壬午舉人
五十二年正月選

楊光地 天柱縣甲午舉人
五十二年正月到任
嘉慶二年興義變同知
州南甯曾訓導黃瑛守城

羅大鵬 嘉慶四年
訓導兼署
周錫疇 五年訓
導兼署

成廷颺 大定府舉人六年
到任守正不阿
徐彬 貴筑縣舉人
十七年到任

胡秉禮 黎平府舉人
十八年到任
倪本恕 黎平府舉人二
十二年到任

王希曾 遵義縣舉人
二十三年署
金章聘 遵義府舉人二十
三年到任學識優

長性情蕭洒善書工詩生
童侍教門牆如坐春風
吳之濱 黎平府貢生
道光七年署

永寧州志 卷八 陝官

九

案道光七年即岱設學八年正月撥永寧州學正汪

士醮赴即岱任缺裁

訓導 自康熙四十三年始設

戎 幾 胡培德 貴陽府恩貢後
陞國子監典簿

余必夔 安化縣副榜好學訓士先
品行次文藝後陞桐鄉縣

姚都益 黎平府歲
貢勤考課
祖士元 威寧人
優生

張 衡 南籠府
歲貢
彭光勳 鎮遠府歲貢廉
隅自飭善課士

楊昌奇 思州府歲貢乾隆
二十一年到任
楊芳舒 平越府貢生
三十年到任

朱文華 施秉縣舉人三
十二年借補
謝庭薰 貴陽府癸酉舉人
三十七年十一月

到任創修永寧州志稿
繼往開來有功名教

劉玉麟 貴筑縣舉人四
十七年三月署

謝明珠 大定歲貢四十
八年二月到任

黃瑛 涪潭縣貢生五十
五年任苗變守戍

鄭錫福 仁懷廳貢生嘉
慶三年到任

羅大鵬 施南府舉
人四年署

周錫疇 思南府貢生
五年到任

鄭履義 都勻府舉
人六年署

李璽 貴筑優貢
七年到任

周之楨 仁懷廳貢生
十七年署

黃淳 大定府舉人
十七年到任

王徇 思南府舉人
二十五年署

陳一亨 遵義府舉人道光
元年在教品廩學

徐大銘 黎平府貢生
十三年署

胡秀模 甯安縣舉人十
四年四月到任

任彥清 黎平府貢生十
四年十月署

楊燮 遵義縣貢生十
五年七月到任

永寧州志 卷八 秩官

吏目 未詳始設雍正以前考得甚少

陳法 康熙二十
九年到任

沈濟生 康熙三十
八年到任

高士標 山西人康
熙中任

周元豐 旌德縣人雍正十
三年任時學宮明

倫堂 碩毅然輔州牧倡捐修葺用有不敷竭力捐助
日親督工乾隆元年乃竣州牧每公出事皆委任調
劑得宜地方安靜後以

憂去士民至今猶念之

金忻 江南人乾
隆初年任

趙日瑤 山西人

楊若游 江南人

趙偉 九年
到任

徐嶽恒 江南人

徐廷錄 浙江人二十
年四月署

郁和基 安福縣監生
二十二年署

洪永河 南安縣人二
十三年署

徐廷錄 二十六年
二月到任

馮光祿

花縣吏目二十七年七月署

梁如中

嘉應州貢生二十七年十一月任

毛芳偉

新昌監生三十一年十二月署

徐廷錄

月又任三十三年正月

韓斌

順天府監生三十三年四月署

梁聖階

錢塘吏員三十三年十一月署

生曰辛

溫縣監生三十四年二月任

崔龍光

永濟縣貢生三十七年十二月署

柯茂

貴池縣貢生三十八年七月任

張鳴渠

廣東嘉應州監生四十二年十月署

程煊

浙江錢塘監生四十三年二月任

俞昌言

安徽婺源縣監生四十四年十月署

王鑑

順天宛平縣監生四十四年九月任

王潤

四川人嘉慶三年任

張灝

嘉慶七年任

吳質輝

直隸鉛山縣人十一年任

謝榮恩

浙江人二十二年任

永寧州志

卷八 秩官

七

侯戴仁

四川遂州人二十五年任

李綦

廣東人道光元年署

吳沅

二年署

阮昆山

二年署

趙成彥

廣東人三年署

顧錦堂

直隸人四年任

后期昌

安徽人七年署歷任三年才優佐治士民愛戴不衰

李經邦

浙江人十年署

謝榮恩

十一年再署

陶文量

浙江會稽縣監生現任道光十四年首夏饑給籌領米別男女分老幼凡三月辦理井然其自題書齋楹帖曰最難問處前生孽尙可修時現在身樂善之心已可概見

可概見

善之心已

善之心已

可概見

可概見

可概見

募役司巡檢

嘉慶 杜名超 順天人 嘉慶二年二月任

黃希源 江西人 九年四月任

王澤明 山東人 十九年八月署

劉輝祖 江西人 二十年三月署

陳丙 江南人 二十二年九月任

徐溥 道光元年六月署

劉輝祖 江西人 二十二年三月再署

陳文炳 順天大興人 二十二年十月署

鍾應選 四川人 二十二年三月任

熊杰 江西人 二十二年正月署

程錦鏞 江蘇宜興縣人 二十二年八月任 修葺東嶽廟 廟旁廡一間 設禮土司牌位 奉祀

萬家學 浙江山陰縣人 十六年正月署 甫蒞任 卽將禮土司遺產田四十二坵 詳誌歸募役司 義

學以充膏火

永寧汎千總 康熙以前未詳

永寧州志 卷八 快官

十二

陳起龍 寧夏人 雍正間任 練兵嚴緝 匪勤年老致仕 附籍永寧 乾隆初州人以其正直 舉充鄉飲

大賓 張宏謨 安順府人 行伍八年任 崔奇祥 九年任 魏錫正 乾隆元年任

李錦 四川武舉 十年任

劉士虎 南籠府人 行伍十七年任 王極 南籠府人 行伍十九年任 夏之奇 本州人 行伍十三年任

李淮 南籠府人 行伍二十二年任

劉恩達 本州人 行伍二十八年任 劉芳 安南縣人 行伍二十三年任

孟文光 鎮遠府人 行伍四十年七月署 李倫 嘉慶初年任 缺

守備 自嘉慶三年駐防起

李倫貴州興義縣人先係永寧沈千總護守孤城
任有功 題陞永寧沈苗疆守備嘉慶三年

管繼祥威寧州人十年任
袁在端湖北建始縣人十年任

周開志貴定縣人廕生道光六年任
梁廷誨古州人十年任
邱洪義安順人廕生十五年署

把總

李步雲黔西州人嘉慶三年任

陳陞安順府人

歐濟川即岱廳人武舉現任

外委

陳陞嘉慶三年任

李應雄

永寧州志卷八 秩官

三

任奉現任

額外

陳應龍嘉慶三年任

羅聲揚

李廷璋

彭高

胡廷芳

胡龍彪

張永興

詹邦彥現任

關嶺汎千總年人多無考

劉應祥康熙五十二年任

李仙春清平縣人行伍雍正年間任

徐元臣貴陽府人嘉慶三年任

鄒起龍四川人

李步雲

黔西州人

程攀龍

普定縣人武舉現任

關嶺汎改設把總

自雍正八年改設初任把總無考

董文重

普安州人乾隆八年任

李曙新

安順府人任十五年

劉芳

安南縣人任十八年

劉思達

本州人行伍二十三年任

江興周

南籠府人任二十八年

甘金文

安順府人任三十二年

年隨征緬

匪帶傷

何鳴岐

安南縣人任四十年

二月隨征大

金川逆酋

羅文珍

外委

張廷樑

嘉慶三年任

熊文科

永寧州志

卷八 秩官

十四

鍾明經

彭高

林錦星

張國瑞

坡貢汎把總

自雍正九年始設

李國寵

安順府人雍正九年隨征丹江長寨

張宏亮

湖南人寄籍安順府雍正十二年隨征長寨丹江米賄台拱等處乾隆十八年陞阿

都田汎

千總告養寄居坡貢每年

皇賞守糧一分

鎮寧州人乾隆十八年任

張啟貴

南籠府人十九年任三十二年隨征

寇

匪

萬元秀

貴陽府人三十三年任隨征緬匪

萬開忠

安順人三十五年任隨征緬匪

泰學洪

畢節人三十六年任

劉國勳

平遠州人

劉起泰

即岱廳人

徐上才

普定縣人

謝雲青

普安廳人

林錦星

即岱廳人現任

募役汎千總

夏朝佐

平遠州人嘉慶三年任

劉天元

貴陽府人

吳大志

安南縣人現任

上掛汎把總

吉中達

黔西州人

張榮魁

黔西州人

劉奉德

興義府人

劉惟望

普定縣人

永寧州志

卷八 秩常

圭

吳大志

安南人

張應得

普定人

喻登奉
現任

盤江汎千總

何文輜

施秉縣人

劉永德

雲南人

劉得達

興義府人

補載

關嶺汎千總所

明

王官

曹文

張韜

黃表

以上四員俱嘉靖時千戶所協修關索嶺

關嶺驛丞

高雲翰康熙五十二年任捐銀四十兩開關嶺河

坡貢驛丞

馬寧臣乾隆元年任

戴德昇乾隆十二年任

土司

募役長官司

募役司元爲募役寨阿辭募役寨長明洪武十四年隨征南將軍運糧通道平普定十九年隨征西堡有

永寧州志

卷八 秩官

六

功頌印授募役長官司隸安順州洪武二十五年隸普定衛辭傳彛彛傳阿更永樂元年賜姓禮更名山傳福海福海傳晟正統三年改隸永寧州晟傳寬寬傳仁仁傳接接傳天秩天秩傳思明思明病暫傳經國經國沒思明復任思明又病暫傳廷訓廷訓沒思明再復任思明傳廷諭廷諭傳廷試

國朝順治十五年廷試投誠准襲前職康熙十九年帶土兵六百防守盤江廷試傳申信申信傳宗魯宗魯沒申仁代理申仁傳宗殷宗殷傳緒周乾隆十六年

頌乾字一萬一千六百五十七號募役長官司印
顯管理四馬地方六十五大寨緒周傳弟縉周縉周
傳襲衛襲衛故其甥安承興承襲安承興故襲衛之
母禮安氏代理嘉慶二年遭變禮安氏逃奔州城病
故乏嗣遂改土歸流設募役巡檢司

頂管長官司

頂營司元爲頂營寨明洪武十二年羅錄選充頂營
寨長原籍江西金谿縣人隨安陸侯征西堡等處有
功洪武十九年頌印授頂管長官司隸安順州洪武

二十五年隸普定衛錄傳慵陣亡慵傳衍正統三年
改隸永寧州衍傳瑜瑜傳偉偉傳文文傳思思傳錦
錦傳承宗承宗傳應魁應魁傳朝屏屏朝屏傳洪勲

國朝順治十五年投誠准襲前職洪勲傳名譽名譽傳
嵩雍正八年出師烏蒙把守七星關隘十年出師台
拱俱有戰功嵩傳經都經都傳璟乾隆三十四年頌
乾字一萬四千三十三號印一顆管理二馬地方十
八寨嘉慶二年苗變瑾隨州牧護守城池帶領管把
順苗赴西關坡札卡堵禦璟傳天麒天麒故長子溥

襲替尙未到任病故乏嗣第渭應襲

沙營長官司

明洪武十四年沙先投誠以功授沙營長官司先傳
達達傳林林傳英雄傳龍龍傳承爵承爵傳效賢效
賢傳盡忠盡忠傳國珍國珍傳裕先

國朝順治十五年投誠准襲前職裕先傳起龍康熙十
九年帶土兵三百駐防盤江起龍傳天藩天藩傳天
池天池傳天泗天泗傳盡美雍正十三年帶三司土
兵四百隨征台拱領沙營長官司鈐記一顆盡美陣

永寧州志卷八秩官

十八

亡傳再昌再昌乏嗣妻沙安氏承襲沙安氏故婿安
榮誥承襲管理一馬地方七十大寨

按明史通考皆祇載募役頂營二司未載沙營司一
統志雖兼載沙營司而其建置未詳茲據通志三司
冊詳載

盤江土巡檢司

李當原籍江南上元縣人寄居雲南大理府明洪武
八年隨征雲南有功頒印授盤江土巡檢未食俸薪
亦無地方管理專司盤江盤誥奸宄當傳康祚康祚

傳定遠定遠傳誇誇傳朝宗朝宗傳應麒應麒傳報
國報國傳桂芳

國朝順治十五年投誠准襲前職桂芳傳先登先登傳
崇庚崇庚傳本雍正十三年奉文領押長夫二百名
赴台拱運糧本傳世德領有印信號紙世德傳徐乾
陸四十九年三月奉文以盤江土巡檢李佐向無村
寨地方管理只專司盤江橋務令將原領乾字一萬
二百一十一號盤江巡檢司印信一顆呈繳銷燬改授
從九品土官換給號紙襲替佐傳鎮衙

現襲

上三馬

樂舉聖土舍係王應時後裔原籍浙江餘姚縣人應
時次于國卿分營樂舉地方

國朝康熙十九年王國卿十二世孫世美隨征有功賞
給土千總職銜世美傳正統正統傳天旋天旋傳兆

春

現襲

打罕哨土舍係王應時後裔洪武二十年隨征裸土
營美魯福祐有功世職土守備職銜領有印信萬歷
三十七年應時十世孫王璉年幼遺失印信革去土

職

國朝乾隆四十年清釐土職案內奏准應留土缺飭令

王勝恒承襲領有雲貴總督委牌勝恒傳兆玟

現襲

八大哨土舍係王應時後裔應時長子朝卿承管打

罕哨地方傳至九世孫王維之次子王朝分管八大

等寨又四傳至天柱天柱傳瑯恒瑯恒傳濟林

現襲

下三馬

樂運哨土舍原籍浙江餘姚縣人始祖王國賓於宋

時隨征有功授長官司職世襲傳至王隋於前明天

永寧州志

卷八 秩官

三

啟七年繳銷號紙

國朝康熙十九年隨征吳逆有功賞給土守備職銜雍

正六年王定之孫正邦隨同楊提督化誨生苗賞給

土千總職正邦傳天錫天錫病退日恒承襲嘉慶二

年正月興義苗變日恒帶領土把民苗堵禦受害後

至州城同州牧護守城池奉調赴下江龍渡造辦船

隻高坎河護送軍需嘉慶十年發給鈐記一顆管理

樂運一馬地方日恒傳兆麟兆麟道光十六年歲貢

生

樂塲土舍係王國賓後裔傳至十三世孫於順治十五年率土投誠呈繳印信號紙康熙九年隨征有功給土守備職銜雍正六年王珍之孫正泰化誨生苗賞千總職銜正泰傳國英國英乏嗣傳弟國忠國忠傳文品現襲領有鈴記一顆道光五年呈繳播西土舍係王國賓後裔明天啟七年王隋繳銷號紙堂弟王顏分管播西地方傳至十六世孫王謹恒乏嗣姪濟祥代理濟祥故姪扶基應襲

江外總目一員管理江外半馬地方村寨苗務

按六馬土目洪武二十一年王應時隨潁川侯禽叛酋韋卜鑾於上三馬之伏泥塋許世襲六馬土目傳至王宣第兄不睦控爭遂平分村寨分充土目後又分至二十各管地方徵收錢糧解州與三司等特無土官之品秩江外土目黃姓始亦一人後漸分爲四各管地方與六馬土目等

附三枝頭目

阿果枝一馬地方二十大寨八十石一馬地方二十大寨六保枝一馬地方二十大寨各寨原設有客田

並無額糧寨頭輸種以爲辦公之用與三司各寨等
特三司各寨本州管轄中間尙受土司管轄三枝各
寨直管轄於本州

謝庭薰曰土司土目之設所以控苗蠻苗蠻慣戴主
雖土司土目極蹂躪不輕叛去信乎歐陽公之言曰
有道未必服無道未必不來蓋自因其盛衰也然亦
有不盡然者如阿果枝八十石等處在明原係募役
司地方後因不能堪土司之蹂躪遂叛而歸州明史
云溪洞蠻獠雖常梗化亂豈無因昔陳景文爲令猺

獠皆應差猺厥後撫字乖方始仍反側然則土司土目
豈可不以阿果枝八十石爲鑒哉然則州長控土司
土目以控苗蠻豈可不示以恩信諭以威福使之草
心而向化哉至於盤江設專司禦暴客尤持平一州
關鍵夫固因要害之地以制宜矣

永寧州志卷九

人物志

知永寧州事昆明沈毓蘭重刊
人以名著亦以行傳士之行成名立而傳聞於後世者僅矣其聞之者又或者稽無文而不知其人之本末與其事之終始此所以世遠年湮其名磨滅而不彰也永寧自有明以迄

國朝其擢科名者代有文人其列宦蹟者皆稱良吏以及忠烈節孝流寓仙釋方技之屬皆有實行可紀而不徒以名傳爰次第而彙載之俾後之人得以考其行

永寧州志卷九人物

事而興起其觀感之心未始非懲勸之一助也志人物

選舉

進士

國朝

乾隆甲戌科胡紹鼎榜

吳

會試四十名 殿試二甲二十三名榜下
視即用知縣歷四川梓潼等縣詳宦蹟志

辛郊

恩科邵晉涵榜

朱鍾麒

中式八十六名 兵部武選司
學習額外主事官浙江秀水縣

道光癸未科杜受田榜

楊茂材

中式一百三
名候選知縣

舉人

明

正統丁卯科

邵 昱

官知府詳
宦蹟志

宏治己酉科

韓 鈺

寄學普定
詳鄉賢志

正德庚午科

永寧州志卷九人物

趙 遠

官同知詳
宦蹟志

隆慶庚午科

聞道立

官員外詳
宦蹟志

萬歷乙酉科

李忠臣

官知縣詳
宦蹟志

按新舊通志自永樂辛卯科劉宏起至崇禎己卯科

羅明夔止共中式一百二十六人統載永寧人而永

寧衛與永寧州並未分晰考張制軍宦蹟志乃分邵

昱趙遠聞道立李忠臣爲永寧州人茲據宦蹟志錄

入餘俟詳考

又按通志載永寧州前明列女陳氏適庠生張英年十九英亡茹苦守節教子領鄉薦今查通志選舉志天順壬午科張銓宏治乙卯科張仁官學正正德庚午科張宥嘉靖乙酉科張以恭甲午科張朝元萬歷戊子科張一恭官同知俱永寧人未知孰是

國朝

康熙丁酉科

梅璿

安順人寄學永寧中式二十四名官知縣

永寧州志

卷九人物

三

雍正癸卯 恩科

徐孜

貴筑人寄學永寧中式四十二名官廣東通判其爲人渾樸直易

乾隆丙辰 恩科

胡超

寄學安南中式四十六名

戊午科

李瑛

中式二十六名官知縣管浙江橫浦場鹽大使事瑛幼失怙恃其兄臻撫之讀書成名瑛事兄最謹教子姪循循雅飭爲諸生充明經者十餘人致仕歸廉俸所積半給宗族敦孝友礪廉隅足跡不履

公庭

庚午科

武 鈺 中式三十三名
官玉屏縣教諭

癸酉科

吳 視 中式二
十八名

壬午科

羅經文 中式三十五名
官浙江昌化縣

乙酉科

朱鍾麒 中式三
十八名

戊子科

陳宏爵 中式三十五名
官直隸衡水縣

永安州志 卷九 人物

嘉慶丁卯科

蕭培琳 榜名中孚
中式十九名
現在開州訓導

道光壬午科

楊茂材 中式二
十名

乙酉科

侯榮封 中式
七名

戊子科

修武謨 中式二
十四名

姜封齊 中式三
十五名

壬辰科

楊茂先 中式六名

副榜

康熙庚午科

吳君爵 寄學安南中式三名初任清平教諭再授貴陽教授致仕時撫軍何予額曰林下一人壽

七十七歲相傳明地理永寧舊學官向卽君爵所定

辛卯科

徐士珍 中式三名

雍正乙卯科

永軍州志 卷九人物

胡超 中式七名

乾隆庚午科

吳視 中式八名君爵孫科分與君爵後先相同

道光乙未恩科

沈宗濤 中式五名

選拔

汪運正 雍正元年

吳視 十三年

吳選 乾隆五年朝考一等官廣西來賓縣

朱鍾麒

二十九年

聶惠仁

四十二年

吳志健

五十二年

吳志瑾

嘉慶六年

修武謨

十八年

侯榮封

道光五年

恩貢

李 續

康熙五十二年

劉興漢

六十一年

永寧州志卷九人物

張 愷

乾隆元年

梁世發

十五年

吳 擢

十六年官安化縣訓導

夏纘舜

二十六年

夏 炳

三十三年

吳志凱

五十五年

羅經畿

嘉慶元年

王洪鎮

四十四年

夏應龍

十四年

賈元相 二十四年

易 炎 二十五年清操自勵足跡不履公庭

甘邦本 道光元年

蕭發雲 十五年

歲貢 空子午 郊西

劉 松 寄學安南康熙志

周鼎新 寄學安南康熙志 官威寧州訓導

周維新 寄學安南康熙三十八年貢同堂弟鼎新倡首呈請設學又同鼎新捐地為舊學宮基址

詳藝文志

永寧州志 卷九 人物

鍾 英 康熙四十五年

牟 樾 四十六年

周 道 四十九年

聶 燦 五十二年

黃 潤 五十五年

嚴健翊 五十八年

張于國 六十年

饒 錦 六十三年

王懷仁 六十六年

歐陽和 四十八年官普安州訓導

吳之琳 五十年

查士宏 五十四年

周 緒 五十七年官廣西信倫州州判

潘 珍 六十年

朱國祚 雍正二年

劉 溶 五十年詳文學志

胡可量 八十年 敦品

張其猷年九

葛應蘭年十二官清溪縣訓導

劉應兆年二

趙景命年五詳文學志善醫不較藥資貧者捐施

卨國良年八

劉中仁年十一好施藥九以濟人

周元模年十四官都勻府訓導好學不倦

張淵年十七

陳均年二十

劉秉仁年十一

錢維屏年乾隆元年

黃溶年四

馬瑜年七

馬正年十

武鉦年十三

張清年十六

黃士榮年十九

李占元年二十二年至老手不釋卷

永寧州志卷九人物

劉重民年三十

蔡文軒年二十六年

張祿年二十九

吳遜年三十

李貞元年三十

葉其綦年三十

貢廩塔出其門者百十餘人

李恂

羅廷輔

陳詮年二十五年

饒政年二十八年

朱紘年三十一年

許大倫年三十

宋安齊年三十

徐溶年四十品正行端教學五十餘年舉

張大志

張泮

葉清

郭永琮

葉沛

江同倫

嘉慶元年

傅兆

鮑全學

易學海

平操行不苟事親最孝矩步

任都勻府訓導生

執行德隆望尊為一州模範

羅廷揚

四年

李心

五年

周書

七年

吳瑤

六年

宋大橋

十年

葉治

十一年

吳樞新

十三年

王如瓊

十四年

吳蘭

十六年

藍又青

十七年數十年循循善教多士景從

永寧州志卷九人物

羅啓

十九年

彭上卿

二十年

劉映栢

二十二年

丁序爵

二十三年生平攻苦績學博聞強識

李元英

二十五年

黃中理

道光元年行端品正潔清自矢知州

劉嗣輝贈以品重成均之額

王作孝

三年

嚴廷標

四年

鄧紹麟

六年

夏昶

七年

陳鼎

九年

陳世洪

十年

姜性善

十二年

沈立達

十三年

王兆麟

十五年

武舉

康熙乙酉科

曹元彬 中式名

甲午科

張明道 中式名

丁酉科

曹汝楫 中式名

雍正癸卯 恩科

羅 恒 中式十六名

永安州志卷九人物

癸卯正科

何 潔 中式名

何 泥 中式名

乾隆癸酉科

羅經韜 中式十七名

庚寅 恩科

王必遠 中式二名

戊甲科

王必選 中式二十一名

甲子科

王萬春 中式十六名

附行伍出仕

袁登正 陝西大靖營參將

鄧士傑 乾隆九年官江南蕭營都司

薦舉

王萬彩 州廩生賦性醇謹樂善好施其父生平持家勤苦六旬外日漸失明萬彩力持家政侍奉

湯藥歷久彌謹父日復明嘉慶二十四年夏五月不雨米價頓增彩願將其家食穀減價平市道光元年

公舉孝廉方正奉

賞給六品頂戴

永寧州志

卷九

十一

鄉賢

明

韓 鉦 貴州鄉賢志韓鉦永寧州人宏治己酉科舉人正德間任湖州府推官持身方正廉平乞

休歸田足跡不履公庭貴州選舉志韓鉦普定人官推官籍貫兩歧或曰鉦寄學普定選舉志蓋據鉦鄉

榜之籍貫而載之也

按永寧設州二百餘年登賢書成進士代不乏人求

其俎豆不祧克繼韓公後者曾不多覯近惟邑明經

易公學海天性孝友品行端方生員楊公致中忠厚

醇謹士論允協但未經詳報姑志其畧以俟論定

宦蹟

明

邵昱

通志邵昱永寧州人正統丁卯科舉人景泰間知晉寧州廉介有爲九年秩滿者民赴京

奏留復任三年遷廣西平樂府太守

趙遠

通志永寧州人嘉靖庚午科舉人任四川叙州府通判署富順篆天性儉約一僕自隨節

省財力鼓舞人士邑人爲立遺愛碑

按選舉志載遠係正德庚午科舉人嘉靖二字誤又

閩撫軍通志趙遠永寧縣人歷官桂林府丞張制軍

通志趙遠永寧州人未詳孰是今據張制軍通志載

永寧州志卷七人物

十三

之

聞道立

通志永寧州人隆慶庚午科舉人萬歷間知洪雅縣英爽敏練修飭學宮吏畏民服擢戶

部主事

李忠臣

通志永寧州人萬歷乙酉科舉人任雲南順寧知府立政寬大節儉持身而樂施與與前

守余懋學媲美余亦黔人御中立余李二公廟祀之

按廣輿記載永寧州人物李忠臣永寧人原任松潘

道約同志歃血討賊謀洩自刎胡縝永寧人舉鄉薦

倡義討賊復城集衆二萬餘人結賊心腹爲內應功

垂成爲營火藥延燒死又明史董盡倫傳內附載李

忠臣胡纘乃永寧衛人未詳孰是

國朝

吳

視

乾隆甲戌科進士官四川梓潼知縣廉靜寡欲御史曹秀先贈詩云歷盡羊腸九折灣青

山綠水幾迴環一泓秋水水輪外雨袖清風玉樹間

赤子思膏慈似母白頭品望重如山桂溪饒有敦懿

秉猶藉延

陵禮樂閑

文學

國朝

劉 松募役司人寄學安南康熙初貢清操力學當

土司豪富時衆皆趨附松與比隣獨自重當年論者

永寧州志卷九 人物

三

評募役司士類有惟有劉家一樹松之語

吳君爵安南縣志君爵學冠邑軍虛懷若谷和平溫

厚不立崖岸以驕人詩詞古文力追先民而挽俗

劉 溶州貢生立品端方篤嗜古書累累冠軍知州

陳嘉會贈有學步先民爲第一之句

趙景命州貢生博覽經書隨叩隨應如數家珍

忠烈

沙盡美

沙營土司雍正十三年率三司土兵四百隨征台拱舊傳沙營白虎山有白鷹凡有吉凶

災祥輒飛繞盡美將行鷹飛不止後兵起鷹隨往如擁護狀閱數月鷹還飛繞其屋有哀鳴之聲盡美陣

亡人謂鷹爲忠
魂之所寄云

節婦

明

王

驥母僕氏

州人遺其夫名年二十一守節遺腹
生驥壽九十二終有司旌之

席

珣妻澹氏

州人年二十守節五
十餘年有司旌之

張

英妻陳氏

州人適庠生張英年十九英亡茹苦
守節教子領鄉薦院道俱旌表其門

以上見通志

國朝

王官妻周氏

州人年二十六歲夫亡家貧撫二子長世爵從戎次世祿武庠苦守三十

五年壽六十七終乾隆七年請旌九年建木坊於新舖坊今毀

楊守義妻王氏

州人年十九歲于歸二十八歲夫亡夫病危割股救治孝事孀姑姑病危

割股救治撫孤義方垂訓持家勤儉年七十三卒守節四十五年乾隆九年學正范芳訓導祖士元牒知

州易學仁詳報奉旨旌表建坊城外東街坊今毀

孔思道妻傅氏

州人傳邦雄長女年十五歲于歸夫故家貧紡織奉養翁姑教子端

遊泮子媳偕亡撫孤孫經訓成立教之勤學不預外事有古賢母風乾隆十三年氏年五十有六守節三

十八年學正范芳訓導祖士元牒知州喀爾泰詳奉旨旌表建坊西大街坊址

永寧州志卷九人物

十五

修世傑妻羅氏

州處士羅邦英三女年十八于歸勤儉孝敬最得翁姑心生三子夫歿家

貧如洗氏矢志永霜備嘗艱苦以媳代子孝事老翁以母兼師善教三子長子毓麟捐從九品職銜性剛

直一時不肖子弟畏以姓名告三子瓊麟以醫為業不索重謝次子錫麟舉人修武謨之父性孝友鄉里

稱善人焉計氏守節五十四載年八十一歲卒道光十六年訓導楊燮牒知州黃培杰詳請

旌表

吳志瑾妻楊氏

年十九于歸逾年瑾以優廩生選嘉慶辛酉拔貢越二年卒氏年二十一

歲子寅拜甫二歲翁名摺生七子僅存者二志瑾死後翁悲痛欲絕氏矢志守節菽水承歡較夫在日益

加恪慎越數年翁卒氏竭力治喪弗與諸姪計撫寅邦攻讀進學補廩母教尤嚴道光十一年訓導陳一

亨詳請署布政司李給節勁松筠之額道光十六年訓導楊燮牒知州黃培杰詳請

旌表

萬銓妻糜氏

州人糜錫長女十九歲于歸二十八歲夫故遺子聯魁弱冠入武庠好善樂施

姑承歡匪懈撫孤成立聯魁弱冠入武庠好善樂施

彌入咸謂母教所致贈聯日四德克全六十年風霜

八十八歲卒道光十七年訓導楊燮際知州黃培杰

旌表

詳請

李觀蘭妻梅氏

安順府人年十九適觀蘭成婚三月夫亡紡織度日孝事其姑守節四十七年優貢生黃鳴珂在

黃培杰詳請

部呈報道光十六年知州

旌表

夏述舜妻宋氏

州人宋昌印三女年二十八夫亡氏矢志苦守其子克讓廩膳生孫炳明

經餘勤耕讀皆氏教養所致計守節四十年壽六十八終知州王克莊獎以節比松筠匾額

陳士昌妻李氏

州人李仙品長女年十七夫亡撫二子長詞次言成人守節

四十八年吏目周元豐獎以節勁松筠匾額

郭吳氏

年十八于歸生二子長名永泰次子永清廩膳生夫死氏矢志冰霜前學院陸給額

永寧州志

卷九人物

夫

日陶歐淑範

張煥同妻周氏

年十五于歸事翁姑孝謹二十五歲夫亡子王廷弱幼姑老家貧堅貞有

矢卒教子成名前學院胡給額日霜寒柏勁

姜積善妻李氏

舉人姜封齊之母十八于歸生封齊潘齊夫卒氏年二十四翁業醫家道

維艱氏父貢生李憲慮苦節難貞設席命氏上坐言曰爾能守節當受一拜氏直受之心如金石敬事翁

姑鄉黨咸稱孝焉道光十二年訓導陳一亨詳請布政司李給匾日志正節芳

羅墳妻王氏

年十九歸墳夫歿氏年二十三歲遺一子甫四歲事翁姑最謹嘉慶二年

苗變孤兒倏喪難平氏抱姪羅經極續嗣無異已子道光六年學正金章聘訓導陳一亨詳請學院許給

額表揚

王洪鉅妻蔣氏

年十九子歸生子澤洋甫一歲洪鉅卒氏矢志守節事翁姑最謹四十年

不改道光六年學正金章聘訓導

陳一亨詳請學院許給匾表揚

黃啓俊妻田氏年十八子歸二十五歲夫歿子通確甫六齡氏家貧撫孤之死靡他嘉慶

二十三年通權卒遺幼孫四同媳鄭氏其撫教之兩世水操如出一轍儒學金章聘陳一亨具詳學院許

給額曰孝慈貞壽

周迎瑞妻聶氏

廩生聶元模之女年十七子歸夫應府試身故聞訃三日始生子鵬聲時

氏二十歲矢志守貞至死不移孝事翁姑慈撫幼子持家五十六年歷盡辛苦年七十六歲卒前儒學金

章聘陳一亨具詳學院許給額曰孝慈貞壽

錢綬妻陳氏

庠生錢齊政之母年十八子歸二十夫亡立志撫孤堅貞自矢前州拔

永寧州志卷九人物

七

曹賜以堅潔純嘏匾額

李懷妻錢氏

年二十九歲夫亡遺一子朝儀甫二齡矢志清操和丸教子儀應重試抱

病短折念切宗祧自請兄次子朝臣承嗣以清節終知州黃培杰獎以節義凌霜匾額

李愨妻萬氏

年十九子歸三十一歲夫亡無一子女家貧守節紡績以給衣食自恐無

依撫伯兄四子朝立承祧越二年立亡遺孤孫三人氏竭力支持恩勤倍至知州黃培杰獎以義重柏舟

額

吳克俊妻余氏

年十八子歸事翁姑孝謹越七年夫喪遺二子長五歲次三歲族人勸氏

他適不從嘉慶二年苗變氏負二子逃難日食蔬菜苦同茹蘗亂平後卒撫子成立次子道興入武庠年

六十三卒道光十六年知州黃培杰獎以瑤池水雪匾額

鄭芝華繼室周氏

年十八于歸撫前妻子如已出氏生一子夫歿氏年二十三歲矢志

靡他竭力撫二子業儒後已子亡故仍撫前妻子天

位如常賦性慈良存心渾厚現年五十歲知州黃培

杰獎以節義

凌霜匾額

郭謙側室陳氏

年二十于歸二載夫亡嫡妻改適氏獨守志姑年七十餘歲孝養無

缺十數年姑歿氏營葬盡禮撫子昌隆四十餘年昌

陸卒媳藍氏年二十有八亦矢志靡他陳氏現年六

十三歲藍氏現年四十五歲姑媳相依家貧茹苦

道光十六年知州黃培杰獎以一門雙節匾額

賀昇平妻羅氏

年十九于歸事翁姑以孝聞翁姑辭

延餘勤儉持家頗有賢母風現年五十

歲知州黃培杰獎以節義凌霜匾額

沈建熾側室吳氏

廩生沈宗蕃之母建熾娶室五皆無出夫歿氏年二十六誓不他適

願抱叔子宗蕃續夫嗣藩甫二歲鞠育皆其自任教

訓謹嚴藩有不從卽笞之二十餘年不改年五十二

卒道光十六年知州黃培杰獎以守貞教子匾額

錢慎妻蔡氏

州人年三十夫亡無子撫侄繼夫嗣

生孫一歲父子俱死苦守五十二年歿

周元芳妻藍氏

州人年二十一夫亡苦守三十七年歿

朱繁妻程氏

州人年二十七夫亡撫二子長繼明次繼祿苦守二十六年歿

蕭子諒妻鄭氏

州人年二十八夫亡無子族人勸之

折不回外家聞之控官審處州

牧爲之獎賞苦守五十二年歿

李鼎元妻楊氏

州人年十六夫亡撫二子長慎

多疾次愷殤苦守二十九年歿

易良珪妻蔣氏

州人年二十五夫亡撫二子

長滂次淮苦守四十餘年歿

王登進妻蔣氏

州八年二十二夫亡遺腹生子必賢爲州增生苦守三十餘年歿

姜嗣哲妻嚴氏

岸生姜壽齊之祖母年十八子歸生

善守節事繼姑最孝其子揚善早卒苦撫幼孫至於成名氏年七十五歲卒

徐瑄妻張氏

邑岸生徐輝廷祖母二十九歲夫亡遺一子一女家貧如洗紡績撫孤善

事姑周氏姑生惡疽百藥不效越數月穢惡難堪遊方醫主診謂得人吮其毒即可醫氏卽焚香淨口

爲姑日吮數次醫士以藥敷上不日果愈氏攜耳環謝醫醫不受去數年姑卒喪盡禮其子成章亦旌

成立事母最孝鄉里以忠厚稱氏享年七十六歲卒守節四十七年

蕭純妻陳氏

現任開州訓導蕭培琳之母善事翁姑早年孀居避兵於習安家清貧勤

女純以自給喜其子與文人遊里人稱賢母焉

永寧州志卷九人物

十九

謝振禮妻段氏

籍湖南年十七子歸結禱匝月夫遊黔閱十一載始旋楚携家室來居募

役一年夫卽歿氏無子撫姪綱女如已出

謝綱友妻王氏

年十八子歸二十九夫歿子紀鴻甫九齡家貧守志同段氏撫孤兩世苦

節不改冰操段氏年八十卒王氏現年七十有七

王建勳妻姜氏

年十六子歸三十夫亡遺二子長十歲次八歲貞操自矢撫子成立道光

元年卒計守節三十餘年

黃紹禹妻蕭氏

年十九子歸二十六夫歿遺子與朝甫三歲事六十老姑二十餘年孝養

不衰現年五十一歲

方正勲妻鄧氏

十九歲子歸生子永泰甫二齡夫卒氏年二十四歲婦代子勞孝事翁姑

撫孤子厥後永泰入武庠翁姑歿喪葬無違禮令其長孫鍾秀復入文庠堂集四代氏守節六十五年現年九十

一歲

曾師聖妻黃氏

州人黃邦儀姊生有婦德善持家年二十九歲夫故妾遺一子氏撫育之逾年妾子亡故時翁年七十有五氏勸翁續娶姚氏生子師閔甫五歲翁卒數年姚氏亦卒遺一幼女氏

程登雲妻黃氏

州屬樹支黃瑣之女子于歸鎮寧州安

六歲矢志守節事翁姑孝謹抱叔子瑞玉續嗣現年五十二歲

吳世聰妻張氏

年十八于歸世聰故氏年三十歲子壽伯甫七歲氏守節撫孤冰霜自矢

現年五十四歲

永寧州志卷九人物

二十

吳早妻陳氏

年二十歲夫故子世祿甫生數日氏上事翁姑下撫乳孩柏舟自矢辛苦

備嘗現年八十三歲

周述先妻孔氏

州人孔輝之女年二十五歲夫故氏無子家貧寡勤紡織鋤園圃以自給

抱姪時和爲子氏現年五十三歲

張友妻白氏

鎮寧州桂家堡人適州人張友年二十四歲夫故遺一子甫三月氏堅貞

撫孤紡織度日今其子貿易營生忠樸安分氏現年五十三歲

徐上桂妻邵氏

年二十三歲夫故遺子盛蕃甫三歲氏矢志守節勤理家事其姑早歿氏

現年八十三歲氏現年四十二歲

王顯名妻饒氏

年二十一歲夫故遺子恩榮甫六月立志撫孤教訓嚴謹現年五十九歲

唐萬春妻萬氏

十七歲于歸生子世經夫歿百日後甫生次子世緯氏年二十二歲茹苦

守貞翁姑卒竭力治喪辛苦備嘗

今守節二十六年現年四十八歲

甘邦寧妻周氏

監生甘家善之母年二十于歸夫歿比年二十六歲家善甫一歲氏孝事

翁姑矢志守節

歷今二十八年

吳之英妻甘氏

年十七于歸英翁早逝善事姑生一年二十六槓舟自矢家貧紡織

度日無他志現年四十六歲

宋大桂妻劉氏

廩生宋士輝之母年二十九夫亡士輝甫八歲翁與庶姑相繼卒嫡姑年

老多病庶姑遺叔大權輩四歲上事病

姑下撫幼叔和順慈祥族黨咸稱羨焉

庠生宋士燁妻鄧氏

生十九歲于歸孝事翁姑盡婦道生子肇基翁姑先後去世其夫

永寧

州志卷九人物

三

體弱多病奉侍湯藥經年辛苦不輟士燁卒氏年一

十六歲矢志守孤克修家政撫育繼姑幼女成人婚

嫁粧奩竭力從厚其子青年進學和睦宗族敬重師

傳得力於母教者居多氏現年四十九歲守節二十

四年

聶志謙妻周氏

丁酉拔貢聶惠仁之次媳武庠周鵬軒胞妹十七歲于歸嫻於閨訓勤儉

持家生子崧甫數月志謙卒氏年二十八歲竭力撫

孤治家謹嚴雖至親子弟不輕往來現年五十五歲

守節二十六年

修禹謨妻黃氏

十八歲于歸治家勤儉克守祖母羅氏家範夫卒氏年二十九歲數月遺

腹生子修梅身體單弱氏並撫堂兄子樑為子婚配

數年樑卒遺三女氏代為撫育婚嫁事孀姑譚氏二

十餘年姑歿竭力喪葬茹素終身撫孤子梅成人

完婚備極艱苦計守節二十六年現年五十五歲

陳世蘭妻楊氏

木勝楊世法長女十八歲于歸生三子一女世蘭卒氏年三十歲家計艱

難竭力支持撫

三子俱成立現俱一堂四代氏年八十歲守節五十年

鄭士豪妻熊氏

年十七于歸持家勤事夫敬生子二清甫孩提夫卒守志媳亦孀居辛苦

異常現年六十六歲守節三十七年

鄭一清妻董氏

年十六于歸孝事孀姑勤於中饋越九年其夫一清卒孀姑熊痛不欲生

氏極力勸慰以媳代子勤紡織承色笑其姑因得暫

延餘年姑媳雙節不啻冷雪寒冰清白輝映現年四

十八歲守節三十二年

孝婦

國朝

李公毅妻武氏 安南明經武惕若女孝廉武鉅姪讀

小氏卜素待氏苛氏皆委曲承順卜病危氏割股醫

治卜愈感悟晚化為慈叔公珩窘迫氏體公毅生時

友愛之意每捐助募役長官司禮給匾曰隱孝宜揚

向大年妻楊氏 募役司人楊漢女生性賢淑十八歲

單傳隱以為憂氏曲體姑意為夫娶胡氏家庭和睦

甚得姑歡心姑病百藥不效氏潛為祈禱割股醫治

姑愈後閤家始知逾年胡生于泰來氏視如已出甫

八歲大年旋卒氏與胡敬事孀姑終苦擯泰來成立

其孫榮先青年入泮一堂四代克守戒訟家法鄉里

咸以忠厚稱州人士公贈匾聯曰節孝流徽氏享年

永寧州志卷九人物

三

八十

九歲 修錫麟妻萬氏 州人萬榮女性賢淑不妒嫉事孀姑

撫子夫歿自持家政撫子武謨中式戊子科舉人鄉

里咸以孝慈稱享年七十六歲卒知州黃培杰為之

傳 王希成妻程氏 庠生王家材母十九歲于歸值苗變

去賊至隨姑曹氏入城城門閉順西街逃至陽家河

邊象賊逼近姪投於河賊以刀劈氏頭七傷氏昏斃

作地賊去踰時復生不見姑沿河號泣哀呼姑屍忽

自潭中湧出氏援屍上岫覆蓋之乃去潛入朝天洞

中絕糧一十五日飲水度命會兵至洞口聞聲察其

馬骨

烈婦

劉氏

州人逸其夫名並世系莫考避難於城西五里道旁洞中遇賊不屈死因名其洞曰留節

洞見通志

張田氏

州屬西坡坪鄉人女也其家以耕爲業一日

以刀逼氏不從死時乾隆五十六年知州三官保詳其事奉

旨建坊其匾額曰事近捐軀終保貞潔方某稟市

萬起予妻

王氏邑武舉王必選胞妹于歸後其夫染惡疾割股救之夫歿殉焉

黃毛氏

寡之氏曲盡婦道毫無怨言黃久出不回氏

水清自守其母家欲接氏歸養氏恐無以報黃紡織度日不憚辛苦後說聞黃凶耗投冰死數日母家尋

永寧州志

卷九人物

三十四

貞女

國朝

吳氏泥所村人字普定縣周文儁字仙品未嫁文

縣詳請 旌表氏弟建石坊於關

嶺大街坊 復建謝廷薰爲之傳

吳氏頂姑吳汲三女父母原字廖後改字丁將聘

傳之 氏畫於神位前焚香夜自縊知州楊士蔭爲

流寓

明

高巍山西人，事母至孝。母老而癯，疾奉湯藥，不

懈。母亡，廬墓蔬食三年。洪武十五年，應貢入

太學。十七年，以孝行旌授前軍都督府試左斷事。十

八年，上疏墾河南、山東、北平荒田，及抑末役，慎選舉，

借名器數事。太祖深嘉納之。後因斷事不稱旨，當罪

以議賢謫關嶺，仍許以姪代役。後還朝，建文出亡，殉

難。

李新，茂州人。安莊訓導，講明理學，以誨諸生，捐俸

賑貧，自甘澹泊。九年秋滿，諸生留之，遂附籍。

程玉成，江津進士。明史作玉，成一統志作玉式。

永寧州志卷九人物

三

龔茂勳，江津貢生。崇禎時，偕程玉成客永寧，知州曾

異撰移韓安南流寇孫可望猖獗，佐異撰謀

城守。

王珣，字鼎泉，安南流寓。志云：王珣，四川廣安廕生。

為寇所阻，往來黔上游諸邑，勉士教木，抑未勸民先

公。後私著有穉泉詩集，遂居募役司，卒。葬司北四里

許老虎山。

今墓尚存。

李端，字表正，宣城進士。拜御史，剛毅不撓，屢忤權

守。按舊通志，刻為李端，列入名宦，以字表正推之，則

端近是。查明永寧州無經歷官，惟衛有之，或曰：明制

永寧州與安南衛同城，毋乃以安南衛經歷而作永

寧，經歷乎？然考汪直用事在憲宗朝，是時永寧尚未

與安南同城，則李端之為

永寧流寓，終屬存疑矣。

許邦才字殿卿舉鄉試第一廕官長史與李于鱗同
之爲人兼愛其詩名海內爲嘉隆七子冠而雅重殿卿
邵丞作七言古贈行曰那州十月凋白楊城頭出雲
垂太行把酒相看日欲墮五馬踟躕大道旁問君胡
爲萬里夫小臣罪合投窮荒我聞西南羅施國風氣
鬱寒殊陰陽長官權髻見朝吏海蠻醉鼓橐中裝男
兒貴至二千石何地不可稱冀黃壯遊須合百粵盡
探奇更得浮沅湘永寧雖惡無瘡癘明年雨霽生還
卿殿卿初至永寧詩曰風塵誰自料花鳥故相猜問
是山東客何由萬里來據此則殿卿之流寓永寧州
明矣但未知其謫永寧衛與永寧州存以備考

國朝

管繼祥威寧州人性孝友由行伍隨經畧大臣威

賞戴花翎嘉慶十五年授永寧守備涪陞直隸務關路叅

將道光十三年告休居州之東門外大街將軍第蒙

永寧州志卷九人物

恩以出師受傷在家准食半俸

仙釋

淨月俗姓趙崇慶州人少由行伍出家順治十八

者病飲淨月尋得源頭活水綠崖鑿壁用粉石梵成

溝洫遠數里許從山巔噴出流泉淙淙有聲可以灌

田間者羣詭異之夫飛杯渡海卓杖開山能命虎而

跑泉能命龍而吐水自昔神僧往往著其靈勝之跡

淨月其亦有廣大神通之量乎工成請立碑以記其

事知州林華皖爲之銘曰濬水開田十方饘粥甘露

醴泉因時逆出法乳恩深天地萬育山

德彌高川流不息濟物利生百千萬億

方技

明

陳演立 萬曆時江西人流寓募役常為人修齋設醮
曹人多疑之嗣土司修建中元醮會演立俯伏拜天
好事者私將寫就疏文易以白紙焚化踰時演立蘇
醒大驚曰何人害我上界以白紙戲天將我發陽曹
官責罰易疏者死次日偶因小事禮土司怒欲責伊
左右徐將上表事稟白土司怒解薄罰免責易疏之
人三日果死陳氏子孫世傳其教迄今二十餘代

國朝

王名雷 字震南乾隆時湖廣人寄居關嶺為人診視
一日在安順城藥店外衆爭視之有一人欲試其術
越舖出請爲診脉醫口速歸治後事其人含笑去衆
問故曰是人小腸將斷無藥可醫不過三日矣次日
其人果死一時名馳滇黔督撫延請咸以上賓禮之
可勝計

永寧州志卷十

風土志

知永寧州事昆明沈毓蘭重刊

周禮職方氏掌天下之圖辨其邦國都鄙四夷八蠻七閩九貉五戎六狄之人民則風土之所關至鉅也黔地漢苗雜處風俗不同府與府異州與州異永寧俗尚質樸士夫敦詩書而重名節工賈勤職事而賤遊食冠婚喪祭皆行古禮飲食衣服率崇節儉至苗民婚嫁喪祭言語衣服雖依舊俗然安分守法男婦力勤耕織子弟多習詩書百餘年來亦漸知禮教矣

永寧州志卷十風土

一

志風土

土俗

正月元旦晨起焚香秉燭設茶食菓品等物叩拜天地

皇王及祖先畢以次叩禮尊長親友彼此慶賀名曰拜年互相欸畱數日乃止本城自初五日閣街議首設清醮火醮會以祈平安扮花亭新衣鑼鼓花爆旗幟男女老幼觀者如牆堵立春之日粧扮臺閣擡春牛芒神隨地方官迎春東郊元宵遍張鼓樂有獅

子花燈爆竹之樂

不扮龍燈舊傳城坐龍頭久止不行

庶民紳士各燃

燈於其祖墳薦其時食

二月雨水植花木或接菓種

三月清明拜掃先塋標錢掛紙新墳以社前爲期舊墳則清明前後有修砌者在清明前三日具牲醴展墓以是日土神不用事故也上巳日祓除不祥或以新柳挿門童幼或簪髻上又是日爲土地會凡祀土地者必刑牲灑酒以賽之

四月初八浴佛日或書佛生四月八日數字以避蛟

蟲

五月五日端午節各插蒲艾於門以角黍互相餽送祀先祖泛蒲觴繫長命索飲雄黃酒逗百草

十三

日爲關聖帝君磨刀勝會前後數日有大水曰磨刀

水 二十八日爲城隍會士民焚香慶賀前二日鄉

城居民敬獻千張者歲數百人

六月六日祀土地神曬衣服士曬書農夫以酒飯祀

田租插紙錢於田中以祈豐年

七月七夕牛女渡河婦女以瓜菓祀織女名曰乞巧

又以天河隱見卜年歲之豐歉 自初七以至十三
或自十一以至十五名曰中元會每日焚香烹茶設
饌祀奉家先祖考卽於數日內擇吉薦新虔備冥錢
包袱於十三十五夜設供門外望空焚之有號泣痛
哭者

八月十五中秋節各戶以西瓜月餅石榴等物相餽
遺月上卽用各物供之名拜月其以笙簫鼓樂玩月
至通宵者名看月華

九月九日重陽節采菊花朱萸插頭上有登高者謂
之避災農家搗餠粿以餉牛又以是日造酒味佳終
年不淡

十月朔日士夫家具酒醴雞黍印刷紙衣等物於祖
先墳前焚之謂之送寒衣今罕有行者

十一月冬至文武官行慶賀禮

十二月八日名臘八宰猪作脯肉二十四日以条帚
掃塵垢夜祀竈神竈神於是日上天言其家終歲善
惡至除夕竈神回再祀之 除日以新書門神對聯
及五色錢五福掛於門首具酒饌當門設席叩拜天

地及祖先至夕火爆花燭鑼鼓喧鬧達旦謂之守歲
冠婚喪祭附

婚姻多係舊親亦有新親者男子自十歲至十五歲
父母卽爲定親始議婚男家請與女家親厚者赴女
家求女此爲內媒女家許之卽以女庚授媒合男家
合婚曰討庚婚旣合男家復請人求於女家此爲外
媒猶古禮之間名也男家擇吉隨用首飾聘儀布帛
並紅柬鸞書書男庚曰乾造某年月日時授媒送至
女家猶古禮之納吉也女家受之猶古禮之納采也

永軍州志 卷十 風土

四

以布帛爲采儀隨於紅柬鸞書上書女庚曰坤造某年月日
時以授媒媒授之男家以爲證據猶古禮之納徵也
兩姓隨是日往來名曰會親俟男女長成再行婚禮
將婚前一年或前數月男家以所擇喜期及酒醴布
帛綵綿之類遣媒致意曰報期女家預製床帳衣服
器具貧者從減名曰嫁奩將婚前三日男家以所製
衣服簪環首飾及猪羊酒醴茶食品請媒人送至
女家名曰過禮女家以新郎衣冠及床帳器具爲酬
是夕親族長幼咸集男父設席於庭教其子以成人

之禮女母以男家所擇吉日時擇少婦中重慶具慶而有子者爲女括髮名曰上頭上頭訖以笄簪之故亦名笄笄之時女不忍離膝下號泣不已婚之日男父備彩轎彩旗於門請至親男二人鼓樂導婿至女門名曰親迎女家設菓酒祀神婿執爵拜獻名曰奠雁禮畢統拜女家親長女家設席飲婿婿就館再燒香燭扶女至中堂女號泣辭神就轎請至親男婦各二人送女婿辭行偕新婦歸女到男門預於門首焚香秉燭祝喜神掃除煞氣名曰退車馬新婦下轎送親婦扶新婦跨馬鞍入室拜堂禮畢入室設香燭夫婦交拜合卺而飲名曰交盃三日新婦拜見舅姑以次拜見親長茶食菓品皆出自女家示婦敬也一月之後女父母遣女兄弟至婿家婿偕其婦行反馬禮名曰回門總之禮之厚薄視其家之貧富爲差喪禮

視終沐浴後著衣冠扶至中堂舉喪哀奠祭殯歛入

棺歛有大小燃燈於棺下名曰地龍燈次行成服禮

親友隣里燃燈數十對送至喪家以爲照夜名曰送

燈喪家置酒相與擊鼓歌孝歌以爲伴亡名曰坐夜

數日之後請諸親將葬前三日本族諸親咸集曰開

堂一日開弔親友紳士預爲贊罨花亭於堦前爲酒

樽所中焚香燭名曰香亭行堂祭禮凡三獻

遵用朱子家禮

猶爲損節數處

夜諷聖經

學正謝庭薰始教此禮相沿有年

再行點主禮延

仕宦及有德齒者爲大賓禮生接大賓就館孝子設

席宴大賓歌宴賓大賓若不當主人之禮執事爲歌

答主章宴畢就點主位孝子拜見復捧主拜見刺孝

子指血以血潤筆投大賓執事贊辭點神主二字大

賓贊主畢孝子叩謝捧主供養大賓復行安主禮統

此名曰點土次日出柩以牲醴祀五丁力士名曰祭

輿送柩至喪所曰還山三日備香帛酒醴猪羊祭后

土於墳山曰復山每七日化錢曰燒七至四十九日

延僧道誦經曰做七七至百日週年除服均誦經如

前貧者則否此喪禮之大畧也

祭禮有公祀如各寺觀所祀諸佛菩薩之類有專祀

如各家紳士之祠祭有私祀如各戶之元旦清明端

午中元中秋嘗新重陽冬至除夕以及父母之忌辰

皆見前習俗茲不贅述

苗俗 冠婚喪祭附

屯堡人

屯堡卽明洪武之屯軍婦女藍衣白袖男子衣服與漢人同男子善貿易女不纏足一切耕耘多以婦女爲之繁花六保漢人村寨附近居多

土人

土人相傳爲明洪武時與屯軍先後至者因其居士日久故曰土人一說舊人一說土人楚人也一名里

民子衣尙青與屯人無甚差異婦女不纏足男子嫻貿易耕作多婦人爲之歲時禮節多有楚風正月自元旦以至十五擊鼓以唱神歌頂營司屬阡家寨簸箕田阿黑寨居多大壩大坪間有之

狝家

狝家五代時馬王殷自邕管遷來 通志其種有三州屬

惟有補龍補納二種頂營四甲六馬地方其雜處村

寨者甚多善治田所居皆平疇沃壤男子服飾多青

白婦人衣尙青以青布蒙髻長裙細褶多至二十餘

幅製用采布一幅以青布襲之耳環大如鐳性好棲
居婦女善織衣其夫及家人不外市也間有畜蠱毒
者蠱性嗜殺不殺人則反噬其主故其家至戚亦必
毒之以洩蠱怒今則絕無矣婚姻多苟合男唱女隨不以
男子之妍媸爲愛憎奔而不禁聘用牛作聘資女嫁
過門三日卽回母家歲時去來無定至兩三載始成
家不多返喪必屠牛放炮親戚畢至曰做戛以大甕
貯酒執牛角盃挨次飲歌聲同起同止數人一腔居
喪不食肉葬用棺數年墳多遷視屍朽爛舉火焚之
在皆有

龍家

龍家有四種衣尙青女髻方巾以青布圍之衣短裙
長州屬偏坡有之

蔡家

蔡家卽蔡國人春秋時爲楚所滅俘其民而放之南
徼遂流於夷男子善擗音趕羶遂以羶爲衣服婦人短
衣長裙婚用媒妁聘以牛酒財禮與龍家同女子將

嫁男家遣人迎之至則女家率親戚中之女子十餘人當門箝以爲歡笑入門乃止與猓獾同名曰打親謂不打不親也翁媳不通言語喪則屠牛宰牲聚親族跳舞居喪三月不食米肉惟飲稗粥尙存古禮焉沙營司倫坡寨吳家庄居多

花苗

花苗以敗布緝條爲衣男以青布裹頭短衣大領大褲婦人青衣短裙斂馬鬃尾雜髮以爲髮大如斗籠以木梳裳服先用蠟繪花於布而後染之既染去蠟

則花現飾袖以錦故曰花苗其性悍而畏法俗陋而力勤病不服藥惟禱於鬼婦人以績麻爲事男子與苗女輩耦坐私語名曰打馬郎父母兄弟皆不之禁每歲孟春合男女於野謂之跳月擇地平處爲月場以大冬青樹一株植於平地綴以野花名曰花樹男女各艷粧美服子與子左女與女右吹笙跳舞名曰跳花跳畢苗女各以飲食食其所歡之男解錦帶以爲質數日之後男家遣媒至女家議聘既成婚於是年十月辰戌日媒引苗男至女家納財禮女家屠牛

待壻次日女父母六親送女至以待壻之牛腿一送壻父母至五日七日女偕其親回過栽秧割穀則歸不同宿夫亦不能強之既生子而後歸曰坐家既歸亦不復再打馬郎矣與神家畧同人死下地以雞子擲之不破者爲吉卽葬於其所出喪之日哭泣盡哀壘土成墳越七日束草作人形著死者衣以簾箕擗之出鬼師持劍跳舞於前餘人吹笙於後送至墳上燒之曰做滿場中哨下哨附近村寨多有之

青苗

青苗募役司大水溝附近村寨有之依山箐爲居故又名曰箐苗不善治田惟種莠麥稗梁數種土薄則去之是以遷徙無常衣麻衣皆其自織婦人以青布一幅製如九華巾狀戴之男戴竹笠脚躡草屨曰以爲常性强悍好鬥然知畏法不爲盜婚姻與花苗畧同男子未婚者剪腦後髮聚則剪之

曰苗

白苗州屬樹枝麻龍宮蘆茅冲居多近城之山岔溝老馬冲養馬嗣亦有之衣尙白短僅及膝男子科頭

赤足婦人盤髻長簪性悍而厲轉徙無常爲人雇役
墾田婚姻亦跳月女子自行擇配與花苗同喪則屠
牛盡哀近則改用棺殮

紅苗

紅苗衣服悉用斑絲女紅以此爲務人死棺殮將所
遺衣服裝像擊鼓歌舞名曰調鼓

狃狃

狃狃有水狃狃木狃狃花狃狃紅狃狃雅意狃狃打
鐵狃狃猪豕狃狃鍋圈狃狃剪毛狃狃披袍狃狃打

永寧州志

卷十 風土

土

牙狃狃數種各有族類不通婚姻州屬阿果枝有披
袍狃狃餘剪毛花狃狃二種亦間有之其水木猪豕
等類皆無

披袍狃狃

披被狃狃男子衣服多類土人婦人衣尚青短袖僅
及手腕披如鶴髻因以披袍名男女勤於耕作荆壁
不塗門戶不扃出入以彈丸泥封之婦女終身不上
樓男女多苟合婚嫁先外家凡姑之女定爲舅媳或
舅無子必婚於他舅族之遠者嫁娶之禮皆同花苗

居喪哭泣盡哀召親戚屠牛擊鼓曰闈屍長子居喪面不盥洗足不踰戶無長子則以長孫代之葬用棺每逢清明除夕中元節向墳前標掛錢紙與漢人無異此爲苗之循禮者

剪毛頭狔狔

剪頭者凡未嫁之女剪其頭髮以爲記既嫁則否婚姻與紅狔狔不大差異性淳良頗通漢語

花狔狔

花狔狔衣尚青婦人以羊毛綴線爲衣袖領起花染

紅色甚佳性淳謹畏法不爲盜婚姻與披袍狔狔無甚差異

白獾獾募役司有之一曰白蠻與黑獾獾同而爲下姓飲食無盤盃以三足釜灼毛鬣血無論鼠雀蚋蟻蠕動之物攫而燔之損食若糝不通文字結繩刻木爲信死以牛馬草裹而焚之

見黔書

通志牂牁地多雨潦俗尚巫鬼禁忌大部落有大鬼主百家有小鬼主由此言之古稱黔地爲羅施鬼國又高宗伐鬼方三年克之其爲鬼國也信矣然諸苗

病不服藥惟禱於鬼屠牛宰牲往往破家終不悔悟
今亦漸改矣

方言

天明曰天亮 日晚曰黑了 水曰凌 虹曰扛

清晨曰清早 乍晴乍雨曰滂淞雨 月半明曰腴

腴亮 祖父曰公 祖母曰奶 父曰爹 母曰媽

父之兄曰伯爺 父之弟曰某叔 兄曰哥 弟

曰某某 姐曰某姐 妹曰大妹二妹或稱爲大婆

二婆小者曰么婆滿婆 婿稱岳父曰親爺 岳母

永寧州志卷十風土

十三

曰親媽 婿生子稱岳父曰外公 岳母曰外婆

妻兄弟曰某兄某弟 外孫稱外祖父母亦曰外公

外婆 甥稱舅父曰舅爺舅娘曰舅媽 女未嫁岳

父母呼婿曰某姐夫從其子之稱也曰某姑爺從其

孫之稱也 留宿曰歇 拾得曰檢得 如何曰怎

麼 食物曰吃 偷看曰瞷音苗 看曰瞧音焦 不堪

用曰要不得 相罵曰吵或曰嚷 物濕而黑曰黴

音梅 米粗曰糙 飲食變味曰餒音搜

苗語狎語合譯左苗語右狎語

天文 苗語 天曰論問 日日 上董 刀輪月曰 莽高星曰 奈里

風曰 平下 雲曰鳥 阿仁 雷曰 巴來兩曰 刀愠霜降曰 打

奈下雪曰 刀奈霧曰 乃摸 露曰 崖電曰 要巴凌水曰

空 奈塊 凡有音無字者俱以四聲圍讀之惟下平聲圍

讀恐與上平聲混故註曰下平餘倣此

地理 苗語 地曰 裴山曰 播石曰 應巖曰 因江曰 抗河

曰 在 大海曰 巖 大水曰 刀懦 小水曰 刀奈 井曰 况淙

田曰 冷 土曰 打 稱呼 苗語 高祖曾祖父曰 包太 高祖曾祖及老婦

曰 理 妻 祖曰 公 祖母曰 埋妻 父曰 耶 母曰 埋伯曰

包叔曰 翁 兄曰 哥 弟曰 那 姐曰 姐 阿妻 妹 阿 母舅曰 農

妻播 妻舅曰 播 那 農 妻曰 虐 折 亞 子曰 妻 女曰 妻 瘋 過

親家曰 脚 先生曰 藏道 大人曰 犬人 你曰 你 皆沾 我

曰 噴 皆蒙

言語動作 苗語 富曰 班利 貧曰 窩老 有曰 里 無曰 猛

秘來曰 勞 馬去曰 敗 走動曰 條 不願曰 密 主 凡事不

諧及沒有曰 密 仗 不聽人言曰 密 容 拜 跪 曰 拜 扒 九

磕頭曰 奴 戶 高

永寧州志 卷十 風土 古

身體苗語頭日農服拱高髮日衰服奔高眉日衰蒙眼日蓋家

耳日農把鼻日農衰口日農九齒日命兒手日文乳

日農密足日踏骨柴桑肉日皆

村居寨房苗語街日街巷日尚寨日龍王門日杜

房日農把樓日農庄倉日庾梁日兩柱日假把瓦日

俄瓦牆日空身簷日拉然寺觀廟宇日廟

衣服苗語氍帽日毛制衣日襖衫日布衫馬掛日

馬掛袍日均日腰帶日浪裙日登鞋日立襪襪枕日

布登袍日均日疑高睡被日奔

永寧州志卷十風土五

布帛苗語布日帑綢日種緞日空針日根線日賣

飲食苗語酒日姓吃酒日呼飯日糞肉日改油日

狀鹽日祐粥日過香日香臭日臭硬日即

器用苗語棹日枕椅日几床日藏帳日惹碗日呆箸

日招豆升斗日道升盛杵日降白日平任帶鋤日陸

斧日獨鐮刀日魯無鎖日素鑰日鑰匙日登秤

日直筆日筆墨日墨書日道讀書日柯道扇日必

鑼日那向鼓日卓鐘日全磬日全吹喇日羅扇日必

泡淮泡連連

米穀 苗語 穀曰 把 白米曰 宗老 麥曰 門 蕎曰 假

芒 稗曰 西 小米曰 都農 豆曰 都 黃豆曰 都廣

菜蔬 苗語 菜曰 茹 青菜曰 茹波 白菜曰 茹過老 芹菜

曰 香京 蕨菜曰 茹梭 薑曰 指 蒜曰 難 葱曰 茹葱 韭曰

茹非 跑鳥

菓蔬 苗語 桃曰 做裸 李曰 做考 梨曰 做 柑曰 殊

杏曰 家 栗曰 做荷 壺瓜絲瓜俱曰 阿都

花木 苗語 花曰 至 蘭曰 奶 菊曰 保廣 艾曰 巖 草曰 同

竹曰 找 木曰 能 柳曰 養柳 松曰 爭芒 桐曰 呵當

永寧州志卷十

杉曰 呵金 漆曰 阿良

禽獸 苗語 雞曰 嗜 鵝曰 犒 鴨曰 歌 猪曰 都 羊曰 都

都 狗曰 拉 貓曰 都毛 馬曰 做密 水牛曰 都 虎曰

做 豹曰 都空

鱗介 苗語 鯉魚曰 大里 龍曰 做 蛇曰 做

昆蟲 苗語 蜂曰 都 密蜂曰 都 蜘蛛曰 都 蝦蟆

曰 過 蜈蚣曰 都

顏色 苗語 紅曰 倫 紫曰 都 赤曰 都 黃曰 廣 綠曰

波白曰 刀 黑曰 晚 青藍白 波素

論

珍寶

苗語

金曰

工

銀曰

凝

銅曰

等

鐵曰

陸

曰

陸

鉛曰

永

錢曰

煎

王曰

浪

寶曰

寶

方向

苗語

東曰

東

西曰

西

南曰

報

北曰

北

前曰

打

後曰

那

左曰

穩

上曰

家

下曰

箕

數目

苗語

一曰

依

二曰

阿

三曰

散

四曰

西

曰

七

曰

差

八曰

邊

九曰

姑

十曰

古

曰

依

生

萬曰

依

望

一文曰

一

文

儂

好

玩

了

萬曰

依

望

一文曰

一

文

儂

毫

一

釐曰

一

里

一分曰

一

分

一錢曰

一

一

二

兩曰

阿

良

石曰

當

斗曰

道

升曰

分

合

曰

分

合

曰

合

勻

曰

良

永寧州志卷十風土

十六十七

永寧州志卷十一

藝文志

知永寧州事昆明沈毓蘭重刊

文以記事也古來名家著述所以紀載者多矣永寧藝文一體缺而不載然當滇黔孔道歷撫憲守牧凡有地方切要之務因鐫石以垂不朽又其地多選勝郵亭古道流韻無窮其都人士登高賦詩一歌一詠皆有考見之實故奏疏之文指陳時事洞悉治體之本原其次傳記論贊詩詞雜引體各不一要不失乎紀載之旨則文之爲藝豈僅目之文辭章句之末哉

永寧州志

卷十一 藝文上

志藝文

國朝

奏疏

請添設學校以宏教化疏

康熙己丑
外撫軍王 燕進士

爲添設學校以宏教化以廣

皇仁事該臣看得振興文教樂育人材乃致治之盛事我皇上親幸闕里闡新

聖殿重道崇儒諸鉅典度越百王光昭千古所以薄海內外一道同風無不沐浴咏歌於聲名文物之內黔黎

僻處邊陲甄陶既久亦已斐然可觀又蒙增廣鄉試中式之額益加鼓舞惟因開闢初年人文寥落學校之制尙缺而未全各州縣衛有未設學宮者有有學無官而附試他庠者無學宮則不獲觀俎豆聲容之盛而陶淑無由附試他庠則不免跋涉險阻之勞而單寒致沮臣愚以爲大化翔洽之時不可不具備其制也况今

國家武功赫濯文教誕敷無遠弗届黔地苗民雜處加以鼓舞作興則士氣旣奮而蠻夷亦得觀感於弦誦

詩書以柔其獷悍之心誠漸被遐荒之要道也臣莅任後據舉貢生員周文侯等具呈請將未設學之州縣衛及有學無官而附試他庠者援例

題請添設經臣行據署布政司貴東道參議羅暹提學道僉事卜景超會詳覆請援滇省和曲祿勸等州縣建學設官之例添設等因前來臣覆加查核應將附學之清浪衛設教授一員又附學之開州廣順州並未設學之永寧獨山麻哈三州各設學正一員又附學之普安餘慶安化三縣並未設學之普定平越都

勻鎮遠銅仁龍泉永從七縣各設訓導一員進取文武童生照小學例每學考取八名廩貢循例遵行庶附學之生童免裹糧跋涉之苦無學之州縣有師儒肄業之地至原未有學宮之州縣則公同捐俸建設其官役俸工照全書額編支給彙冊報銷從此全黔士子愈感

恩踴躍爭自濯磨仰副

聖主儲才之盛典行見人文昭宣風俗日興於仁讓矣

請開上游驛站疏

鄂爾泰

永寧州志

卷十一 藝文上

三

爲請開路改站以速驛遞以便而民事於省通滇大路陡窄紆盤舊稱羊腸一線如關嶺蓋江等處尤屬險峻以故車馬難行商賈裹足臣擬由安順府之安莊另開新路直出普安州之亦資孔寬等俾可行車以便來往前經臣

奏明續因黔員議論不一臣轉恐已見未確遂復舊

茲因公赴黔沿途復加查問咸稱新路平坦開修實

便臣隨委員細勘詳覆今據布政司鄂彌達會同糧驛

貴東道楊永斌詳稱查自鎮寧州屬黃菓樹起各人

新路至普安州屬蒿子卡舊路止計程二百四十里
零八分內花局阿樂即岱等處道路寬平修整可以
行車雖斗耶箐坡計止里許頗覺陡峻然險窄之處
亦屬易開其餘土地打鐵簡古等關以及石龍那當
列當趕場猪場等坡本不甚高一經開平可成大道
沿途河溝因地制宜各建大小木橋不難濟涉有西
林一渡寬有百丈水勢畧繁然製造船隻亦便可穩
渡查舊路至關嶺普安州原係八驛道路崎嶇站頭
甚遠內關嶺盤江江西坡軟橋四驛係驛丞經營其

餘四站係永寧普安二州普安安南二縣經營今所
改新路自黃菓樹起至蒿子卡止只須添設六驛既
平且近每站計不過四十餘里應將原設之永寧普
安二州安南普安二縣關嶺軟橋二驛經費撥入新
驛裁去盤江江西坡二驛合計應裁夫馬草料每驛
可節銀一千八百八兩二錢零米一百三十二石四
斗八升穀一千二百九十六石至官役俸工應仍留
撥新驛將關嶺驛驛丞移駐坡貢盤江驛驛丞移駐
那當江西坡驛驛丞移駐楊松軟橋驛驛丞移駐大

山凹其普安縣舍基場議以普安縣典史移駐兼理驛務仍司緝捕至安順府親轄郎岱一驛卽以普定縣典史就近兼管仍理府屬郎岱一帶地方緝捕之事均應給以驛丞鈐記以省添設驛官其四驛驛丞亦加以巡檢職銜兼司緝捕均歸各該管地方官專轄再所留之軟橋驛原無站夫今移駐大山凹立爲腰站所需站夫應於楊松亦資孔上下兩驛接換又營汎應設一營五汎塘撥二十三處除郎岱一汎仍令安籠原防弁兵安設不議外所有坡貢那當金基

場楊松大山凹共五站酌議於適中之那當設立一營餘爲四汎應需官兵查盤江營原爲孔道要隘是以設營兵防守今旣改新路盤江毋須官兵兼防應將盤江營官兵移駐新路該營額設守備一員千總一員把總二員兵丁二百八十名卽令守備一員千總一員帶兵一百八十名駐劄那當把總一員帶兵五十名分防坡貢汎再令把總一員帶兵五十名分防舍基汎至楊松一汎附近安南營應令該營將原防普安縣之千總一員帶兵五十名移防於此其六

山凹一汎附近普安營應令該營撥把總一員帶兵五十名防守以上營汎如此安設於新改驛路始有神益至於舊路營汎盤江營制既經全移而永寧州汎原係該營撥防此路雖屬僻道州治不可無兵應將安籠原防關嶺汎弁兵移駐州治卽於該汎內量撥兵丁分防關嶺盤江橋一路再安南營原防普安縣汎千總一員兵丁八十名除撤防新路之弁兵外尚餘兵三十名令安南營撥外委一名帶領防範如此安設則舊路亦可資巡查又盤江營移駐那當應

請改名永安營鑄給關防總計所需修建道路橋梁船隻以及驛舍衙署營房等項共工料銀一萬一千五百八十七兩零應請於司庫動支正項銀兩卽委承勘之原任安順府知府何經文現任清鎮縣知縣張世昌辦料興工俟工竣之日造冊

題銷一轉移間驛遞商民均爲捷便除圖冊送部外相應具

題

考

黔中考

謝庭薰

春秋時楚莊既霸梁州以南皆服於楚爲巫黔中地
 此古名黔中之始也今貴州思石銅黎鎮遠諸府卽
 楚黔中地也秦昭王二十七年命司馬錯泝舟涪陵
 水取楚巫黔中地置黔中郡漢高帝四年改黔中郡
 爲武陵郡隋開皇置黔安郡統都上縣黔安卽今思
 南都上卽今龍泉大業時首領謝龍羽據黔中唐武
 德元年改黔安郡爲黔州四年置黔州都督府貞觀

永寧州志

卷二 藝文上

七

三年應州東謝莊州南謝隸黔州都督四年以黔州
 之都上縣開南夷置夷州十年思州高富縣屬黔州
 十一年罷黔中都督府先天元年復置都督府於黔
 州開元二十一年設黔中道置黔中採訪使治黔州
 天寶元年改黔州爲黔中郡都督如故乾元元年復
 以黔中郡爲黔州都督府元和二年詔黔南遣將押
 領牂柯等使其時思思州夷石費思播遵添桐錦銅仁叙
 黎黎獎獎遠遠八州皆隸黔州採訪使長慶二年黔中蠻叛
 觀察使崔畧以聞節度使段文昌使人開曉蠻引退

大順二年黔中附於蜀王建宋至道三年分黔中隸
荆湖劍南之東西三路元豐二年改隸黔中於湖北
夔州二路此貴州名黔中之所由來也湖廣之常辰
寶靖諸府四川之酉陽石碚平茶諸司皆秦黔中郡
四川重慶府之彭水諸縣皆唐宋黔中郡其地則古
黔中之地其今名則不與貴州同居黔中之名是何
也常辰寶靖諸府酉陽石碚平茶諸司彭水諸縣各
在湖廣四川全境中猶未有三之一耳小不能以勝
大少不能以勝多湖廣四川不以其古屬黔中而曰

黔始亦猶貴州不以黎平古屬於楚而曰楚遵義古
屬於蜀而曰蜀平貴州自貴陽平越以上若安順大
定南籠諸府其地原非楚秦唐宋黔中之地其今名
則與思石銅黎鎮遠同居黔之名是何也畢節七星
橋西南有黑章水一名墨特川其下流爲烏江貴州
諸水中惟此水源流烏黑貫乎上下游然則貴州雖
祇半有古黔中之地偏長沿黔中之名而獨不改雖
半非古黔中之地亦並得黔中之名而若無別者以
水之烏黑而名黔省殆亦猶雲南以昆明池水之側

流而名滇省乎

永寧州考

謝庭薰

永寧州唐宋以前皆荒服元至元始建州在今治東南百六十里上三馬達安坡麓因名達安蠻語呼達安曰打罕遂相沿稱打罕元初屬順元路繼屬普定路末并於泗城州亦旋廢明洪武於打罕仍建州屬普定府尋屬普定衛衛東去今治百五十里洪武後徙治衛城避打罕之瘴癘也嗣是自衛來今治東三十七里關索嶺所頗便於控制世傳在宣德時又傳

永寧州志 卷十一

九

在嘉靖時初洪武二十五年置關索嶺守禦千戶所屬安莊衛或曰與所同治借所之地置州猶前借衛之地置州也或曰安莊衛所分駐關索嶺猶近日借地安營也然觀後日所官既廢凡所官舊管關索嶺左右之十二科莊不隸安莊而隸永寧可知永寧自來原有關索嶺置州並非借地也萬歷四年徙治於今治西七十里安南衛尋屬安順府當時永寧雖設梅子哨等處兵防無武弁彈壓安南雖設指揮使等官承襲無文員鎮撫迄天啟以永寧地濶州牧當有

專城躬親臨莅徙治歸於今治曰查城以其地多山
查也曰頂站就州治而論四境俱下惟城處於崇山
峻嶺之間舊爲赴滇驛站也就全黔而論惟亦宜
居上游上昔滇黔以盤江爲界驛站地形鎮守其
貴陽其腹永寧回頂也昔明代干戈之際秉政者
州城勢難獨守必資隣鎮互爲犄角故雖已有專城
而與安南衛同城之制未建更張明天啟時土酋安
邦彥反薛州長三桂往守安南崇禎時流寇孫可望
亂會州長吳撰亦往守安南是冠城必由永寧

州城躬親臨莅徙治歸於今治曰查城以其地多山
查也曰頂站就州治而論四境俱下惟城處於崇山
峻嶺之間舊爲赴滇驛站也就全黔而論惟亦宜
居上游上昔滇黔以盤江爲界驛站地形鎮守其
貴陽其腹永寧回頂也昔明代干戈之際秉政者
州城勢難獨守必資隣鎮互爲犄角故雖已有專城
而與安南衛同城之制未建更張明天啟時土酋安
邦彥反薛州長三桂往守安南崇禎時流寇孫可望
亂會州長吳撰亦往守安南是冠城必由永寧

流而已

德江考

盤江散見於滇黔粵西其在滇者若宜良廣西皆曰巴盤江若陸涼臨安阿迷寧州澂江師宗陽宗南寧皆曰盤江乃若曲靖之南盤江霑益之北盤江羅平之盤江則黔盤江之上流也其在粵西者則果化奉議田州皆曰南盤江泗城南寧之南盤江則黔盤江之下流也黔盤江在普安州安南縣之東永寧州之西兩岸陡絕一水湍駛既難架石亦難操舟明崇禎朝叅政朱家民冶鐵爲絙懸兩崖間覆以板東西各建樓堞是爲鐵鎖橋嗣是隨毀隨修頗踞赴滇要道

近改赴滇新道卽於是橋之上百里許設毛口西林渡則扼要不獨是橋矣前此唐之時普安安南永寧等處稱盤州卽以此盤江得名也又前此漢之時武侯平南中戰於是水之南有盤江諸葛營朱褒之反李恢追至盤江卽此也考黔盤江上流明史云烏撒府西有盤江出府西亂山中經府南爲可渡河入畢節衛界曲靖府北有白石江流合城南之瀟湘江又東南合左小江亦謂之南盤江下流環雲南澂江廣西三府之境至羅平州入貴州界霑益州北有北盤

江其上流卽貴州可渡河流入州境又東南流貴州安南衛羅平州東南有盤江下流貴州募役司通志云盤江源出烏撒可渡河可渡河東南流迤西木東汎有花魚洞水西來注之又南至龍塲汎有水自曲靖府界流來注之又南至安南縣東北有落白河自曲靖府界東流注之陳鼎滇黔紀遊云盤江源出烏撒苗境深山中冬日水涸始見其泉凡七十七處俱臨於一溪逶曲靖府經畢節而注於安南觀此則黔盤江之上流可見矣考黔盤江之下流通志云盤江

水又南至九盤山迤東至花江汎南有白水河得永寧州之關嶺灞陵橋水南流至鎮寧西而南合菜子河水至寧谷司又南合永豐州西北之打罕河南來注之又有拖長江自普安州沙泥巖東南流來注之又有卜者河軟橋河板橋河東南流注之又南籠府有都城河自安南縣界得江西坡水至高武汎西合馬畢河南流合魯溝河過普市合大坡哨水東過府南界而東流注之又南至永豐州西南而東南過泗城府入於粵達於海明史云泗城州西有南盤江自

貴州募役司流入下流爲南寧府之左江南寧府之宣化州西南有大江其上有二一爲南盤江經府城南曰右江觀此則黔盤江之下流可知矣明史云安順府西南有北盤江自雲南霑益州流人永寧州西有北盤江自普安州流入募役司東有北盤江與永寧州分界東南流南盤江自雲南羅平州來合焉頂營司西有盤江普安州東有盤江安南衛有北盤江自雲南霑益州流入又南入安順府界所稱盤江不同夫募役頂營之盤江卽永寧州所屬之盤江也卽

安順府西南所屬之盤江也卽普安州安南縣同有之盤江也蓋同一盤江安順府永寧州募役司頂營司錯居江之東普安州安南縣錯居江之西也如史所言普安州頂營司何以獨言盤江而不分南北盤江安順府永寧州募役司安南縣何以言北盤江而以南盤江雜於其間按募役司東爲耶公河受白水河灞陵等河之水而南注於盤江如史言東有北盤江流入南盤江是以耶公河爲北盤江又以永寧安南之所謂北盤江而爲南盤江然則永寧安南之盤

江果爲北盤江耶南盤江耶史於一盤江而何以有忽北忽南之說或倣滇之紀南盤江於曲靖紀北盤江於霑益而不知證之地形而多有不可解者矣且募役司地皆永寧州地何以言東有北盤江與永寧州分界耶正史固可爲張本而有可疑者亦安得不存疑耶黔書云盤江源出金沙江通志云廣輿圖以盤江爲牂柯江水出滇南小金沙江至威寧府界東南流爲可渡河有橋曰可渡橋山曰分水嶺威寧舊烏撒衛也明鄭氏曰予弭節西南抵烏撒普德歸驛

驛門對可渡河壞詢水所從候吏稱水在四百里注壑而出流爲盤江又曰越衛城北二百餘里有七星關河源芒部界濱城海子通水西境會可渡河爲盤江據今七星關水爲分水嶺所界東出烏江不注可渡又小金沙江一名北金沙江來至吐番由麗江府之塔城關入中國經鶴慶姚安武定東川至蜀之叙州府合岷江入東海與盤江之從粵以入於南海者源流迥異則鄭氏後說與黔書廣輿圖所載俱舛云

辯

牂柯江辯

謝庭薰

漢武帝元鼎六年置牂柯郡蓋因江以名之而江之名昉於楚頃襄王命將莊躋從沅水滅夜郎軍至且蘭有椽船牂柯處乃改名牂柯漢書云牂柯江足以行船漢武發夜郎精兵下牂柯同會番禺後世求牂柯之地而不得有指思南之巴江言者有指普安安南永寧之盤江言者有指定番之濛江言者有指獨山之都江言者有指黃平之重安江言者田儻軍雲

永寧州志

十五

云且蘭卽今之遵義夜郎卽今之桐梓牂柯城舊址在思南則牂柯之江當在思南而其椽船之處不在巴江必在印江蓋印江與湄灘接壤而湄灘則且蘭舊地也據此則軍至且蘭椽船於岸之說誠合矣通志云巴江水入四川涪水合岷江據此則巴江水不通粵而以發夜郎精兵下牂柯會番禺之說求之則又不合羅念菴云烏撒七星關水卽牂柯江源折流爲盤江經泗城州會番禺入海峯山子云盤江灘瀨險惡虛無人行至打罕

永寧始建州處

聯泗城界始可行舟

普安州志盤江入石穴

在永豐州壩壘寨入洞伏流三十里至隴計寨乃出昔

人用竹片數百書字其上投於水後人從泗城拾得故知盤江爲牂柯上游據此盤江水通粵矣而舟不能直達番禺通志云定番濛江源出濛潭流入破蠶至泗城通番禺明郭青螺嘗引漢書郡有牂柯江通番禺城下光武時牂柯大姓自牂柯江入貢之語以實之田撫軍雲云定番城南之水未聞有以舟楫行者當時大姓何以由此入貢據此則濛江水亦通粵矣而舟亦不能直達番禺古法樹杙兩岸貫以索憑

永寧州志

卷二 藝文上

六

索曳舟橫渡是爲杙戩華陽國志云牂柯者繫船杙也一統志云貴筑貴定清平甕安平越黃平皆且蘭地據此則且蘭不止遵義今獨黃平州之重安江爲存杙戩古制諸書雖未以重安江爲牂柯江而父老之往往指牂柯江爲重安江者亦非無因但通志云重安江水歸楚則舟又不能直達番禺都江與盤江濛江各去且蘭數百里今以軍至且蘭楸船於岸之說求之殊不可解然都江水之通粵者同於盤江濛江而異於巴江重安江船之自三脚望直達番禺者

概異於盤江濛江巴江重安江梧州志云城南大江漢武使馳義侯發夜郎兵下牂柯江卽此田撫軍牂柯江考旣指巴江爲牂柯江紫池考又旁引梧州江卽牂柯江之語則是兩存其說然而都江下流與梧州等江相會漢武發兵如果下梧州江未必不先下都江此張制軍所以志獨山都江而曰漢武發夜郎精兵下牂柯江同會番禺卽此也

關索嶺辯

謝庭薰

查城東行三十七里其山之橫亘最長壁立天半者

永寧州志

卷二 藝文二

十七

曰關索嶺黔中赴滇由山麓灞陵橋循山半馬跑泉羊腸鳥道凡四十三盤而後達於關關建樓有額我皇祖仁皇帝題曰滇黔鎖鑰謂其非獨一邑雄關也然昔人命名之義又非徒以雄關言者一統志首云將軍漢前將軍羽之子建興初隸丞相亮南征恩信孚茲土世祀之此關索之所以廟食於是嶺而是嶺之所以因名關索者其說採之明胡寶關索廟記貴州新舊通志遂因之以註關索嶺而自明來咏關索嶺詩人如許纘曾輩亦往往本此杼懷也一統志次云壯

繆二子曰平曰興平及臨沮之難興爲漢侍中有父
風武侯愛之征討必從傳志可考無名索者豈帥音
與方伯連率之率通當時呼關帥訛爲索耶其說同
於黔書關索嶺辯然古蹟志載安南有關索飲馬池
思南有關索城威寧有關索鎮關索插鎗巖明史載
馬龍州江川縣平越州有關索嶺三卽黔書附說尋
甸州晉寧州亦有關索嶺二永寧人或偶呼之訛矣
豈滇黔在在呼之訛耶王實甫三國演義毛宗崗三
國志評謝肇淛演畧未知據何裨史皆載有關索陳

壽三國志不知先何以未載有索近世如吳中蕃關
索嶺歌平興之外索無聞掛漏坐令疑壽史獨因陳
壽而以爲千古疑案抑又何耶若夫黔書附說有云
古者設險以詰奸山之高者必有關吏守之車輿貨
物過關者置索挽之故名關索嶺果爾則凡關皆有
索矣凡關皆宜以關索名矣何以關索嶺之有專名
耶一云設關之初祀關聖以鎮苗蠻非關帝外別有
關索也果爾則但云關廟可矣亦但云關嶺可矣何
以必云關索耶

論

馬跑泉論

謝庭薰

曩余赴都過荊州尋關聖遺跡掇刀石則猶是也而馬跑泉已涸矣茲來永寧道經關索嶺之半山飲馬跑泉其流清其味甘也一統志云俗傳馬跑泉出故名蓋統同舉似而莫指其爲誰之馬跑者通志云索統兵至此渴甚馬蹄跑地出泉於戲其真索之宛有父風故關聖之馬曾於荊州跑地出泉而索之馬亦於此跑地出泉耶當年事之有無余誠不能知余竊

永寧州志

卷十一

藝文上

十九

思武侯輔漢欲北伐以定中原先平南中以除肘腋之患非索之繼父忠勇誰與同心戮力者以此而感天地動鬼神當戎馬饑渴之際茲山忽效靈而涌泉以濟索之軍旅亦猶楚山之效靈而忽涌泉以濟關聖之軍旅其父與子之精誠同其父與子之感召亦同宜爲理之所有黔書謂馬跑泉之說皆妄以成妄不知關索嶺之到今不涸者不足信彼掇刀石前之旱涸者尙足信耶抑余更有慨者此泉之旁不數武而別出啞泉飲之能令人啞咫尺之間淑慝迥異其

又何說焉余嘗就三國而論蜀統正矣而魏吳偏與
之爭就萬世而論孔道正矣而二氏偏與之敵於戲
古今來有陽卽不能無陰者其卽如此泉也與

碑記

漢關將軍廟碑記

明胡寶安莊
舉人同知

按將軍舊傳漢前將軍羽之子忠勇有父風建興初
隸丞相亮南征遣戢畧諸要害恩信孚茲土世祀之
國初通道都督馬公躋是嶺有祠奉木書漢將關索
公曰圯哉何目繫西南世思遂令加葺具軍禮事祀
疏上肇置守禦所名稱坐是不易廟貌血食亦惟無
斲繫將軍之靈哉繫我朝設險守固詎適然也哉夫
禮失求諸野史闕訪諸俗俗起以義者禮也野亭於

同者史也况將軍父子戮力劉氏間關忠憤繼之以
死古所謂以死勤事以勞定國非歟雖秩祀西南固
宜百餘年來居人雨暘兵疫必日告曰惟有徵弗靖
者悔禍惟日有神嗚呼此非有功德於民者與維永
永祀茲土亦宜正統時麓川夷拒順靖遠僉王公師
行以告凱旋命所人拓其祠字母仍陋是故有感之
者昨戊子武定夷亦拒順旋復殄平大司馬秋月伍
公歸登詩帛告成事曰繫所人其亟圖諸石誌先烈
無墜辛卯八月碑始成大夫士與有勞焉適侍御松

崖郭公至命寶瓊寶載文從士請也夫崇勵忠順
人望日昭禮典休哉君子之心之德寶何說之辭然
亦罔敢目不典誣神嗚呼將軍不朽者其在茲乎既
爲記廼賦樂詩俾所人時祀以歌詩曰將軍烈烈匡
劉炎血忱膂力秉塞淵祖宗四百一髮懸咄彼逆黨
讎所天不歸孟德歸孫權渠能守死節靡捐父子忠
勇將軍全丞相義聲將軍先躍馬奮戈如龍騫奪隘
破關功無全險哉此嶺襟喉滇指屠不殺弭腥膻去
思血食年復年至今人記馬跑泉皇明通道偃櫜韃

馬公祝册昭雲軒帝命法庇西南邊西南久思兮息
肩翁姥舞拜神無言颯颯靈風來靈筵擊神鼓兮差
牲牲菁茅酌兮靜無諠山草依兮山花然願麗神保
人罔愆威恩靈雨消蠻煙

鐵橋碑記

崇禎
進士
沈翹楚

盤江鐵橋總憲同人朱公所構也其地一江奔流兩
山斷岸水深無底爲滇黔天地之界日用小舟艤渡
水湍瀉激舟輒壞人墮溺水搏薄之而去輒爲魚龍得
每日必有所傷計古今傷人不可指數安賊之亂朱

公率千兵逼滇道四面賊兵遮逼數萬騎公夜渡倉卒幾溺旣濟指水而誓曰孔明有瀾江鐵橋此渡非鐵橋不可吾不能爲鐵橋者以吾身殉旣而以公力迭掃寇孽滇道復通謀所以構橋者費不貲或勸捐助不能十之三公出宦來所積畢捐以供役經始於崇禎元年至三年終事字闕制之堅緻工之妙巧見之刻勒歌咏有飛虹字闕之句而公以示沈子沈子蹶然色動曰壯哉非常之原黎民懼焉造化有憾人力補之此孔道也藉此安人不朽矣吾想夫春晴雨

霽層峯鎖翠騷人臨眺僕夫車馬繚繚而行空人冉冉而駕鵲至於楛矢東來銅錐橫鶯笳吹草青饒歌月白所以解驂而按轡者謂朱公之功至於是吾又想夫秋高木落水深石出長江一瀉危濤萬狀飛鳥驚而翕翼猿猱愁其攀援誰當蹇蹇無患擊楫中流不向龍領定歸魚腹所以生死而肉骨者謂朱公之德至於是公之利人巨哉朱公聞之謂王大將軍曰吾此舉非爲利人也吾憶昔率千兵夜渡幾不免臣子死於敵應也死於不測之淵泯泯以歿吾至今心

悻所以發願解此詭語次泣然如欲下淚大將軍以告沈子曰朱公仁人也人與我一體耳以我分人則小卽與人而不失其救我則大堯舜之病禹稷之已溺已饑孔孟不忍人之心皇皇汲汲直於天下自見其身而自補其心之缺陷故仁覆無外朱公切身受病發願窺窺艾自灸作此功德安知爲人且病定之後如病現前使人無病我心猶憾是念也豈止利涉一方所以治亂持危弘濟天下者皆如此橋也

重修盤江鐵橋碑記

康熙四年
雲貴總督
卞三元
奉天
舉人

盤江之源出烏撒繞曲靖西導七星關而下安南境爲入滇渡處兩山夾峙類巨靈壁之以界滇黔者也兩崖中絕壁立如削江水注之淵澄而湍激比險於瞿塘灑堆雖差狹其濤瀧湏洞不可嚮邇魚鱉弗窺蛟龍弗宮鯨鱷怪物弗能遊是以方舟無功用楫無力雖忠信如梁之艾莫敢涉也顧盤江之外滇實宅焉茲爲黔唇齒輔車之阨若之何其隘而不可渡也前方伯朱公家民頗出竒思乃錘鐵以爲緝鑿崖以爲椽亘兩壁而貫之緝以板其爲緝也其爲板也如

其度蓋亦棧之類橋者名曰鐵鎖橋始通道云卽莊
躡以下曾未及此不知當日何以飛渡而迄今有之
抑亦海內之奇制也歟第鐵之性也剛絙之性也弱
橫亘幾十澮其中自弗能強矣行其上者足左右下
絙輒因之升降而板則或起或伏欹躍吶軋人之體
亦與之搖撼不能自持如乘巨浪之艇如履將泮之
水鮮不掉眩而寒栗者且眠前者陟岸而後者始登
不則相躡而愈震殆欲前欲却俱不可得危孰甚焉
况萬騎萬卒之過邁乎我

大清削平海內拓土暨滇而疆場猶未盡靖恒遣禁旅
更班彈壓歲運數百萬金錢以供芻糗月類至焉此
外飛章羽檄及他遞郵絡繹不絕而昔之七絙今爲
寇燬者二則力益弱而度益危人胥患之督憲趙公
統攝二省大政嘗往來於曲靖安順間歲數道此橋
乃熟習形勢則謀於予曰盍亟圖而新之予拜手曰
可於是營諸鐵索之次鼎建輿梁焉石之不可而取
諸木廼命官督丁役採於山得巨材二百二十八株
排連之使卧於兩岸臨水復鎮之以巨石柱之以勁

幹各層累而加率如之凡登序出焉咸鑄其本加固
及兩木之末不接者僅三十有四尺選材可六丈者
矩之以交其上而彌縫之楹者爲檻疇者爲屋兀者
爲門無不宜焉於是乎騰未雲之龍駕未雨之虹矣
則與古之鐵索並存於險阻之間雖踵事增華神明
其物不可謂非奇思軼出者也視故橋之用則可以
雁序而前可以魚貫而越可以方軌聯鑣攜笈荷擔
千萬人逐隊建燠而坦行且不知有山水之厲寧知
有風搖電掣之驚乎於戲水土之窮前人濟之以金

今也繼之以木五行之利溥矣哉是役也授畧於總
督趙公諱廷臣濟其用者藩司顏欽糧道王廷弼程
其工者安順司李沈璣永寧刺史徐國維董其役者
盤江遊擊王官姚有智安南守備程璧余則贊成之
而已工役之值則取諸關稅三閱月而就之以爲勞
費俾由滇黔者自今無恐公私賴之僉曰趙公濟川
之功哉

關嶺漢將軍碑記

康熙二年
按察使司彭而述

鄧州
進士

自黔入滇蜿蜒程嶢嶠彌望皆山車馬多行隙中獨安

順迤西當胸而立巨壘雲起則嶺名嶺從關將軍索
得名將軍而前不可考也余於順治十七年庚子山
澗藩逾此陟將軍祠拜焉閱四年甲辰復以黔臬至
則威清使者陳公新其宇丐余文碑其事且言曰此
前制府趙公意也余竊往讀史傳漢前將軍赫赫矣
今天下方州僻壤塗盛肥踞幾與有國者之祀社稷
城郭之有孔廟等今將軍名索漢前將軍子其軼事
不少慨見荊州之役旣已父子殉難無以名索者史
失其名歟且中原徐泗宛鄧之間爲前將軍百戰之
地何以竟無將軍在也旣而思之將軍父子所事者
劉氏耳南郡之後劉氏旣西將軍隨之黔志稱建興
之始將軍從諸葛丞相南征將軍先驅拔山通道爲
此嶺開先宜血食於此古之名山大川率有神人居
之將軍戮力王事焄蒿悽愴與山川相爲不朽豈顧
問哉爾時中原鼎沸爲西南一隅將用蜀以用天下
以延火德之基若使雍闓之亂不止則蜀中震動夔
斜以東不敢問矣孔明先南中而後乃有事於中原
饒有深意將軍之心與孔明同此嶺之所以傳將軍

與將軍之所以常有此嶺非偶然矣或者曰孔明舍
荊州不問稱戈瘴毒之鄉與鱗介爭雌雄迨擒縱既
成而力亦憊矣安能復問高光之問乎此大不然譬
之千金之子方有事於強隣怨家而垣墻之內乃有
伺窺篋篋厝火於積薪之上者此之不除禍豈在遠
孔明之先克南中亦猶是也然則天下之嶺多矣而
此嶺獨以將軍傳何歟曰此人心之不忘劉氏也今
山半有欲馬泉有關帝像此又因將軍而思及帝者
也帝始終爲劉將軍亦始終爲劉成都雖去後主雖

湮沒不傳而人心之帝與人心之將軍亦可証也此
關索之名後天地而不朽賴是歟先是孫氏竊據黔
涪千有六年大師西征惟此嶺成最嚴迨我師直搗
而風靡今緬甸車里南交奉正朔恐後車書一統此
嶺實先之何莫非將軍之靈哉按是祠之建肇前代
通道都督馬公置守禦所正統麓川之役靖遠王公
招之及大司馬松月伍公登詩告成祠之起皆以邊
陲有警行師克振今

國朝膺命滇黔職方開於十五年之後總制趙公按順

圖考祠典飭榷榭而蘋藻之國之大事在祀與戎其知之矣

永寧州新建學宮碑記

康熙己雷有成宛平知州牧監生

永寧州之有學自今 大中丞宛平王公之所特疏

題請欽承

俞旨而勅設者也 公以珥貂貴介剔釐中外所至著績

爲

聖主之所倚毘眷注彌深爰膺重寄來撫黔疆夫黔古荒

服誌稱山川險惡漢夷雜處其於調劑制防弛張措

永寧州志

卷十一

三十一

置務俾民人輯和桴鼓綏靜視諸夏爲尤難凡所謂

振輯師旅詰奸禁暴與夫訓農務材通商惠工諸大

政宜未易殫舉而公奉

命蒞黔之始均置後圖次第修釐獨首以是疏入告豈

非以教化入人者深而以興起人心爲亟亟哉於是

黔之舊有州縣而附考他庠者新改州縣而原未設

學者凡十六州縣衛建表率於師儒增生徒之舊額

而又勅建學宮不費

朝廷公帑倡捐已俸命各屬估計物料鳩工庀材擇期

興築靡敢後時永寧州則其一也維時有成承乏茲土未及半載實董是役遂召州屬紳衿土司相與度地下基得城之東北隅亥山已向兼壬丙三分辛亥辛巳分金坐室九度厥位面陽厥基塹壞東西延廣南北縱橫步得官道至戟門十三丈面濶十丈自戟門至大殿後結牆二十八丈面濶二十一丈左列長生名宦鄉賢祠三間右列學署二層俱在內地基共計十二畝營造尺較准寬平方正實足以妥

先聖而肅觀瞻鍾地靈而孕英秀爰集工師規尋繩尺

是究是度程工量費約估工料銀三百四十兩申詳院司無少核減全領到州卽以二百兩分給募役司致仕土官禮廷試以五十兩分給頂營司土官羅譽以五十兩分給沙營司撫孤代理土官事沙天池各爲僱募工匠人夫以所剩四十兩留備修築周圍墻垣及刊泐碑記之費焉大成殿五間大成門三間面拱泮池石甃其裏圍橋覆上戟門臨前照壁諸外則皆禮土官之所承建也

啟聖殿三間學署六間則皆羅土官之所承建也明倫

堂三間東西兩廡六間則皆沙土官之所承建也更
有若學署頭門照壁兩旁側門一不備則失其宜此
規制之必不可缺者又若學前左右民居逼塞觀瞻
有礙一不去則美不章此鄙陋之必不可存者又若
周圍內外墻垣一百七十餘丈原報土築難免風雨
剝落坐見頽廢此歷時之必不可久者是皆原報之
所未及余雖不敏仰體

聖天子右文敷化嘉惠遐荒之厚澤大中丞暨各憲宣揚
風化扶樹教道之宏仁敢不勉力竭蹶捐資以勳盛

事乎於是不可缺者建造學署頭門照壁兩傍側門
以備其規而完其制焉不可存者學前民房九間官
店一座地基原係貢生周維新周開新昆季祖業願
捐作學地向係客民李存旭楊可春江朝宗王君瑞
借居余另擇別地爲四戶修造使之安處於以去陋
而廓其規焉不能久者採石周砌其繩則直如矢斯
棘高堅厚實以圖其遠而垂諸久焉而又同城文武
紳衿士庶合志同方量力多寡公捐勸建長生名宦
鄉賢祠三間另銘諸石以俟將來君子吏斯土生是

州者奮然興起望繼承於無窮也又於 學宮之外
另立義學一所延師以廣其教使子弟皆觀感而鼓
舞焉規模既定工役斯興查城諸籌實產良材是爲
徂徠新甫之區也列峯攢峙石磴旁分是更匠石之
所易取而易求者也由是尋之度之采之伐之遷之
聚之溜之甃之堂構而丹雘之歷歲踰時而落成焉
棟宇軒翔簷阿華翥輪奐聿昭文明丕兆洵查城之
巨麗而是以冠冕黔州諸學者與是役也余與儒學
陳諱潢暨捕廳沈諱濟生者日歷工所監督修造釐

工於康熙己卯年五月訖於康熙辛巳年八月費皆
出於大中丞之倡捐已俸其勤事則募役司之力居
多而頂營沙營其勤亦同也要之木營私用一民之
力私用一民之材余惟奉行各憲之成命竭力以告
無過而已遑敢自謂有功乎哉余因是而有感焉夫
學校之建凡以講明人倫興起道藝孝弟齒讓之節
行於家使化成於上而俗美於下育材成德儲英養
賢

國家鄉舉里選弓旌束帛之責於是乎取之今

天子敬德日新聖神詣極文謨武烈超軼往國雖幽閩婦女草野鄙夫靡不蒸蒸向化有頑廉懦立之思焉況其爲采芹采藻入宮牆而被服儒教者哉黔雖荒徼是宜共勵前修懋勤典學以仰副

聖天子嘉會遐荒之厚澤大中丞暨各憲扶樹教道之宏仁英賢繼起爲

國棟樑則余實有厚望焉苟徒曰是不過當時故事聊以爲具文飾觀美充弟子員數而已則豈惟二三子之差抑亦敎學者之憂也因援筆而爲之記

永寧州志

卷二

三

改修永寧學碑記

謝庭薰

查城天荒甫破於元其無學也固無足怪明何以有衛乃有學而堂堂州治竟限於例雖以賢牧如張公融等爲之經畫皆未籌及學校耶

國初文教遐宣不過權附學安南云爾康熙丙子劉州長鴻誥九明經周維新等之請毅然申請設學蓋其所以仰體 朝廷殷殷作人者意深遠矣越三載己卯王撫軍燕繼田撫軍雯同麻哈等邑疏題一時黔中文明大敞而又以俸廉三百四十金捐來締造查

城人之祀王撫軍於學也宜哉雷州長有成命副車
吳君爵揀地北城外古營盤坡麓構成原爲南向頗
得四山遠勢又九載甘州長國垓議改西向未果雍
正壬子巽序毀陳州長嘉會劉州長世恩王州長遂
相繼倡修至乾隆丙辰工竣而州貳周君元豐及諸
生周杞周純張涵陳士域等之力居多辛巳又毀邱
州長昌齡卒從衆改西向嗣是歌鹿鳴題雁塔者乃
在本邑之人世謂改向之徵驗理或然與惟是率作
迭經數手未免遲遲若有待者蓋在卽州長時僅造

崇聖祠大成殿兩廡大成門之石基而已又六載然
後大成殿兩廡大成門乃成於王州長鑿之手焉又
十月然後崇聖祠乃成於正學李君肇基之手焉又
五載壬辰冬月朔三日薰萊踐任詔見一切未備殿
後卽爲往坡貢大道正學署逼處大成門之前薰惕
然曰 國家造就人才必賴聖道昌明而昌明聖道
必賴庠序嚴整似此景象吾能一日安哉訪從前首
士若明經吳擢等廩膳藍士林郭永琮等亦何嘗不
盡心而欲區成哉又四十日李君肇基自省旋早夜

商定又五日申州長贊皇來署篆中公坦白

黨與靡

基言得入公遂捐俸十金爲之倡首羣工聿興他學有所締造但患無費而已此地更患料與匠遠取遠成之難又八月任州長鎮及又重來署篆黨與壁基言仍得入公仍捐俸十金銳意調劑凡在事者精研舉爲之一振然從學署移而前勢開矣石牆圍而大道改矣樞星門禮門義路泮池左右石道明倫堂亦漸興事又四月蕭州長梅年來署篆捐俸錢增土資犒各匠屢有事於鼓勵又一載善州長泰來署篆羣

永寧州志

卷二 藝文上

五

工頗成十之九卜吉恭懸

三朝御匾公乃捐俸十金製大成殿崇聖祠神帳以昭其潔以作其肅又一載王公澗來署篆羣工告成是役也首事羅岱朱統唐思敬張廷藻徐溶饒政嚴克寬姜德本聶元模吳志愷郭永恭周鼎錢萬年卜永康吳純江智遠王天元王天佑陸聯璧聶元佐周元楷皆與有力而踴躍則王必榮爲最云

關嶺新開河渠碑記

康熙五十

年巡撫 劉蔭樞

韓城進士

關嶺險峻地嶺西半坡設立驛站安歇行旅山高

水深地運爲艱關人苦之有即岱河者發源安順距
邇八十餘里至永寧州頂營司浸入地坑散漫四出
昔之人曾有議開河渠者爲土官格阻而止王牧抵
任親歷山溪訪求原委謀之士官羅嵩忻然樂從因
偕衆文武僚屬捐俸二百金修平地坑開道引渠直
流至關匯而爲池人馬沾足關之上楊家寨至大地
莊灌田四百餘畝關之下至戴簾溝灌田三百餘畝
誠地方利益事也王牧心切民瘼因可嘉獎而羅土
官之樂與爲胥衆文武仗義輸金俱有足稱者其水

道里數其事姓名捐金數目勒之於石以垂不朽倘
有損壞卽行修理敢有起異論倡邪說因撓廢壞者
卽行申報懲治使關人永沾利澤毋忽

重修灞陵橋碑記

黃培杰

距關嶺東八里有河曰灞陵河通滇要道水湍急不
可以設渡往來行旅咸病涉馬昔人建橋其上因以
河名橋曰灞陵橋不知創自何年橋東西偏各植黃
菓樹一盤根錯節於橋之上大數圍矯若虬龍不可
名狀蓋千百年物矣樹託生於橋而橋因之以增重

攬勝者以騎橋雙樹爲查城八景之一游人憇其下
往往流連而不忍去丙戌夏風雨大作橋右之樹倒
於河而橋遂傾其半迄今十載石益脫落不治則勢
必全圯而橋左之樹不可保將千百年之物漂流於
一旦而往來行旅之病涉者不可勝言矣乙未首夏
余蒞是邦關嶺千戶程君攀龍爲余言余心誌之嗣
因公過其地偕紳士楊君茂材修君武謨等往勘之
見夫紛披者樹衝激者水而斯橋之半岌岌而僅存
因慨然於斯工之不容少緩也爰捐廉以倡並勸諸

紳士各助資焉仲秋吉日鳩工經營閱十一月而竣
事計用銀九百餘兩將以捐資姓氏鑄諸石請余記
其事余曰雨畢除道水涸成梁有司之職也顧程二
鉅而費不貲假使此邦人士無急公慕義之心則將
坐視斯橋之圯而莫之救即使牧斯土者心殷利濟
亦徒嘆獨力之難成耳就令請帑興修而文牘往
來動經歲月保無山水暴漲千百年之樹尚有存焉
者乎乃人之欲善誰不如我一經余之勸率而上日
薦紳下迄衆庶莫不踴躍輸將工成不日豈非有司

之幸哉豈非斯橋斯樹之幸哉

重修 文廟碑記

黃培杰

永寧之設州也始於元憲宗時迄乎有明州治屢遷始而打罕而關嶺而安南衛俱以附學安南故因陋就簡一切制度典章闕如也我

朝順治十六年移州治於查城驛康熙三十八年巡撫王公諱燕始題設州學捐俸三百四十金倡修學宮時副貢吳君爵者善相地下基於城之東北隅用亥巳向州牧雷君有成監工營造州於是始有學校

永寧州志

卷二

藝文上

美

厥後雍正十年毀州牧陳君嘉會劉君世恩王君遂相繼興修乾隆二十六年又毀州牧郭君昌齡重修改西向嘉慶二年南籠逆苗蔓延州被圍復興於五十六年紳士修武謨羅運昌郭廷淑等倡議復建州牧金君灃勘定舊址仍用亥巳向願以資用不足迄無成功道光乙未首夏余奉

命牧是邦下車謁廟竊維學校之設所以明倫闢教化而係人心爲政之要莫先乎此爰進諸紳士而告之曰永寧爲滇黔孔道漢苗雜處向非聖人之教涵濡漸

摩其何以移易風俗變而爲聲名文物之邦哉今者
黷序規模廢壞日久祭菜之典未昭采芹之雅不作
安所謂敬教勸學乎諸君其協志襄事富者蠲資貧
者効力購材遴匠經營作新俾蚩蚩之民咸有所觀
感而興起焉是則司牧所厚望也諸君其毋辭於是
諸紳士咸相勸勉各出資力以相助鳩工庀材百役
俱作中爲大成殿旁列四配十哲暨兩廡先賢先儒
各設名位前爲大成門後爲啟聖祠右偏爲明倫堂
學署以及鄉賢名宦諸祠齋舍講貫之所次第修舉

砌墻垣鑿泮池華榱藻榦綵椽覆瓦丹雘金碧焜耀
鮮明士民觀瞻莫不欣說經始於乙未季夏迄丙申
十月 竣謹以捐資姓名備書泮右昭示來許迺復
進弟子員而告之曰余讀田中丞山水記云山莫大
於鷄背關嶺水莫迅於盤江夫地靈則人傑此邦士
庶類多聰明而俊秀非其所稟獨厚歟顧稟之既厚
而不充之以學問澤之以詩書則無以涵養其性情
而歸於純粹吾人讀聖賢書當學聖賢之所學夫聖
賢之學非有難知難能之事也孝弟忠信禮義廉恥

以修其身而求師取友頌詩讀書以窮事物之理而已聖人之教弟子曰女爲君子儒無爲小人儒程子釋其義曰君子儒爲己小人儒爲人夫人孰不樂爲君子哉顧或昧於天人理欲之辨工於利害得喪之計迫於俯仰衣食之資動於紛華靡麗之念以至挾冊讀書不求爲經世有用之學而專務乎詞章訓詁之間以干祿利謀溫飽而志趣遂日流汙下而不自知於虛此所以道無古今之殊而學有今古之異也爲士子者誠能修身窮理競勸以古昔聖賢垂世立

教之旨而於君子小人出入之界辨之明而守之力嚴於始而要於終在家克敦孝友立朝無愧忠良詎不足爲山川生色也哉我朝德化覃敷遠軼前代永寧設學百餘年以來絃誦彬彬俎豆莘莘人文煥然矣多士生逢其盛宜何如砥勵廉隅力敦儒行以仰

聖天子作育之至意乎

新修龍神廟涼亭碑記

黃培杰

距城東里許有杉木洞焉巖石磊砢邃洞豁豁一泓
迸出清清冷冷甘若醴泉上建龍神廟不知創自何
時石屋一間規制極陋水旱呼籲咸禱於斯廟前有
涼亭一座爲官民踞拜地道光四年州牧胡君惠瑛
許君華銑吏目趙君成彥捐資建閣歲旣久日漸頽
圯余莅任謁廟慨然有修廢舉墜之志顧下車伊始
政務殷繁未暇及也者老爲予述龍神之靈曰昔年
某州長爲民祈雨屢禱罔應守府學博竭誠設壇五
日後大雨經旬枯苗復生予竦聽之怦然有動於心
夫天生民而立之君承以大夫師長不惟逸豫惟以
亂民州牧奉

天子命守斯土數百里之內之民莫不以父母師保尊之
非徒隆其禮也民之身家性命所關甚鉅也官能措
循其民恫瘝在念神有不鑿之者乎官不能拊循其
民倉卒籲請神有不吐之者乎乙未六月下旬淫雨
連朝禾苗湮沒閏月九日余率士民祈晴次日則陰
霾全消杲杲出口矣繼而昔旱七月四日又率士民

虔誠步禱三日卽大雨如注丙申二月下旬又旱農
田龜坼禾苗就槁三月五日率士民祈之次日得雨
苗有生意而田水猶未足也十六日復率士民祈之
越二日雨澤滂沱四野霑足兩載以來年穀順成家
給人足四境安堵嗚呼豈非神之靈哉豈非士民之
福哉不然余承乏斯土愧無善政以及民其何能俾
邀神惠有禱輒應若斯耶夫敬恭神明有司之職也
神能佑吾民而不能有所表建以仰答神庥不足爲
士民勸因擇日命匠葺治涼亭以昭神貺並書匾額
應如此

新設義倉碑記

黃培杰

攷周禮救荒之策莫重於積貯誠以積貯者生民之大命水旱災歉之所關也自朱子設社倉之制歷代踵行郡邑皆有義倉豐年勸民捐粟擇鄉里之誠實者司之歲歉則貸之於民蓋最爲濟民之良法焉顧或有疑之者謂豐年捐粟之人富者爲首歉年貸粟之人貧者居多是損富益貧於富民爲未便不知貧民者富民之所恃以爲耕鑿以爲貿遷以爲守禦者也向使世無貧民必無以安富民矣卽富民不能不

自爲耕鑿自爲貿遷自爲守禦矣且傳有之富者怨之招也如不預爲貧民計則荒歉之歲嗷嗷待哺果能束其手足聽富者之安坐而食乎抑不能束其手足聽富者之安坐而食乎然則義倉之立不獨爲貧民慮正以爲富民籌也永寧山多田少漢苗雜處尤不可以無備余莅任後勸諸紳士設義倉五間於學宮之側捐廉百兩買穀貯之孝廉修武謨貢生羅運昌生員張紹本萬春芳等相繼捐輸其得穀一千二百石又撥募役司白墳田本城鄧凱田北口庄田葉

姓田共四坊爲義倉田每歲出租穀一百六十餘石以增益之酌定章程十條飭首士修武謨羅宏科張紹本龍天培等司出入官與紳民互糾之俾可久遠至義倉之制向俱稱貸於民春借秋還茲則定以歉歲平糴實因地制宜量爲變通非敢戾於古也伏冀後之董事者實心奉行所積彌多所及彌廣世世利賴司牧有厚望焉抑余更有願者義倉設於州城每遇凶歲附近之民誠便矣其如四鄉之遠者何夫樂善之心人所同具倘四方殷實之家其相勸勉出資協助倣州城制各設義倉於其地使貧民無流離轉徙之苦而富民亦得資其力以爲守望之助豈不長保富哉是爲記

新修舊魚塘瀦水碑記

黃培杰

學官甬壁外有方塘畝許昔人養魚其中建義學房於坎上雍正十年義學房燬塘遂堙余莅任見州治山多而地高又無池沼以瀦水故望城坡杉木洞諸泉皆漫流於田野間而居民汲飲者咸梘以杓盛以桶需時而後盈取之之艱若此時逢暵旱風高燥烈脫有火患如杯水何因嘆昔人之鑿塘非爲養魚計蓋有深意焉夫事必有備而後無患余輯州志耆老言嘉慶元年道光六年州人不戒於火兩次被災皆

多至二三百戶生員羅運泰運貴貢生羅運昌等各煮食以濟州民獲安嗟嗟此雖天降之災何莫非人事之有未盡耶不然胡爲炎炎莫遏至於斯極耶夫前事之不忘後事之師也余不能思患豫防以爲閭閻計余心其何能自安哉於是偕羅君運昌相魚塘舊址疏濬之甃以石引東關之水而瀦之坎上築短垣設門以爲防閑命之曰舊魚塘羅君素好善慨然出資經營其事又囑龍君天培張君紹本等築溝於學宮之右引後山之泉達之於泮池置木桶鐵鉢以

爲救火具今而後兩水貫注澄澗滿池庶可以備不虞矣客有精堪輿者曰是舉也不惟備不虞且可培風水蓋查城衆山環繞形勢美矣而水不聚是有骨體而無血脉也今則泉流潑澗元武湊合得生氣以養之於學校大有益夫堪輿之術余所未諳然盈利後進左右逢原都人士具此活潑之機勉爲有本之學雍容涵養積厚流光其所造就又何可限量乎哉是爲記

維風書院碑記

修武謨

永寧設學初年教養規模諸多未備雍正時州尊陳公虛亭改舊倉爲學館集諸生訓課其中額其堂曰維風書院一時人材輩出進士吳公鑑齋孝廉李公伯華其首選也越四十年邑廩生周東山請設義學於本城大街以沿書院之舊不數年義學燬書院之名後鮮知者嘉慶癸酉武備張樹堂肄業貴山一日樹堂喟然曰永寧如有書院吾弟兄當不至遠離老親若此異日能圖其事某願以二百金助甲戌歸暨

永寧州志卷二藝文上

四

議未就戊寅夏六月李州尊下車伊始首詢學校以樹堂願修書院之言請州尊甚臆之囑著學師王公諱希曾者與州人士議州前輩王維岳羅熾菴鄧養善鄧春洲郭金約甘固菴蕭琅圃侯小疆李松齋鄭廷芳修明允共任厥事甫數月講堂山斗堂次第建立州尊李題額曰鹿洞肇興後以樂輸不繼工暫止道光元年冬十月州尊劉曉村夫子來署篆捐廉倡首重議書院之役朞月政通人和關嶺首上彭秀南王崇素楊讓泉姜仁圃姜念菴王美士豐廷撰諸

先生議置學庄以資膏火又有繁花陳公板樂王公慷慨好義邑明經易韞輝黃純菴兩夫子鼎力勸捐而始終經營不辭勞瘁者則龍君蒼衢張樹堂胞兄培菴家堂兄孔章之力爲最二年曉村夫子親爲主講每月朔望偕學博金莘田陳萃齋兩先生爲生童背書講貫觀者如堵學憲錢伯瑜大人觀風至永特贈匾聯匾曰鳴琴餘韻聯曰格致誠正修齊知所先則近道孝弟謹信親愛行有餘以學文永寧州學加額之議卽自此始厥後州尊胡經理學業保全士類

永寧州志 卷十 藝文上

四

歷任州尊相沿延師訓課而州尊許自揭清俸添筆資置號棹雅意作育更爲諄摯庚寅曉村先生榮擢仁懷司馬懷紳士延武主講雙城書院歲終州父老以書召歸伴讀維風書院兩丁母艱瞬經五載乙未夏四月我植圃州尊大人蒞止此邦重修聖宮設義學置義田實政實心百廢具舉而請加學額尤其嘉會士林者也武贊勳厥事不遑啟處植圃先生自主講席親以經學勵後進因之遍觀書院墻垣尚需築壘書舍亟宜補修急囑龍蒼衢黃象三姚昆圃

與諸首士籌議而修理之又復纂修州志刊板院中
以爲永寧不朽業工竣命武武 歷叙顛末伏惟

聖朝文治光昭邁越前古書院之設幾遍天下如省垣之
貴山書院安順之習安書院大都因地命名我永寧
創建書院賢州尊獨以維風名額則固有說康熙初
州始設學人情半皆古處數十年後風氣漸開願多
士讀書稽古務本崇實力挽後世浮薄之弊此維風
之一說也抑永寧古稱頂站地險山高其風勁其性
剛吾人歌風肄雅以詩書之澤化僑野之習中田農

永寧州志

卷十

藝文上

四

夫烝爲髦士此維風之又一說也管子有言曰禮義
廉恥國之四維是說也未知於維風之義果有當否
但使爲師者以是爲教爲弟子以是爲學行見四民
之中薰陶濡染羣知禮義廉恥之足尚以美教化以
成風俗其所係豈淺鮮哉不然先文藝後器識學術
偶誤人心風俗有卽於衰靡而不可知者又何風之
能維武武 竊聞之范文正公爲秀才時便以天下爲已
任後君子萬勿輕自菲薄勉任夫維風之責推廣夫
維風之化也則幸甚

觀瀑布記

乾隆四十陳本忠 昌平
九年學使

黔之鎮遠府黃平州之飛雲巖一竒也安順府鎮寧州之白水河又一竒也凡天地之物之竒者其氣必清天地清氣之鍾於物而竒者亘千古其竒不變天地之清貞觀者也其鍾於人也亦然昔太史公徧遊天下名山大川文章有竒氣得天地之清而竒者也余愛其文不能盡言其竒其可言者清氣耳天地得之而一山川因之而險文人肖之而怪怪竒竒不專一能山川有形者也文之竒無象者也不知者過之

而不顧雖語之亦不喻也語其人得氣之清而已矣余以學使來遊於黔愛士之文之秀出可與語其不及者不可不語之矣爰舉其地山川之清竒而聳以古人之文爲之記

灞陵橋雙樹記

李肇基

大坡頂關索嶺兩山之麓灞陵河阻截其間自有滇黔來行道之所必經先民建灞陵橋以便往來久矣橋長十丈濶二丈中空四洞架石爲梁不知建自何時有數百年古黃菓樹二本一盤橋之西偏高六丈

餘廣可三圍葉頗大一盤橋之東偏高與廣較遜而葉亦差小似分別雌雄者其頂各圓如蓋枝幹朴茂半覆河中半覆橋上過客延爽其下但愛其爲天構涼亭而未暇察雙樹之異也洪範五行金木水火悉不離土木尅於金石金類也木之所不相生者也乃雙樹不根於土而根於石兩兩側穿橋之石隙而出去水皆尺許依石直上古致紛披約丈餘各復穿入橋面而橋面之石未嘗稍裂亦未嘗增高根與石膠固樹與橋互倚轉若相得益彰者疇曩有一州長過

此見雙樹飄搖於風雨而慮橋之不能不因以震撼也命匠將伐之橋頭忽來老人云吾爲兒時烈風雷雨河水暴漲上流大木巨石並下衝突排擠羣謂橋必不保及水退而橋仍無恙向非雙樹之靈誰爲橋作保障者言訖老人忽不見州長爲之愕然而止

烈婦張田氏記

乾隆壬子
東目王鑑

稽古立貞烈之行者所遭必苦然又有歷苦中之厄而天倍厄之人倍甘之用以振名節而佐教化如張田氏其人者原籍江西吉安府太和縣祖田士洪貧易來黔父永富授安南營出金川兵亡於陣曾領

皇賞生母李氏病故煢煢女娃依姑陳田氏年十七適湖廣寶慶府籍張起貴子發科住居永寧之西坡坪生二子長達智次達禮家貧相夫力耕乾隆辛亥七月往地耨耨遇強鄰惡少方正邦暗藏利器褰衣逼迫

永寧州志

卷七 藝文上

七

欲汚氏乃放聲哭喊惡用手按嘴氏將其指咬嚼碎骨又被連砍數刀仍堅執下體衣怒目大罵而死毀形殘慘無甚於此者而氏能重其義安其節竟不以生死二其志易節卦云苦節不可貞言苦之遇其過不可爲常其道窮也今粹遭其變而轉同六四之安節九五之甘節若天故加以苦厄而人不受挫於天方惡已經州按律詳請

國誅而節烈田氏洵足以振名節佐教化仰邀

聖天子清標彤管流芳百世入

祠建坊

旌揚貞烈者也嗚呼蠻夷巾幗中易有其人哉

永寧州志

卷上

藝文上

五三

新設州城關嶺募役坡貢義學記

黃培杰

古之人八歲入小學小學者家塾黨庠術序也蓋教術之敷施莫先於閭巷而人材之造就實始於童蒙考通志永寧州義學在西門外康熙十四年巡撫于公諱準題請設立州牧劉君鴻誥雷君有成甘君國垓相繼修於學宮甬壁外魚塘坎上雍正十年毀厥後州牧陳君嘉會創維風書院集諸生講貫其中申君贊皇李君恒劉君嗣矩皆有事焉而義學之訓童蒙者則久廢而未嘗復舉余以爲人之好勇鬪狼輕生犯上皆由童蒙失教之故因思州城爲四鄉瞻望之區關嶺爲閩州秀良之地募役則改土歸流坡貢則通滇驛路皆不可不設學以教弟子易曰蒙以養正聖功也言童稚蒙昧知識初開而能養其性情之正乃作聖之功又口童牛之牯言牯童牛之角易制也夫人不習詩書不明禮讓不畏法度鮮不爲作奸犯科之事爲父兄者孰不愛惜其子弟而或以家計不足無力延師遂任其悠忽驕縱於童蒙之時比其長也放誕桀驁而不可制豈非父兄之教不先有

以使之然哉余心憂之因勸紳耆士庶有力之家出資相助分設義學於州城關嶺募役坡貢州城則購屋五間左右爲學堂中爲崇報祠所祀皆昔年良吏有功德於查城者而忠孝節義祠俱建於其側俾童子熟聞習見庶讀書有成知所則效也關嶺則設於石牛寺之兩廡募役則在武廟中坡貢則在文昌閣學之門外或樹卓楔或懸匾額大書某處義學於其上往來游人禁其出入每歲擇品端學優之士以爲師捐義田數坵收租穀倉斛四十石以爲修脯飭地

方首士董其事田地段落詳請 大憲立案後之人毋得私相典賣違者懲以法復酌定章程十條榜於各學中俾知遵守是舉也諸紳士急公慕義嘉惠闈里洵足尚已伏願爲師者循序教誘加以實心俾弟子咸知君臣父子夫婦昆弟朋友之倫而自消其惰慢邪僻之氣將見成人有德小子有造明禮義重廉耻恂恂然揖讓於比閭族黨之間以仰沐

聖天子作人之化而媲美於力田孝弟之科豈不懿哉

新建普濟堂棲流所記

黃培杰

永寧跬步皆山林深箐密有獸焉大於狗狀似豺狼色或黃或灰巨口長尾食人及畜羣呼爲豺狗嘗出爲患余莅任時患方劇募匠捕之終日不獲一有二乞兒夜宿頂站場一兒爲所噬不知何許人其一存者甫十齡詢爲曾氏子庶出嫡兄業賈家頗裕苦嫂虐逃出爲丐余命之歸則泣曰寧飽豺狗嫂可畏弗歸也嗟嗟嫂之惡乃甚於豺狗哉夫邑有賢吏蝗不入境虎且渡河余雖下車甫始而獸乃食人旣無德

永寧州志

卷十一 藝文上

五

以感之使去復不能先事而爲之防而又有此惡甚於獸之人不能化之使爲善撫躬循省咎何可辭乃呼其兄至責以大義使偕歸並傳諭其嫂毋再虐視違則治如律余因是竊有感焉夫天之生人也無論富貴貧賤莫不予以有生之樂卽瘖聾跛躄斷者侏儒亦皆使之自食其力以養其身獨至鰥寡孤獨而若或嗇之以待聖人之推致而濟其窮豈其孽不可道天特示以懲惡之道耶抑留其憾以動帝王之惻隱而爲發政施仁之地耶此其不可知者自王制有

常餼之典後世因之有安濟漏澤之政永寧自乾隆元年州牧陳公建茅屋一間爲棲流所後燬某任又於西街建茅屋一間爲普濟堂年久復圯余憫孤貧之止於巖洞或不免爲獸所殘也爰捐俸鳩工卽西街舊址而開拓之造瓦屋三間爲普濟堂又賄其旁陳氏地造瓦屋二間爲棲流所管平熙參戎助材木焉經始於乙未仲夏越三月落成俾民之窮而無告者得以偃息於其中而又於常額之外擇民之老耄殘廢者與之餼今而後庶不至如乞兒之爲豺狗食

而余亦得以少補過矣然自是豺狗皆遠去雖羊豕放於野不復有被其害者故喜而爲之記至於歷年久遠歲時修葺則有望於後之牧斯土者加之意焉

傳

高巍傳

謝庭薰

明代謫龍場者王文成謫都勻者張鶴樓鄒忠介三子至黔此黔所賴以開風氣端學術也抑黔所先賴以開風氣端學術者謫黔同於三子乃未嘗同三子之至黔而又未始不同三子之楷模於黔前此永寧州則有若謫關索嶺之高巍焉按通志云高巍山西人洪武時乞歸後還朝建文出亡殉難死與明史異餘與明史同明史云高巍遼州人尚氣節能文章母

永寧州志

卷上 藝文上

五

蕭氏有痼疾魏左右奉侍至老無少懈母死疏食廬墓三年洪武十七年旌孝行魏自負既爲孝子當爲忠臣由太學生試前軍都督左斷事疏懇河南山東北平荒田條土抑末技慎選舉惜名器數事太祖嘉納之尋以決事不稱旨當罪減死戍貴州關索嶺特許弟姪代役曰旌孝子也及惠帝卽位疏乞歸里當時用事者方議削諸王魏獨上書請效主父偃推恩之策勿行晁錯削奪之謀又請師賈誼欲天下治安莫如衆建諸侯而少其力書奏帝領之已而燕兵起復

上書請使燕旣至燕披忠膽陳理義曉以禍福感以親親之誼令休兵歸藩燕王不報自拔南歸至臨邑遇鐵鉉相持痛哭奔濟南誓死拒守屢敗燕兵及京城破巍自經死驛舍於戲觀史載巍生平之言行惟是惓惓於君親之間以視文成鶴樓忠介何如哉其戍關索嶺也弟姪代役曾未身至關索嶺有所建樹若何陋軒若龍山道院若南皋書院之流韻也然古來如南公霽雲臨淮借兵睢陽射賊事業皆無與於黔而又從未一踐黔土以子承嗣爲清江太守給人

因其子以思其父猶本秉懿好德之心所在廟祀不絕况巍尚掛名關索嶺弟姪旣來代戍寧獨無因巍之弟姪以思巍者乎然則永寧州人聞巍忠孝之風而興起卽謂等於龍場人之親炙文成都勻人之親炙鶴樓忠介也亦宜

曾異撰傳

謝庭薰

明刺史曾異撰四川重慶府榮昌孝廉崇禎朝知永寧州明史云孫可望旣陷貴州將長驅入雲南異撰與其客江津進士程玉成貢生龔茂動謀曰州據盤

江天險控扼滇黔棄之不守事不可爲矣遂集衆登
陣守城陷自焚死考一統志載永寧名宦異撰事亦
同貴州通志安南名宦分部云曾異撰永寧州牧移
轄安南流寇圍城率民堅守城陷死難安南縣志云
舊制永寧州與安南衛同城丁亥春賊入滇經安南
異撰身先士卒邀賊盤江之西軍潰賊屠城異撰城
亡與亡越三日沙營司陸朝士往收其骨瘞東門外
數武同城死難學博黃元正等骸亦收而瘞於其旁又
三十年安南人以近郭之多踐踏移厝城東里許捧

日生曰余登安南獨秀山其麓丁家園蓋有異撰墓
塚云然則異撰定死安南城故通志安南志俱以爲
安南名宦也明史一統志則均謂死永寧城一統志
則以爲永寧名宦者其因移轄之故死節安南之地
尚未詳明其曰州據盤江天險當日永寧安南合治
盤江以東爲永寧之永寧固屬之於州盤江以西爲
安南之永寧亦屬之於州盤江在永寧西三十里安
南東四十里賊自黔往滇惟安南乃可據盤江以拒
賊是亦隱指異撰之在安南而言異撰以合治而死

安南城亦卽所以死永寧城並非鮮永寧任以任安南如袁尚紀以永寧牧攝餘慶令布美政於餘慶但可爲餘慶名宦而不可爲永寧名宦者則標名宦於永寧之地異撰固宜血食永寧不宜安南獨俎豆之也古人臣事君遭國運艱難慷慨指天誓日以身殉國如張巡死睢陽志節昭雲漢矣異撰當貴陽安順被寇時耻隣邑望風披靡國勢瓦解獨能感慨勵節挺身領僚屬守孤城憑恃盤江險阻蔽遮滇境阻遏賊路當黔一面以圖恢復雖其功未成抱恨以死其

一腔忠義之心值喪亂敗亡猶能感動朝士收瘞其骨謂非烈丈夫哉然朝士之因收公骨而顯也是亦能附驥尾者矣

賢州牧陳嘉會傳

謝庭薰

陳公嘉會字舒公號虛亭越之錢塘人雍正時由巖門肄業成均考上上除大定州調永寧州旋請回籍葬親復任以卓異入都又復任公性儉日食無兼味勘履地方不割民間一鷄實政實心一時州境大治非特祭祀虔徵收平衙蠹除囹圄虛也其尤關心者

斯文一道於葺庠序修壇墀建魁閣外復議城外高
阜造辛巽雙塔以培文峯事未就而公適離任故後
任易公學仁州博范公芳祖公士元率諸生卒成其
事州署西係往時花圃公構講堂集諸生切琢其中
額曰維風書院公以父母而兼師長身先作範簿書
稍暇卽口講指畫文務精實行務方正間有以私干
請者立逐之然敦品者又輒詢之事因以洞悉閭閻
隱微疾苦戊午首夏霍公賑恤之厚薄各視其境霍
之多寡無一役履熱查擾無一隅漏澤怨咨此卽寄

耳目於及門之明驗也故其年雖災而秋仍有穫謂
非公之有以回天與州庠如吳進士視李孝廉瑛武
孝廉鈺趙明經景命輩皆維風書院選造之士而醇
謹則瑛較甚固知公之作人非徒開科甲而已也雍
正壬子頂營司與阿三等控爭大龍潭土田公判爲
義學莊以其穀充維風書院之膏火以其人供維風
書院之使令無何而公歿於壬戌歲書院廢矣其穀
其人亦轉而他用矣越四十載而後有申刺史贊皇
允周景旦等之請復其穀如舊又四月而後有任刺

史鎮及允周景且等之請復其人如舊公之明德眞所謂歿世不忘者也予始聞而慕之旣而疑之謂近世之循吏未有若此之賢猶恐告者之阿其所好也乃悉心博訪合州士庶無異辭予是以爲之傳

貞烈女周吳氏傳

謝庭薰

貞烈吳氏永寧州泥所村吳遠女年十六字普定縣童周文儒未嫁而文儒歿氏聞訃卽自縊氣絕經時父母救之復甦越七日乃進粥力請於父母欲倣古禮奔夫喪母不得已攜之往慟哭幾絕哀震四隣聞

者咸爲泣下葬祭畢謹執婦道事貧舅姑常解簪珥以佐饗殮之不逮舅姑相繼歿葬祭成禮氏以文儒無姪可撫承嗣且家一無所資仍歸泥所材依其父母足不出戶庭雖至戚罕見其面時有老嫗戲及姻事氏憤甚立斷一指示無改適自此再無敢議婚者未幾父母偕亡弟輩謹承氏教蓋女兒也而有嚴師之範焉乾隆十五年氏年四十七守貞三十一載普定邑長具狀以聞其弟奉

旨旌表建石坊於關嶺二十七年八月二十一日夜火燎

室家人驚走盡得脫氏堅守閨中獨死於火不肯倉皇奔走避災於戶外是未亡人之心依然亦從前願相從於地下之心也祇知義禮之不可踰不知生死有足計豈得於天者獨厚歟何其節烈若斯也是真足以立綱常維風化者矣春秋時羣情見利則趨見害則避禮義廉耻蕩然無存宋共姬娶居三十四年宅夜火左右曰夫人少避火共姬曰婦人之義傅母不在宵不下堂左右又曰夫人少避火共姬曰婦人之義保母不在宵不下堂夫子作麟經以爲宋共姬遺義移步遂有得生之大利而毅然不趨守義止步遂有就死之大害而挺然不避是以表其烈揚其貞使天下萬世聞其姬之風而勃然興起於戲其姬而降舍氏其誰與歸

吳烈女傳

乾隆壬申州牧楊士蔭雲南人

吳烈女者州治吳汲三女女幼而穎潔寡言甫十歲許字廖氏子嗣因廖貧而孤父母易字丁姓而女不知也將聘前數日其家方治奩爲于歸計戚婦偶戲而促之曰佳期近矣胡袖手爲女始覺乃垂涕曰吾

死期也是夜整衣自經按烈女生雍正乙卯卒乾隆壬申元十有八歲於戲自古皆有死而奄忽以歸於盡者直草木同腐耳惟有見於綱常名教之重或殉難於國或殉節於家煇煇炳炳光於鄉邦垂於史冊雖死猶生是所難耳余讀春秋竊思叔姬之卒也葬也夫子何以備紀其年月若日蓋節義之重以一去國無歸之婦人而能全之安得不特書之以爲世勸耶女之死其事爲甚難其情則甚苦以彼蓬門草戶生於蠻烟瘴癘之鄉倘能習於箕箒盟櫛亦云善矣

况藐茲弱稚所爲閨箴姆訓者幾何卽竊聞其一二而或制於時逼於勢而欲奪其志焉亦無可如何耳乃貞由天授烈自性成捐軀慷慨視死如生雖烈丈夫何以過此詩所謂之死矢靡慝之死矢靡他者其在斯人乎余莅斯土聞里巷間有談及吳烈女者恒多感激而泣下於戲是安可令其滅沒於冥烟晦雨中而不爲之表揚也哉

孝婦萬孺人傳

黃培杰

孝婦萬孺人贈公修君錫麟妻孝廉武謨嫡母也性
孝慈不妒嫉年二十八歲生三子不育卽爲夫娶側
室吳氏飲食衣服必與共逾年孝廉生孺人鞠育撫
持如已出辛勤備至嘉慶二年苗變贈公膺大憲命
勦襄軍務置其家弗能顧維時姑與子俱大病吳亦
大病孺人極力調治百餘日閤家保全無恙次年歲
大饑偕吳煮野菜爲食典衣飾市甘旨養其親及子
夫歸甚德之孺人不自爲功愈加恪謹事孀姑四十

永寧州志

卷十一

藝文上

三

餘年孝敬不衰夫歿持家政教子成名享年七十六
歲卒鄉黨宗族無間言前州牧梁公贈聯曰鍾郝德
齊式符銀管鳳麟濟美允協金章道光丙申夏余牧
是邦纂修州志州父老公舉節孝爲余言萬孺人事
余因嘆孺人之孝與慈爲不可及也夫古來孝婦類
皆慈母而萬孺人之慈獨難當流離瑣尾之際他人
於此救死不贍幾有不能自全其子者矣而何有於
庶子更何有於庶子之母乃萬孺人之於其子不知
已與庶之分而其心惟知爲修家嗣續計始病則醫

治之病甚則願以身代之卒之一誠可格死而復生
其夫因以有後然則論萬之孝固不僅以事姑論直
當以保全其子論矣且其子束髮授書孺人嘗教以
大義孝廉亦克遵母訓樂與鄉善人遊贊成地方諸
大事孳孳爲善數十年如一日學博楊君嘗謂修某
永寧之有爲人實永寧之勞人也余則謂孝廉克任
永寧之勞皆其嫡母之賢有以成之向使其嫡母非
賢則修氏之嗣續且未可知又安能成永寧之事而
任永寧之勞也嗚呼孝慈誕生關人宗祀安得天下
之爲嫡母者盡若修母萬孺人也哉抑余更有羨者
其太母羅孺人以節孝重於鄉贈公以孝友繼之幸
矣亦難矣乃萬孺人復能以孝與慈津津人口稱萬
之賢而吳孺人之賢亦並傳不朽和順之氣萃於一
門是豈天之報羅者厚而故予以孝子順媳歟抑贈
公刑于好合感化如斯歟要之積善餘慶報施不爽
宜其子敦品績學振其家聲以垂裕於無窮也詩曰
孝子不匱又曰克昌厥後信夫

處士楊敦本傳

黃培杰

君諱致中字敦本永寧關嶺人也生而穎悟朝夕承庭訓年十四補弟子員性至孝承顏順志得父母歡喪葬哀毀盡禮每與家人追述親在事輒慘形於色息日則含淚嗚咽悲思鬱結數十年如一日舊與伯父同居歲入皆歸焉分爨日大功昆弟四人各取資益已舊宅悉爲所有君自卜居拮据况瘁坦然自適外間遇有爭產者咸共舉君以爲規勸君持身正大不苟嘖笑一言一動皆循循於法度崇儉敦樸不營

分外治家嚴肅門內無嘻噓聲孩童輩甫學語卽禁止無學嘗飲酒未嘗至醉無益身心之物悉屏絕任人毀譽不隨世俗浮沉性狷介取與無所苟以教讀爲業脩雖薄訓誨未嘗稍倦生平信理甚篤吉凶禍福不能亂年三十餘時父母繼歿一身孤立有男將冠天膝下僅二女運途備極乖舛有以祈禳諸術進者君安以義命卓然不爲所惑尤不喜近佛老與人相接誠信不欺並坐終日無惰容鄰里弟子莫不望而敬畏居恒呐呐然如不出諸口至事關重大則正

言讜論不爲稍屈嘉慶二年苗變避居卽岱城一日有官吏假備餉名色稽查流民所存穀十取其一人心惶惑君具衣冠出揖而前曰

皇上憫念難民兼施藥粥豈有幸免於賊必欲令其餓死之理今倉儲未空糧運不絕如此舉動使人心驚駭不安竊恐轉滋他慮聞者動容其事寢息賊初平道路方通苗民猶恃頑悍素有怨隙於彼者每詭計相誘卽主佃往往見害君以坐囚數月自岱來嶺有平田寨老卜東老卜貴者聞君至親詣其間集所負十

永寧州志

卷十一 藝文上

堯

餘金以濟並送還岱其厚德之感人如此遇事詳慎審密常作退一步想故終身無訟嘗勗其子以忠恕勤儉曰吾一生不工心計謹食節用家道漸豐彼蒼自有主宰若恃智巧營謀實屬枉費心力人生世上忠厚居心亦難必果獲福報但無令世人唾罵又曰人生日在過中小心惕厲庶不至陷於惡蓋其善積於身守約寡過故能深切著明以垂爲家教壬午歲前刺史劉曉材先生過其地數見之謂諸父老曰關嶺百餘年來尙無科甲楊君次子芹科文可售以其

家世德卜之必中矣是科果獲雋曉材贈聯云入格
文章無霸氣傳家忠厚有醇風興義太守徐南垞先
生道經關嶺間與君坐語嘆其端嚴渾樸有道學風
贈聯云齒德並尊鳩刻杖詩書垂裕雀啣環曉材南
垞皆黔吏之有循聲者其所贊美蓋確有所見可知
也學博陳君萃齋在永最久知君尤深君年七十有
四卒萃齋爲之誄至有非甚盛德未易臻此典型宛
在願爲執鞭之語四方遠近聞其風者至今猶稱道
弗衰子四人長茂芳邑增生次茂材癸未進士次茂

育邑庠生次茂先壬辰舉人余輯州志都人士僉以
君盛德聞爰筆其事於書俾後之論者知採擇焉

易融川先生傳

楊茂材

先生諱學海字融川永寧團圓河人性至孝事父母
順志承顏色養備至幼時偶作詈人語父怒之遂終
身謹凜不敢以言爲戲母年九十餘雙目失明先生
孝敬彌篤飲食必躬奉侍動靜起居不以須臾離母
或以不便爲詞先生曰兒係親生自媳婦以及奴婢
無有更便於兒者依依孺慕歷十餘年母樂而忘老
並忘其盲歿之日先生年逾五旬葬所去居邑三十
里匍匐號泣觀者動容一生正大和平規步矩趨坐

永寧州志

卷七 藝文上

七

立未嘗少倚顏色辭氣藹若春風常錄格言於座右
爲子孫訓族中有貧乏者以所餘濟之間有爭論先
生至卽解同里數十家感其盛德交相愧勵爭競潛
消以教讀爲業善誘循循所成甚衆嘉慶三年苗變
初平興義童生附安順棚考試人數混雜先生值廩
保有貴陽富家子弟欲冒考賄以重金先生正色拒
之後以明經授都勻府學訓導太守僚屬暨地方紳
耆咸生敬慕製屏聯爲先生壽道光十一年

皇恩勅授登仕郎在任六載歸故里猶終歲好學耄而不

倦子三人俱入泮一堂四代享年八十有七鄉黨咸
頌盛德於不衰云

請加學額稟

修武謨

爲懇加學額以勵人材事竊查康熙三十四年前撫
憲王

題請添設各廳州縣學安順府屬之永寧州普定縣均
照小學例額取文武生員各八名雍正四年蒙

天恩俯念文明漸開民苗向化

上諭撫臣查文風較盛之府州縣進小學爲中學中學爲
大學普定等縣已蒙增額四名時永寧漢苗雜處地
廣人稀應試童生尙少未蒙一例加增迄今沐浴

永寧州志

卷七 藝文上

三

聖化二百年來又蒙各大憲作育薰陶僻壤民苗咸知誦
讀道光二年署州牧劉創建維風書院春秋兩闈科
甲繼起歲科應試人數倍於設學初年上年歲試蒙
學憲逾格栽培於額取八名外賞取僭生二名多士
奮興如霑時雨近來書院應課童生增至三百餘名
是永邑士子爭自濯磨不亞同郡州縣有明徵矣惟
歲科兩試往往人浮於額單寒士子感奮無由恭逢
聖天子雅化作人於邊方士子尤蒙

逾格恩施如同省之郎岱古州松桃等廳向來附府學考

試均蒙

題請設學增額永寧設學已久童生應試人數較多其加增學額亦視各廳尤易永寧原係州制歷設廩生三十名加額無俟添廩也永寧原有教官以資訓誨加額無俟設官也

聖宮明倫堂學署士民公同捐修加額無俟請領修建也願得請增學額四名俾符州學體制舉人等再四籌思永邑地屬偏隅文風蒸蒸日上仰見我

聖朝文教覃敷無遠弗届而寒苦士民均知慕義樂輸隆

永寧州志

卷十一

藝文上

七

重學校其向隅缺望之情想亦

各大憲作育人材之意所爲格外矜恤樂得而振掖之者也伏冀憫念輿情援例申詳會請仰邀

皇上天恩一視同仁照同府之鎮寧普定安平清鎮等州縣中學例增額四名取進文武生員各十二名以爲鼓舞人材之階以廣

聖世同文之化則邊陲下士永荷栽培爲此呈乞 臺前俯准施行

賦

牂柯江賦

以溯源尋流爲韻

謝庭薰

客有謂捧日生曰黔南佳趣騷人麗句塵盪而來流韻可慕其間白涌碧翻如練如布綠遶藍拖一灣一注凡有爲潤之最芳向在不欣於所遇夜郎之陬且蘭之路有江澄泓莊躡飛渡於岸椽船接戰以步名曰牂柯遂成典故此古蹟之昭垂皆今賢所警悟倘其宛在乎中央敢請相從以洄溯捧日生曰吾嘗遍求乎牂柯之地竊聞諸先民之言撫議論之歧出慨

永寧州志

卷十一

藝文上

七

指數之多門旣未若飛雲巖洞惟飄渺於興隆之郊原又未若趵突泉水獨盈縮於新貴之烟村間真跡而恍惚途迷幾等於仙源想當年而感嘆絲棼安得其天根客曰子不見夫崧山子之所解其在盤江之清淪又不見夫蠙衣生之所記其在濛江之漾津又不見夫田撫軍之所考據巴江而敷陳又不見夫靖太史之所注卽都江而明申或於查城湧玉或於定遠瀉銀或於費州洗甲或於九苗沉鱗細載殊自先輩原各有所持循折衷權歸後學豈必至於艱辛苟

得修綆以汲古何辭臨水而問濱尋芳踪其未遠交
曩哲之有神捧日生於是解纜登舟扣舷泝流放懷
挹酒縱意清謳悵望乎大姓之入貢兮恍如際光武
以揚休遐想乎浮師而制越兮儼若其馳義以運籌
檣起沙鷗之出於遜水兮雅寫高誼而冥搜目送文
瀾之通諸番禺兮遠挾浩氣而奔投維時客與捧日
生乃爲之氣橫秋兮爛不收汀花汀草之破愁兮直
爲三秀逍遙遊

附田撫軍黔書三則

鐵鎖橋

唐明皇作橋於蒲坂夏陽津鑄鐵牛八植柱纜二十四運鎖十二山架八牧人入於中流分立亭亭如虹蜺之狀稱奇絕焉然此乃妄流通津作之者易不若盤江鐵鎖橋之難且奇也盤江之源出自金沙入鳥撒繞曲靖西衙畢節七星關而注於安南入滇所必經也兩山夾峙一水中絕斷斫千尺湍激迅悍類天設以界滇黔不知莊躡當且何以飛渡也往以舟濟

多墮溺明天啟間監司朱家民擬建橋而不可以石乃仿瀾滄之制治鐵爲繩三十有六長數百丈貫兩崖之石而懸之覆以板類於蜀之棧而道始通其功偉矣然繩長則力弱人行其上足左右下繩輒因之升降身亦爲之撼搖眩掉不自持車馬必下前者陵岸後者始登若相躡則愈震其險也不可名狀邇乃濟之以木擇材之巨者數百排比之卧於兩崖水次鎮以巨石挂以強榦層纍而加叅差以出鑄其本使固及兩木之末不屬者僅三十尺有四則又選園可

丈之木交其上而後行者可方軌聯鑣貫魚逐隊而不驚也猶且施之以欄楯幃之以版屋塗之以丹雘梵宇琳宮鱗次於崖之左右輝煌掩映如小李將軍圖畫遂爲西黔勝概焉以視十二之運鎖直緯索耳況於沉江之陋耶

論曰余聞之黔人矣去盤江二十里由鎮寧僻徑西

行渡花河歷普安黃草壩入彝

音地

捧音地亦資音孔名

水淺而路平赴滇差便乃何以萬里昆明舍坦途而

就艱阻也明初傅湯諸人伐山開道拓疆闢土之日

豈其狃於成見而未之聞歟抑盤江爲烏蠻即岱地不欲其奇險足恃故深思遠計爲驛使往來之衢以通王會之車書也不然望站站之飛鳶以祀神於金馬碧雞之境不已難乎

丁煒曰盤江之橋始不過緇鐵懸渡耳迺奉給水衙錢構造制始完備輪蹄來往如履康楹矣夫土簋之後繼以豆籩皮弁之餘飾以黼黻天下踵事而工豈獨一橋哉先生明眼匠心歷叙結構之工如其般倕擺指至舍鎮寧坦道而務涉盤江昔人置驛真有深

意蓋必欲苗蠻之險與中國共之也論中一筆道破
政與明祖不殺奢香而令通九驛同意孰謂一橋無
關撫馭歟

關索嶺

壯繆二子長曰平次日興平及於臨沮之難興弱冠
爲漢侍中有父風武侯甚愛之征討未嘗不與此傳
志之可考者初無所謂索也是豈紀載之失耶抑亦
烏有之談耶縱或有之不過一偏裨耳何以遂廟食
於此千秋而勿替其功亦必有足述者矣嘗試思之

永寧州志

卷七

藝文上

三九

古者帥與率通方伯連率是也意渡瀘之役興也實
從曾駐師於此當時以關帥呼之又或有紀功之蹟
以帥爲率後遂訛率爲索莫之考正焉爾若夫馬跑
泉之異未必非神明其說以讐蠻髦事旣荒唐時無
特識安得不妄以成妄耶

丁煒曰壯繆次子興爲侍中旣爲武侯篤愛征討未
嘗不從則渡瀘之役當在行間令非有駿伐殊勲何
廟祀所在不絕卽滇黔諸稱靈異輒借關帥以神其
說也通帥爲率訛率爲索蠻荒侏離紕繆往往如是拾

遺之誤爲子媵非亢其鄙陋可笑乎或曰蠻人呼索
爲父或曰是嶺以關鎖黔滇故名茲二說者焯皆未
之信云

白水巖

安莊南有白水河來自萬山渾洪嵐怒濤湧波襄雷
奔雲洩纓纒帶阜不知幾何里而後戢志斂魄安步
鋪光以至於層巖之巔與石相參疊爲三而後下馮
高作浪雲垂烟接白虹飲澗銀漢倒頃雖卸艾繯厓
天孫織錦豐隆奮地不是過也十丈之外濺珠跳沫

時時浣人衣裾風湍傳響於青林之下嶺猿流聲於
白雲之上行李所逕驟停馬立常若目不周翫情不
給賞下有靈犀泳游出没踏碧臨晶固太真之所不
照古治之所勿挾者每晨曦欲吐重霧上騰榮光塞
河濛濛掩映遙看素練跡條有無如水綃之被玉肌
烟縠之籠皎魄尤爲曠絕不知何人鑄二大字於瀑
下之石盤空旣音斲骨尤巧矣聞舊有傑閣對峙遊
者得以倚欄縱目今則已矣肆閱清楚俛仰流連茹
屋數間依然荒落安得十日坐卧與林徒栖託雲客

宅心也耶

丁燁曰瀑布之奇至雁宕龍湫廬山谷泉而止然皆
飛流墮下若夫白練橫鋪燭銀散布縱廣以數丈計
而又挾轟雷之響噴古雪之珠碧潭搖空靈犀吼地
則惟白水獨矣篇中刻意摹寫曲盡恫心駭目之觀
筆力賢消極似柳州諸記而道逸過之則本領殊也

永寧州志卷十一下

藝文志

五言古

知永寧州事昆明沈毓蘭重刊

國朝

過盤江

方孝標

斗絕黔山奔峭壁盤江鑿源穿異域遙瀕洞行旅乍
誰招飲澗虹蜿蜒駕嶽嶠父老述朱公昔鼓洪鑪爍
金鑄百年心蜀山採製作懸組三十六土木施荒度
運移銅馬來倚險恣噬攫火攻斷樓船妄止天戈鏘

永寧州志卷十一 藝文下

一

郭相奮深謀司徒壯鎖鑰復睹結構新虛語千秋鶴
我交朱公子覽志怯荒落何知身經遊復悉興亡累
莫詫汎梗竒頗快冥搜擴

關索嶺

康熙二十
七年巡撫

田震
進士

吾足右跛跼一人纔餘半畏登百尺樓况復隔霄漢
茲嶺箭峰直勢傾一柱觀花鬢疊似螺嵐光錯如鍊
鳥窠一綫垂誰爲假羽翰洽洽清風吹躡級倏無筭
兩腋盪閒雲籃輿張風幔樹杪度午鐘依微露僧院
杳杳竹嶼寬淙淙泉珠灌茶話已移時坐久烏巾岸

格磔鳴不休思逐山禽散層層上上頭峯冒明霞亂
古麋驚人跳戎旗隔樹斷小雨白氎濕晚店青蕪爨
高吟行路難夜涼生寤嘆

關索嶺

乾隆元
年文宗
無錫
進士

炎方亦戒寒黔地居然白天工厭丹青山川粉筆畫
紅崖變瑤島裸壤垂縉帛遙村犬不驚邃壑屬歛跡
緣知瑞氣呈非是寒威積廟食漢侯裔關名鎮蠻貊
廉泉檻內澄孝竹簷下碧鴉翻玉正飛馬滑凌在石
莫歎路漫漫此是青青麥

按此詩從小山先生山
水觀我畫冊中錄出

永寧州志 卷十一 藝文下

二

雞公背

乾隆三十
五年州拔
任鎮及
息縣
舉人

卓哉雞公背育雞雞應繁如何有胎化翻令體不完
毋乃衝霄去晉跡上雲端昔年當先唱羣雛振羽翰
能使天下白從教宇宙寬而今幽洞裏誰耐五更寒
曹節洞

任鎮及

西隅有崇岡令人深仰止外觀固巍峩內蓄尤清美
結乳從空垂意欲滴天髓盤曲若雲龍天矯在尺咫
上有蝌蚪文漫滅不可視昔聞閩神篆毋亦類如此
行行見石龕窈窕憑中起恰好一蹀跌而容劉婦死

婦死百餘年爲婦砥廉恥拒賊等鴻毛芳名從茲始
青塚顏應泚望夫山莫比崩城事每差惟茲猶聳峙
紅崖集杜

乾隆三十
七年訓導

謝庭薰

貴陽
舉人

諸葛蜀人愛蘊藉異時輩平生白羽扇逍遙有能事
飛騰急濟時雷霆走精銳神功接混茫妙取蹄筌棄
南入黔陽天曠懷掃氛翳朱崖雲日高凡百慎失墜
烟火軍中幕寒木壘旌旛山帶烏蠻關反正計始遠
此邦承平日終古立忠義我行得遺跡佇立久吁怪
可望不可攀荒險崖谷大兵氣恐不揚間作鼓增氣

永寧州志

卷十一 藝文下

三

雄畧動如神故老還再拜百祀發光輝所望時一致
關索嶺集杜

謝庭薰

慘澹風雲會茫茫大造間君隨丞相後西南控北蠻
仗鉞奮忠烈軍行入高山關關乾坤正經時冒險艱
丕丞戢武威一夫怒臨關燁赫舊家聲過去杳難攀
四方服勇決各滿深望還清廟肅惟馨玉粒未吾慳
登臨多物色重巖細菊斑其誰論昔事相對酒開顏
馬跑泉集杜

謝庭薰

將軍膽氣雄兼存翊贊功開關當天險來看道路通

崩騰戎馬際病渴身何去
馳馬新鑿蹄巖竇潛淺瀨
是日慰饑渴經齒冷於雪
消中得自由向來披述作
危途中縈盤行子傷水餐
無復能拘礙懸軍幕井乾
泉源在庭戶汲引歲月古
石間見海眼虛覺神靈聚
舊俗存祠廟可憐忠與孝
臨風獨回首落落展清眺
畱節洞集杜

謝庭薰

客從西北來逍遙展良覲
餘光散豁訝谷虛雲氣薄
披豁對吾真心在水精域
勝概欲相兼冰壺動瑤碧
絕代有佳人洗然順所適
維時遭艱虞歛衽就行役

空悲清夜徂魍魎森慘戚
沉綿盜賊際烟霧蒙玉質
迫此懼將恐悲泉共幽咽
自云良家子眼邊無俗物
炯炯一心在中天懸明月
摧頽蒼松根未能易其節
高義邁等倫所以分白黑
死亦垂千年魂魄猶正直
衰俗凜生風尚思未朽骨
追蹤恨淼茫誰僉百代則
盤江橋集杜

謝庭薰

惟天有設險東西兩岸圻
大江蟠嵌根瀕洞不可撥
舟楫恐失墜水深波浪濶
高賢迫形勢難假龍龜力
嘔血事酸辛欲陳濟世策
功安造化鑪壁色立精鐵

浮梁曷相托飄緲乘險絕樓角凌風迥豈異神仙宅
霏微河漢橋遠林暑氣薄永永垂無窮客去亦不息
尙置官居守甲外控鳴鏑清聞樹杪磬古寺僧牢落
明公出迥圖埋没何所得回首一茫茫人生感故物
雅望與英姿崇岡擁象設意度不無神萬里起古色
七言古

明 盤江郵亭題壁

孝婦宋氏馭金華人學士景濂先生族也適衢州進
士守閩中以他累死獄中母妻編戍金齒宋途中作

歌題於郵壁歌曰

郵亭咫尺堪投宿手握親姑憇茅屋拖薪就地把鋪
攤交頭相向吞聲哭旁人問我是何方俛首哀哀訴
裏曲妾家祖居金華府海道曾爲二千戶舉艘載粟
大都回金牌勅賜雙飛虎兄弟跡隱山林甘學從
文不崇武今朝玉堂宋學士亦與妾家同一譜笄年
向嫁衢州城夫婿好學明五經離騷子史徧搜覽志
欲出仕甦蒼生前春郡邑忽交辟辭親千里赴神京
丹墀對策中殿舉馳書歸報全家喜承恩拜出閩中

守飄然畫舫西南去到官未幾訪遺老要把奸頑盡
除掃日則升堂治公務夜則挑燈理文稿守廉不使
纖塵污執法致遭僚佐怒府推獲罪苦相扳察院來
提有誰訴臨行囊橐無錙銖惟有舊日將去書城中
父老泣相送道傍觀者咸嗟吁一時徵贖動盈萬妾
夫自料無從辦經旬苦打不成招暗屬家人莫送飯
嗟嗟餓死囹圄中旗軍原籍來抄封當時指望耀門
戶豈期一旦變成空親隣憐妾貧如洗歛銀殷勤餽
行李伶丁三口到京師奉旨編軍戍金齒阿弟遠送

龍江邊臨歧抱頭哭向天姊南弟北兩相痛別後再
會知何年開船未遠子病倒求醫問卜皆難保武昌
城外野坡前白骨誰憐葬青草初時有子相依傍心
安且不憂家蕩而今子死姑年高縱到滇南有誰望
八月官船渡常德促裝登途整行色空林日暮鷓鴣
啼聲聲叫到行不得上山險如登天梯百戶發放來
取齊兩暗泥滑把姑手一步一仆身沾泥曉來走向
雲中宿神思昏昏倦無力五更睡重起身遲飯鍋未
熟旗頭逼翻思昔日深閨裏遠行不出中門外融融

日影上欄杆
花落庭前鳥聲碎
寶髻斜簪金鳳翹翠
鈿鮮簇畫眉
嬌綉床新繡
雙蝴蝶坐久尚怯春風饒
豈知一旦夫亡後
萬里遐荒要親走
半途日暮姑云
餓欲丐奉姑羞舉口
同來一婦天台人情懷薄似秋
空雲喪夫未經二十日
畫眉重嫁鹽商身血色紅裙
繡綠襖終日騎驢馳
長道穩坐不知行路難
揚鞭笑指青山小
取歡但惑新人心
那憶舊夫恩愛深
吁嗟風俗日頽敗
廢盡大義貪黃金
妾心汪汪淡如水
寧受饑寒不受恥
幾回欲葬江魚腹
姑存未敢先求死

永寧州志卷十一藝文下

七

前途姑身少康健
辛苦奉姑終不怨
姑亡妾亦隨姑
亡地下何慙見
夫面說罷傷心淚
如雨咽咽垂頭不
能語道傷過者爲
心酸隔嶺孤猿叫
何許

盤江行

弘治陝西提學何景明信陽進士

四山壁立色如赭
盤江橫流絕壁下
驚濤赴壑奔萬
牛峻架懸空容一馬
危叢古樹何陰森
尋常行客誰敢臨
猩婦清晨出深洞
虎羣白晝行空林
沉潭之西多巨石
短棹輕舟安可適
日光射壁蠻烟黃
雨氣蒸江瘴波赤
土人行泣向我云
此地前年曾敗軍
守臣

祇知需貨利將士欲苟圖功勳英雄謨策自有術竄
婦奸男何足論營中鼓角連雲起陣前臨山後臨水
烹牛醜酒自酣樂傳箭遺弓尚驚喜戰馬俱爲山下
塵征夫盡向江中死遂令狐豕成其雄屠邊下紫轉
相攻千家萬家鷄犬盡十城五城烟火空夕陽愁向
盤江道黃蒿離離白骨槁魂人秋空結怨雲血染春
原長冤草只今異域來歸王高墩短塹俱已荒牧童
驅羊上塋塚田夫牽牛耕戰場惟有行人長嘆息問
說盤江淚沾臆

永寧州志

卷十一 藝文下

八

送永寧許使君

嘉靖河李攀龍歷城
南按察進士

邢州十月洞白楊城頭出雲垂太行把酒相看日欲
墮五馬踟躕大道傍問君胡爲萬里去小臣罪合投
窮荒我聞西南羅施國風氣鬱塞殊陰陽長官椎髻
見朝吏海蠻醉鼓橐中裝男兒貴至二千石何地不
可稱龔黃壯遊須令百粵盡探竒更得浮沅湘永寧
雖惡無瘴癘明年雨露生還鄉

渡盤江鐵橋

王錫宸

盤江始自武潯洑奔流萬里勢滌滌兩岸雄關擁碧

天一線羊腸山截嶮浪觸雲流倒瀉來逆望澗溼無
時輟幾載舟人登櫂艱風急沿泝心膽裂天生英傑
拯民溺獨創慈航志已決對此江神誓此身一片精
誠鬼神徹飛楫何須藉鰲背金繩直嵌山之側橫空
貫索插雲際補天絕地真竒絕曾聞羅浮道士作浮
橋風雨薄蝕虞飄折又聞飛閣用石鹽百年那得堅
如鐵嗟哉我公爲禹之功臣奚止云商家之舟楫祇
今南北去住無望洋直令萬禩懷明德

盤江鐵橋

姜思睿

永寧州志

卷十一 藝文下

九

余家東西負大澤蛟門吼浪連夏稻扶桑跳浴照流
黃鰲柱西撐漏天隙飛鷺站站墮水中將牂夜即勢
灑澗三峽崩摧駭下流五溪迴溯驚上逆我來度越
萬峯頭下瞰盤江聞疾霹夾岸危溪手可招急溜凝
舟嗟翻蹠巨靈已擘不復補秦鞭空走女媧石鴻濛
混混到於今誰遣長虹駕飛脊爾時毒霧擁狂瀾堆
骨如邱川盡赤井鬼星占太白纏長庚八月光奕奕
化作朱公袖中椎奮擊蠻烟掃怒颺誓挽盤流洗甲
兵銷金壘壘如貫索無須行馬告荒津投壁盟河陋

往昔絕巖鑿磴引空梁簇簇龍蛇三百尺曲者成鈞
直者矢神鎔鬼治矜剏獲六詔雲開五色天百蠻從
此重九譯磨崖勒句不堪傳因公不朽雷勝迹

國朝

鐵鎖橋

田雯

粘天拔地山槎枒下有黝潭龍所家捷攫飛鳥不敢
渡莊躑矚目空容嗟巧鍛長組三十六東西穿鼻貫
石腹蟠竦屹立體橫陳直使天塹作平陸

紅酣白糝雨山口蜃霧噴吐羣峯首畫家能事李將

永寧州志

卷七

藝文下

十

軍瀾滄江上如斯否縹緲五城十二樓神仙海嶠崑
崙邱拔劍斲空不知險今朝快御天風遊

關索嶺歌

吳中蕃

貴陽舉人

關索嶺四十三盤纜及頂行人初至北極觀只道前
頭路已盡分明斲壁與梯天隔斷華表幾歲年雞公
象鼻摩白日回看乃覺小於拳翠壓眉稜不可望人
生徧欲攀援上褫衣脫帽學蝸旋寸進猶如逆風浪
咽喉每欲攬冰霜那能盛夏不揮漿中嶺有泉甘露
汁人馬同奔一滴涼英廟食者誰子粉面朱鬢垂

大耳平興之外索無聞挂漏坐令疑壽史漢室重延
寄武鄉可憐心力盡南荒重兵良將曾餘 幾出徒
然後弩強當時廟算豈真失前門拒虎後進狼左掌
右掣天何意不康炎鼎開遐荒至今千二百餘載黔
風獵獵演雲蒼吾聞王者德至地山失其高金失剛
此嶺雖云峙天末何若終南與太行慎勿自大稱夜
即

觀白水河瀑布歌

即若伊

君不見廬山高高挿天天際挂飛泉終年雲氣長遮

永寧州志

卷七 藝文下

七

護不使奇景數見將不鮮黔中山水多淨惡路轉翠
迴困行脚山靈爲我開奇觀鞭起千蛟飛斷壑水欲
立兮山欲崩撼地軸兮翻天垠洞庭涇河來酣戰浩
瀚蒼莽鯨鯢吞奪得天孫白匹練飛綻玉梅花萬片
不比錢塘潮空負鏐王箭雲黯淡雨簾纖洞壑中虛
羽客潛凌空倒挂水晶簾隔斷紅塵不得到瓊樓十
二玉爲簷我欲學長生靜觀飛湍瀑流銀河傾我欲
泛斗牛恍然風雷叱咤鬼神驚吁嗟乎此景世罕有
急沽村醪飲百斗醉後詩成潑墨傾淋漓卧聽喧嘩

澎湃四壁蒼龍吼

白水河觀瀑

鄒一桂

吾吳富水黔富山有山無水山不活深林祇覺嵐氣
重多穴僅與狐兔窟十里一匊泉五里已成渴涓涓
伏流山草沒縱有清駛無人撥轉岡忽聞萬馬聲荒
山鐘鼓何鏗訇遙看始見白一線匹練晝暴妖虹橫
兩傍水氣浸石壁濺跳珠玉煙霏輕天紳長垂不可
卷白龍歸壑山風鳴觀瀑亭中頓忘倦馬芻僕飯遲
行旌山靈怪我笑枯寂獻此血脉流其精華峯蟻穴

永寧州志 卷上 藝文下

十一

昔曾到莫炫奇異欺先生

按小山先生山水觀我畫冊內字句多不同今畧政

望水亭瀑布奇絕作歌紀之

張鵬翀

山幽路蔓窮攀緣時聞細溜聲濺濺忽驚長橋

萬里橋

古澗邊上流繚繞疑鋪氈下流百丈臨平川斷崖一

落空中懸濛濛似滾萬箔綿隨風裊裊騰蜿蜒須臾

直訝化作烟噴爲晴雪飛翩翩乘虹飲練光熾然白

日照耀摩尼鮮重重覆影斷復聯碎崖裂石雷闐闐

神搖目眩神魂顛舊聞野兕藏渦漩吐珠今見驪龍

淵川霞雪練斷碣鐫望川亭上風光徧窮觀直擬脫

憤眠羲和未肯停征鞭欲去未忍情悁悁我臨匡廬
三疊泉石梁瀑布天台巔龍湫雁宕阻未前黃黥九
龍更鳴絃此間僻奧誰爲傳不悔萬里乘飛轡飽看
銀河落九天重來坐擁歸輪過朗吟逍遙秋水篇此
身定作飛空僊

觀白水河瀑布歌

並引

德隆

鎮寧治西三十里許有白水河源出烏撒盤折萬山
中層疊而下激湍怒注經永寧之黃葛墅兩山夾峙
水從陡崖直落歎薄數十丈銀濤匹練一色飛流望

永寧州志

卷一

藝文下

三

之如風捲積雪聲若雷殷洶大觀也余前薄暮過此
未遑備覽其勝今自滇南回因借永寧牧善東瞻鎮
寧牧胡浴鶴暨花生蒼巖登望水亭縱觀之爲作是
歌

玉龍躍海歎銀沫紛紛鱗甲空中落散作銀根匹練
飛懸崖怒裂千層帛黔陽山水天下奇選荒崖穴蒼
苗夷乾坤妙景獨秘此烟霞窟宅疇爲蜀盤州高踞
西南勝白河源出威寧境崩巖峭壁扼其流百折千
迴轉迺勁峽高數丈垂白浪轟雷響徹羣山應其下

淵潭不可測飛烟屑玉珠璣送我昔遊匡廬瀑布甲
九有載過嘉陵江擊撞如牛吼今觀此水驚竒觀品
題伯仲孰先後吁嗟乎空山寂寞與誰爭日夜喧
作雨聲灑雪飛泉標賞後忠勇公傳相國經畧演黔
過此題額曰飛泉灑雪
川靈終不愧虛名

鐵鎖橋七言古一首寄劉曉卹刺史 錢寶琛

盤江山頭高矗天盤江山下藏深淵雙峯擎出巨靈
手畫開地脈迸飛泉懸崖對峙三百尺俯瞰一氣連
雲烟陰風怒號老龍泣白日走匿瘦蛟潛天公一夕

永寧州志 卷十一 藝文下

古

運神化驅策丁甲來山前出鐵之山三千六神工鼓
鑄穿其巔大乙下窺風雨吼豐隆赫怒雷霆邊須臾
彩虹落天半危梯怪石相鈎連黔虹二字大如斗烟
雲磨滅知何年我來十日山行險百步九折紆迴旋
陡瞻天塹動驚怖及上數級如平川世路險夷何足
論由來王道本蕩平嗚呼王道本蕩平寄詩爲道司
牧賢

九言古

白水巖放謔

田雯

我生嗜好與世殊酸醎獨於高山流水心饒貪匡廬
瀑布天下稱竒絕何如白水河灌犀牛潭銀漢倒傾
三疊而後下玉虹飲澗萬丈那可探聲如豐隆奮地
風破碎濤如天孫織錦花盤髮濺珠跳沫行人衣裾
濕雲垂烟接山寺峯巒尖小犢出游太真所不照乖
龍結隊古冶豈能殲半紅半黑飛斗大蝴蝶千章萬
株森十圍松杉攫猱熊狸鬚髯爪牙古鼃鼉蛟螭鼉
夜風雨酣安得十日五日坐潭上二三酒侶看月凌
朝暹頭腦冬烘躑道元未注屐齒偪塞謝客兒多慚

解衣槃薄箕踞於其側青天搔首我謂白水巖

五言律

明

查城十五夜對月五首

何景明

中秋看月色移席又前楹河漢三更沒關山萬里明
風烟依獨戍砧杵閉空城此夜高堂上多應念遠征
天上何所有團團白玉盤可憐秋半月只是客中看
影直朱樓午輪高青嶂寒美人何處其光影隔雲端
驛舍東山下關吟月出歌婆婆籠夕鞋窈窕入雲羅

玉魄中天滿清輝近水多廣寒高幾許臺殿鎖嫦娥
小市無兼味隣家酒亦慳佳期三五夕遠客萬重山
霄漢分秋色風塵照旅顏去年當此夜坐對紫薇間
我愛秋宵永西林待月斜百年幾圓缺今夜倍光華
兄妹俱殊土田廬有舊家金波如客淚獨洒向天涯
關索嶺

孫璽

萬里雲南路三年始得歸野梅渾破萼官柳半垂絲
嶺峻盤空險城尖疊石危邊江據形勝天畔控諸夷
象鼻嶺

隆慶
副使吳國倫

吳國倫進士

山形如象鼻礮道擬蠶叢筏渡千崖底車旋萬石中
短亭微月上鳴瀑遠生風白髮悲行險乾坤一轉蓬
讀鐵橋圖記

王思任

水折三江裏橋飛百濶間化民無獄訟贈客有江山
制鐵龍能避銷兵虎自閒金城方畧壯常鎮九疑關
題鐵橋

楊繩武

屹立盤江滸飛梁繫半空九臯來瑞鶴一澗飲長虹
翻浪鯨鯢吼奔雲車馬逼我非題柱客蹤跡感飄蓬
題鐵橋

崇正
副使陳士奇

福建

瘴水春猶早炎方日未齊
虎當官路鬪猿挂驛樓啼
繩鎖金沙界橋飛乳洞梯
當年無寶筏腸斷夜即西
曉渡鐵橋

張瑞圖

夙興寒尚峭雞犬隔江喧
戴月盤山磴推雲渡鐵門
扶繩登冉冉與鶴共軒軒
鬼斧君能運吾尋博望源

國朝

中和寺

康熙八年林華皖莆田年州牧

山意諸天雨溪痕獨木橋
溯流知菜葉開徑折蘆條
筧接香泉到茶成禮樹遙
太平如不隔鐘鼓自昏朝

十七

永寧州志卷十一藝文下

關忠順祠

康熙壬戌子科越 珥 新貴舉人

古祠臨孔道瞻仰見英姿
日色丹心赤松聲戰馬嘶
勇忠真肖父勲烈不隨時
廟食千秋在魂驚夔夔兒

馬跑泉

雍正四年鄂爾泰 滿洲雲貴總督舉人

嶺開傳漢代樹老自何年
寺出層雲外泉流古佛前
落花浮澗水飛鳥破溪烟
獨坐幽篁裏悠然憇衆綠
無椽殿

丁 靖

積成超世想結構冠皇州
地湧三身窟神嚴七寶修
靈鍾雲嶺秀翠挹錦溪流
日暮蟬聲急涼生八月秋

白水河瀑布

武定潘德徵貴陽
知府舉人

水意直趨壑却逢絕壁墮晴飛千尺雪寒響一聲雷
鼉窟蒸瀾氣蛟涎冷石胎徘徊凝望久疑是岱雲來

七言律

明

經盤江次劉元瑞韻

杭淮

踰岡陟嶺兼多病臘盡春來不記程瘴水已知多客
淚窮山只是有人行綠崖畫霧愁俱黑觸馬春花眼
一明西蜀未知天下險老夫筋力盡南征

永寧州志卷十一藝文下

太

過盤江

隆慶巡撫
都御史杜 拯豐城
進士

泛泛盤江三月天一蓬瘴雨夜即船渡頭草樹雲垂
鎖袖裏檳榔客自憐太液恩波勞夢想劍池春水隔
風烟臨流此際情何限極目湘雲思渺然

盤江橋

張鏡心

萬里盤江裂地來巨靈掌劈半山開波騰斷峽虛蘭
楫石咽濤聲走怒雷湧霧迷漫千嶂合穿雲繚遶一
龍迴從今人渡金繩上共賴君饒濟世才

鐵橋告竣志喜

崇禎右叅政
左布政使朱家民曲陽
舉人

牂牁形勢向雲盤山挿層霄萬壘寒地險難容江立
柱神工止許鐵爲欄人從蜃市樓中現我在金鰲背
上看三載胼胝今底定伏波銅柱照噴噴

橋工竣次第建石城十一座告成志喜 朱家民

書破青山路一條走鞭飛鐵去來遙礙天岩樹冬先
發鎖磴溪雲晝不銷耕鑿止聞歌帝力車驂不復畏
兵驕金湯聯落皇輿鞏盡職何功敢任勞

喜鐵橋成

雲南左
布政使潘潤民 貴陽
進士

黑水由來波浪狂何人石上架飛梁千尋金鎖橫銀

永寧州志 卷十一 藝文下

十一

漢百尺丹樓跨彩鳳可信臨流無病法因知濟世有
慈航瀾江勝蹟今重見遺愛謳歌滿夜郎

關索嶺漢將軍廟

四首

崇禎安
普道王珣 廣安
蔭生

鳶飛殊不渡危岑漢壘荒荒六月陰滇海嵐間搖滯
蕩蒼梧樹杪護幽深卒瘁父子中興業幹蠱君臣曠

代心容易千年柯檜老時聞風雨作龍吟

勞人節鉞已東流父老相傳頌未休史氏不妨多軼
事人心常自繫炎劉巖關鑿翠因畱姓殺氣驚蠻未

偃矛獨笑漳河狐兔盡黃鬚何地有松楸

當年闔外鼓南行回首岷宮是未央
宛馬徒聞疲首藉冽泉今見侵苞稂

廟中有馬跑泉

但知臣節風霜苦豈計

勲名日月光世道升沉皆有數
從德耳食史臣荒詎聞漢賊置前禽
南伐先教壯羽林宛洛壺漿方引
佇祁山討檄豈浮沉不貪銅柱千
年調惟揭春秋大義深一自紫陽扶漢朔
君家生氣益森森

飛瀑泉

嘉靖癸卯官知府

楊秀冕

銅仁人

雪乳泠泠濕翠衣水晶珠箔夜生輝
雙流漱玉巖邊出正練橫空樹杪飛
川谷草香仙鹿過石潭雲淨毒

永寧州志

卷十一

藝文下

十一

龍歸武陵歲歲桃花發幾度漁郎問釣磯

國朝

關嶺

康熙二年按察使

彭而述

鄧州進士

將軍遺廟噪棲鳥攬轡青山日欲晡
短碣蝸涎苔剝

落虛堂鬼火樹凋枯箕裘遺恨三分國
將相辛勤通志

作社禮

纔成五月瀘却喜山河蒙姓字長留漢月接成都

白水河觀瀑布

蒙自潘縣令

馴

貴陽舉人

百尺谿舂挂玉虹飛濤濺沫雨溟濛
散爲霧氣晴處激作雷聲響雪中潮上
錢塘無此壯河傾碧落幾

時空坐來神骨無何有消盡寒巖一壑風

盤江

程封

盤江中斷鐵橋開乍見心驚首欲回誰遣鬼工排鳥道直教天塹走龍媒如雲戍卒防秋去盡地金錢轉餉來聞說波流通緬甸河源萬里令人哀

象鼻嶺

康熙二十七年貴州巡撫田

雯進士

半腰泥滑野風昏樞刺藤梢不可捫石隘空懸二分足雲流浮動一山根行僧手拄桃柳杖飛鳥烟埋斂老村日暮虎行鬼相語吹螺打鼓亦消魂

永寧州志 卷十一 藝文下

五

白水河瀑布

康熙六十年雲貴總督

高其倬進士

倚空蒼壁削青銅赴壑懸河掛斷虹驚馬萬蹄巖陣鼓綿雲百簇揭天風常凝靈氣棲神物自闢龍門謝禹功爲有西疇千頃在餘波不逐逝川東

關索嶺

雍正四年雲貴總督

鄂爾泰進士

萬疊千盤望裏尊精藍小結劃嶙嶙從知漢室擎天手舊是祇園出定人一息靈光歸淨土三分霸業痛元臣丈夫大事惟忠孝休向楞伽更問因

關嶺

順治石附府推官

許延邵進士

西南通道漢時功嶺勢猶依一姓崇雙廟闢雲呼父
子百蠻羅地拜英雄樹盤古路將軍懋碑認前朝外
史工駐馬關門懷往蹟亂峯回首夕陽空

關嶺

許纘曾

驅車萬仞白雲邊遙憶南征第幾年
錯馬乍開蠻嶺瀉鳴刀親記漢山川
秋風九月搥薪籜石碣斜陽閉
毒泉今日諸羅俱作使廟門清闕寢狼烟

宿頂站

許纘曾

歷盡千峯路轉迷行來復上最高橋
黃昏漸訝長庚

永寧州志

卷十一 藝文下

三

近夜半還看北斗低九月披裘遮甕牖
千年零雨濕山蹊登臨莫話重關險

帝德於今到水西

白水河

鎮寧 周德昌
廣文

古洞深藏太乙仙白雲擁作水晶簾
高懸玉板封幽地直挂飛虹不繫天
何必層樓通海市却連雲漢是
河源星槎未許冲牛斗霹靂沉沉一縷烟

盤江

乾隆三十
五年州牧 劉鴻誥
荆州進士

兩崖逢東一江流天半長虹敞不收
鐵鎖連雲鰲竅

寂朱樓八戶鶴悠悠磨崖誰鏤仙人恨題柱難消容
子愁笑我秋來無箇事漫從飛整騁驕驪

白水河

鎮寧 余上泅 庚辰 餘元

後素何如太素踈山靈古玩一河圖溶溶日影飛霜
練豔豔蟾光挂玉壺潤底有雷翻落雪崖前凝霧白
成珠坐間耳目皆新異洗得塵氛過半無

永寧紀事

四首

乾隆三十 二年州技賴 晉 廣昌 進士

陽春十月到查城一路烟雲脚下生關嶺峰蒼名將
壽盤江水濺洞蠻清三司六馬穹廬舊夏麥秋禾百

永寧州志

卷一

下

二十三

縫耕使者採風籌策處苗穉趨伴衆山迎

兼山隨筆署門房

署後中廳 禎兼山字

小砌沿塔到曲廊城闔

兩門堪對語峯高六月尙生涼井泉有線誰相引山
木何年竟一光欲擬冬官疏植法掇穰粟土換苗彊
亭亭翠蓋碧絲條經畧南征局度臺窩室何妨如斗

大石龍關小 石龍關小

行軍真不折秋毫一家忠勇丹心共大

事寬嚴隻手操春去春回休沐少

經累傳忠勇公恒 已丑三月十九日

赴滇庚寅正月二十 六日鄭旋均驛站 雷轟阿瓦藪遁逃

疲於奔命非爲困數到一錢豈日貧刺史居官剛十

季永衙傳板赤三旬

坡貢距州治五十里駐站部署兵差計二年餘

世無豎

亥飛仙步

扣關公文踰三刻以上者鐫紗

棧葉鹽車負重身博得清

泉流丙澗

坡貢井濁曰汲丙澗泉數升

頻年挹注味相親

無花菓

乾隆甲午州牧蕭梅年

颶山進士

紅酣白戰競爭榮果以無花獨擅名世外繁華憑夢

想箇中佳味貺神清掇殘玉粒柯垂熟滴罷瓊漿蒂

結成逸品由來標格老春風秋雨一枝擎

關嶺接天

乾隆四十年州牧王潤

元和貢生

關嶺曾聞勢接天我來攀躡淨塵緣幾無蒼翠齊山

永寧州志

卷十一 藝文下

詩

頂祇有烟雲繞殿前青史三分垂相業丹心一脉羨

家傳綠何漢代留遺迹疑信難憑意惘然

騎橋古木

王潤

森森古木植橋中對峙參差西復東半面薜蘿含黛

色全身鱗甲動溪風心堅未必巢山蟻業茂何妨宿

海鴻聞道山靈憑指點至今棠蔭謝神功

關嶺謁順忠祠

李天英

四川舉人

奮迹孤忠萬里行誰將往事問南征雲藏碧殿隨鐘

出雨洗楸花

嶺多楸樹花如凌霄

照眼明劉氏犬豚名久沒曹

家父子繫空橫那知四十三盤上白酒烏牛兩地盈

谷雨寨石笋

知縣補浙江鹽大使李瑛本州舉人

不斷羣峯檻外連亭亭一笋翠微巔深根峭拔疑無

地勁節高凌欲上天我道雨珠常得有成都記雨過石笋必有小

珠諸將海眼快相傳杜工部石笋行古來相傳是海眼孤撐華表棲

神異雲際頻看老鶴眠

前題

胡超本州舉人

層層石笋翠雲連偃蓋虬枝古有年雪滿空山呈玉

笋日臨曠野耀金鞭不愁成竹何勞咒便欲呼兄且

學顛漫道游人攀躡易須知此是一擎天

繁花河

直隸衛水台陳宏爵本州舉人

清溪幾曲抱村流細浪魚吹綠滿洲弱柳千條連驛

道小桃一片擁書樓情田有獲資誰灌淨域無塵好

自由更得芳尊沉醉後落花流水古今秋

白水河觀瀑處寄書雲南友人 修武謨

車塵馬足各西東小憩觀瀾古寺中萬丈銀濤驚過

燕數行錦字寄飛鴻樓因近水風常滿山不遮雲氣

自通問訊前程都說遠遙看一路杏花紅

紀劉曉村州尊德政

候選修武謨本州人

一曲雲璈奏九天鳴琴餘韻

學使錢伯瑜先生題永邑維風書院廳額

郎傳先生到處開文運

先生蒞永邑五開時鄉會中者甚多兩處文風蒸蒸日上

多士而今勝昔年滿院花陰無犬吠中庭月上有魚

懸蓬盡畫永祥煙靄五色絲綸煥日邊

風送清芬滿路馨兒童竹馬擁山亭推誠與物心何

赤破格憐才眼更青典重膠庠宏雅化身為模範樹

芳型

先生創建書院親主講席

甘棠蔽芾春暉暖萬井權騰頌廟

星

永寧州志 卷十一 藝文下

三

無計琴轅感慨長更隨星轡到黎陽桑麻遍野春膏

潤蘭芷同依玉樹光

武侍先生至開幸與蘊平世兄互相砥礪

世仰循

良歌召杜俗敦禮讓話羲皇眷懷前此從遊日教養

恩深景必堂

景必堂五開署中舊廬也其年月俱無可考先生蒞開時題匾額誌之

滿抱中和樂性真文章事業老精神先生勤政愛民到處一轍精神

尤為康健一心獨造蒼生福四座常留太古春穩步無須

鳩杖健怡顏最喜鳳毛新

爾緒世兄壬午秋七月永寧州署內生也今甫六歲

解誦

唐詩霞觴競上岡陵祝舞蹈情殷逐後塵先生年已六旬並祝

榮

紀劉曉村州尊德政

候選知縣楊茂材本州進士

琴鳴單父証前身宓宰徽猷契合真先生世居單邑其政治與前賢

雅相符契半讀半耕邨外畫一絃一詠座中春東山道蘊

源流古南國風薰草木馴築徧生臺天不老永開兩地皆奉

生祠馨香俎豆士民親

隨車膏雨沛查城一路甘棠聽頌聲元氣渾涵春在

抱淡懷虛靜月常明民情入化真淳古王道無偏自

蕩平卧轍爭番番不得先生去永父老赴省保番慈臨行攀轅祖帳泣下數行

雲望虛藿心傾

永寧州志卷十一藝文下

三

歸然獨抱典型存多士羣瞻北斗尊地關荆榛開藝苑

苑永邑爲黔中僻地先生爲設書院主講席先風香桃李蔭花邨亭前問

字人俱肅榻半談經烏不喧衣鉢流傳誰繼起名山

鄭重語心源

講畫憑教絳帳欽經年風雨共追尋投將沙磔頻鎔

冶材受業時文有不當轍數易其稿先生不以爲瀆受以裁成妙度針議論

淵醇今古蘊指歸條貫聖賢心瓣香回首情深處夜

靜聲高月滿林

五言排律

國朝

乙未過盤江橋

吳中蕃

禹跡所窮處，桑經未盡書。來從火墩腦，輪委沃焦墟。
劃地千山截，縫空一線虛。纖腰豁窈窕，珊骨虹縈紆。
若水同牽引，城廡異紡練。術因蛛網得，想自鵲巢攬。
金石交何固，鈞陶理或如。縈維驚水怪，繩臆躍仙好。
濺沫難爲朽，奔濤自覺舒。飄飄真御氣，蕩蕩欲持襜。
迺悟柔之勝，還思動不居。昔人勞割始，萬古險夸初。
直欲身康濟，羞貽世拮据。念窮高岸後，力借補天餘。

永寧

州志卷十一 藝文下

三

完毀疇能必，依資竟莫除。無煩鞭石鈍，遂免望洋趨。
樞紐尊前範，遮闕警後砌。依然臨板屋，猶似在乘輿。
飛跂凌翬鳥，蠓蠕擁螂蛆。波紋分組練，鱗介被犀渠。
麗寫潛虬窟，竒停過客車。還思度索險，應笑鎖江踈。
五言絕

明

羅甸曲

正德辛未 楊

慎 成都

蠻樹不凋葉，蠻雲不放晴。長亭望不見，何處是查城。
初至永寧

解元官 許邦才 應城 長史

風塵誰自料花鳥故相猜問是山東客何由萬里來
國朝

查城曲

林華皖

樹樹山楂子蕭蕭頂箐城四時常黯淡祇聽暮猿聲

盤江曲

林華皖

古渡千盤水連雲一望城守橋諸將在枕劍聽江聲

查城卽事

謝庭薰

手撥查城霧新聞頂箐天璫琴歌一曲餘韻滿山巖

無花菓

吏目借補原
武縣典史

周景旦 州人

永寧州志卷十一

藝文下

七

走馬摘春華春華不願奢超然羣品外世界自花花

七言絕

明

啞泉

謝三秀

貴陽明經

人云啞者泉之忒我云啞者泉之德早知世上如流

口何不一飲長嘿嘿

黔中曲

朱茂時

疊嶂曾無三尺平盤江狹處鐵橋橫

裙窄袖花蠻

女寇在鞞韃索上行

國朝

盤江橋

彭而述

鐵橋黑水舊知名天險曾當百萬兵
試問臨邛持節客當年何路入昆明

頂箐

許延邵

新種瑯玕翠幾重
疎枝密篠縮清風
使呈走馬紅塵外
刺史彈琴綠箐中

啞泉

水深二尺許大旱不消大雨不長

田雯

一竇云沄碧沼連
直從石壁瀉潺湲
世情不欲多饒

永寧州志

卷十一 藝文下

三

舌拚得山腰飲啞泉

鐵鎖橋

鄒一桂

豈徒騎馬似乘船
鐵索橫橋欲上天
正是扶風搖不定
怒濤飛吼起龍眠

十二峯頭鎖玉關
八牛植柱屬連環
盤江萬里溷黔界
一道長虹控百蠻

鷄公嶺

鄒一桂

山形靄靄是晴天
半背童兒帶雨眠
此日青疇喜沾足
數峰烘出米家巔

誰能潑墨畫高峰遠近烟巒試淡濃我是九龍山下

客一幀煙雨嗣南宗

按二詩從山水觀我畫冊中錄出

鳳凰關

乾隆三十一年學正李肇基

清下舉人

關上何年集鳳凰峯高時見五雲翔通滇驛路新開

關氣象於今更鬻皇

查城八景

鐵橋跨漢

胡超

貫索連環曳半空一江流水一江風從今走馬天臺

上不數樓船習戰功

永寧州志

卷上藝文下

差

三獅拜象

朱

絃

本州貢生

捲起風雲入壯圖一峯蜿蜒衆山扶登臨絕頂憑回

首吞象怒貌識得無

雙塔凌雲

安化縣訓導

吳

擢

本州貢生

雙峯恍似鳳鸞翔秀挺辛方與巽方直上千雲培土

氣我思賢牧頌甘棠

關嶺接天

清平縣教諭

吳君爵

本州副貢

將軍匹馬向南征此地曾傳駐漢兵刁斗追呼行不

得關中愁聽鷓鴣聲

半嶺瓊漿

直隸晉州州牧

周景濂

本州貢生

聞說王孫蜀道來雄心破虜等摧灰望梅莫解三軍渴何日征蹄得意回

騎橋古木

藍士柄

本州優廩

我聞拔地千尋少又道擎天一柱難幾見此龍橋上駕清溪不斷水瀾漫

石雞唱曉

郭永琮

本州貢生

夜半雞聲亂石聲行人枕上夢初驚高山唾起朦朧眼幸度關中不數鳴

永寧州志

卷七 藝文下

三

白水沉犀

王洪鎮

本州貢生

燃犀自可燭深渚此渚疊傳有伏犀檄得三千分水手怒潮隔斷夜郎西

馬跑前山居八景

安國永

松風掛月

寺後小石岡佳木葱蘢中尋高出林表枝葉蒼翠望若盤龍

老松合圍引初湧適挂

其巔

松林雨霽月當頭滉漾金波不定流捲起珠簾相佇望誰家粧鏡未曾收

西嶺斜陽

門對西山諸峯秀羊夕陽斜照萬象蒼茫

陡然落日萬山低，倒影蒼茫望轉迷。惟有羣鴉貪暮色，飛飛掠過灞陵西。

林密春鳥

寺左有客菁春間萬木陰翳鳥聲碎耳

曉起黃鶯薄暮鷓鴣聲，啼澈翠屏巔。多情欲解禽中語，

一路青山送管絃。

池沼松篁

寺前有魚池方圓半畝，泉水澄澈，旁植松樹，相映甚佳。夏月尤勝。

半畝池塘清且漪，松篁掩映水之湄。綠波蒼翠濃於

梁，幾度臨風未忍離。

天臺聳翠

山城中有危峯矗起，下臨無地，春夏之交草木際天，登之如在雲表。

天台草木盡凌霄，峭壁蒼巖倚泐濠。會得此身登絕

巘，人間那復問漁樵。

石洞來仙

山有石洞，敞朗曲折，通十丈餘，石像羅列，雜鋪苔蘚，時有白雲來往，因以來仙名之。

閣闢乾坤一，洞開清幽不減小蓬萊。仙源未許紅塵

到，惟有白雲任去來。

山城古蹟

寺後半山有古石城，背爲土官所居，今址尙存。

危峯隱隱石門斜，二月山城盡草芽。借問主人何處

去，一村烟火又誰家。

玉峽飛湍

寺右一水長流，玉峽湍激，落於深潭，聲聞數里。

曉巖險絕勢崔巍
浩瀚奔流注壑來
冽石噴雲聲震
遠驚濤常吼地中雷

盤江鐵鎖橋八景

林天育

鎮遠廩生

雄關天險

盤江當滇黔之衝
參政朱公建城其上
山勢陡絕下臨深淵
誠天險也

鳥道迴環彎復彎
江流一派鎖雄關
將軍不信飛難

渡况有蓮城十二山

石磴凌空

地勢險峻山徑迂迴
拾級而登如凌霄漢

飛虹斷處接長空
九折三盤路又通
石棧鈎連梯直

上人遊山頂步雲中

永寧州志 卷十 藝文下

青

蓮城古渡

城北五里水勢稍平
未建鐵橋設渡於此

江水悠悠一綫穿
臨流喚渡幾多年
而今但有烟波

在不見江邊繫客船

鐵練飛虹

兩崖壁立鐵索凌空
金碧輝映望若飛虹

何年鑄鐵掛飛虹
險奪關津第一雄
枝比屠龍真不

減安排煉石補天功

垂楊金線

江邊多植垂楊春
風搖曳儼如金線

誰家織女懶拋梭
卻把新絲到處拖
惟有黃鸝機杼

巧織成錦繡遍山河

崑孕石鐘太子閣傍陡壁削立豁開峭絕中結石筍扣之若鐘磬之聲

山川鏘秀結靈胎玉筍腰間迸裂開道是梵宮昏暮

後疎鐘幾杵澈天台

江濤雷吼順流一里名巖江口水勢洶湧聲如雷吼

千層雪浪湧潮生江水茫茫勢不平渾訝片雲頭上

黑翻從澗底吼雷聲

石號嘶風江邊有巨石中空一竅以口吹之聲傳幽谷土人名之曰石號

騎馬長亭渡板橋驚聞石號馬蕭蕭自然天籟機相

引一曲清風此處饒

永寧州志 卷十一 藝文下 三五

丙申夏日課維風書院士子以關索嶺鐵鎖橋晉節

洞白水河為題試作絕句四首 黃培杰

四十三盤絕頂看鷄公象鼻小如丸馬跑依舊流雙

峽何處南征漢將壇關索嶺

建策能為天下奇匠心獨運險成夷登橋試望花江

水記否當年公渡時鐵鎖橋

巖疆有婦性堅貞誓死從夫不避兵血濺香埋何處

塚洞能畱節勝畱名晉節洞載通志其夫姓名失傳

犀潭飛瀑挂崖陰雪浪高翻水百尋幾度憑欄觀不

厭愛他清白可盟心

白水河

關索嶺

燹

嵯峨直上萬峰巔
漢將登臨不計年
霧連山不改英名千載紀
南天

白水河

銀河倒瀉下驚湍
萬壑雷轟珠落盤
足練長懸光似雪
輕飛細雨逼人寒

雙塔凌雲

塔勢崢嶸不可攀
南峯遙對北峯環
烟雲莫怪長遮

永宣州志卷十一 藝文下

三

護聳拔由來玉笋斑

松風掛月

密密深林月影穿
松梢斜掛正團圓
却嫌細葉頻遮掩
猶使清光照未全

關索嶺

州吏陶文量

羣山環列盡巍峩
躡足登臨轉處多
直上青霄初縱目
撐天峻嶺插牂牁

留節洞

不敢偷生重此生
欲畱節義覺身輕
洞邊松柏青青

邕一點貞心照太清

關索嶺

修武謨

漢臣破虜關雄關眼底全收嶺外山戰馬功高誰第一
一萬年禋祀白雲間

鐵鎖橋

江樓隔岸跨長虹策馬登橋欲御風路出盤山皆古
道頭將鼓鑄贊元功

雷節洞

梅子關西古洞幽避兵貞婦節常雷黃沙白石埋香

骨芳草年年綠上頭

白水河

風雷空際送濤聲高閣雲飛遠樹橫千尺水簾常不

捲前川明月照人清

補修灞陵橋落成

侯榮封

本州舉人

橋成何代始何年補葺全憑衆母贖浪湧前朝多少
事斯橋又幸樹參天

盤江橋

兩岸青山繞綠波無舟欲渡喚如何是誰巧把長虹

繫始信先生利濟多

無花果

沈宗濤

本州副榜

芳華閱遍竟如何此果無花結子多玉樹瓊枝春不老從知繁艷愛消磨

福德藤

一徑交通望裏深週圍掩護綠蘿陰於今蔭庇甘棠遠百姓謠思常繫心

續刊

明

永寧州志

卷十一 藝文下

三八

盤江驛阻雨寄門人汪維

嘉靖時江西左布政使

徐中行

長興進士

天連益部長多雨路出盤江况毒淫春早蟄龍蒸赤水夜深山鬼嘯青林已憐道遠妻孥累更恐年衰瘴癘侵吹笛哀生應好在懷予堪和武溪吟

國朝

關索嶺

高文良公繼室 蔡

琬 遼陽人

山從絕域勢遙分天限西南自昔聞烽靜戍樓狐上屋風喧古木鶴驚羣橫盤石磴危通馬深鎖雄關冷護雲叱馭昇平猶覺險揮戈誰憶舊將軍

鐵鎖橋

雲南詩信

超

遠

字心壁

萬山誰劃斷一水界東西地壙風逾急天低雲易迷
半空橫鐵索千尺跨虹霓我欲橋邊宿江猿休夜啼
按以上二詩從 國朝詩別裁集錄出

白水河觀瀑布

乾隆乙酉
黃平訓導

陳文政

貴筑貢生

君不見匡廬瀑布望瀟瀟水勢橫絕歎觀止詎知一
臂伸巨靈扳落銀河黔山裏乍疑巴雪湧日流忽驚
素雲從龍起玉齋羞短海上足白虹恥小空中體射

潮駭莫過其波照水犀難見其底萬珠璣幕天高

永寧

州志

卷一

藝文下

五

四時霹靂風雨駛但得有聲兼有色安問何終而何
始水流山峙天知仁仁靜知動我山水天地之大無
不包靈異所經能有幾吁嗟兮造物之神神若斯斯
水之奇奇乃爾活潑可惜在荒南荒水哉水哉誰領此
願得有力挾將去移置飛濤同 帝里

關嶺

夫豈猶人子赫聲漫有涯麟經還讀魯虎翼更飛巴
忠孝傳千古英雄自一家關常留日照廟不碍雲遮
思漢渴生井望荆悲起笳嶺非虛冒姓踵武震中華

雲亮山

艮止於斯峻迤南一望通陰晴隨變化邱壑盡玲瓏
松古龍鱗碧山深雲氣重無心常自出有色又何空
結蓋懸州治爲樓近

澤宮扶搖鵬路上同欲亮天工

瀛洲山

策蹇永寧道探奇興轉悠鐘靈仙島孕嘉瑞五雲浮
世易羣英往形求遠服畱幾時開玉署何地不瀛洲
分捧金章麗相看赤烏稠別題學士傳恍更起同遊

永寧州志

卷十一 藝文下

四

石楊琴音

永寧碕中石床
坐之有琴音

古碕雲深處中橫小石床運精成鬼斧滴乳帶瓊漿
獨抱囊琴枕無驚宿鶴翔月沉含素縵風動觸清商
仙令武城化元歌文教鄉詎同凡響聽夢入鈞天行
啞泉

利渴遑思害惕然古啞泉阿誰替一誤何代又重瀆
案旣失聲斷戒非流口偏無絃琴坐對解語鳥飛還
堪療笑中劍不生舌上蓮別愁甘飲者貪水益垂涎
白水河觀瀑布

飛濤轟落勢吞雄巖壑爭鳴震碧空映日常留千丈
雪爲霖直藉一番風山腰玉蝮何年繫天上銀河此
處通不到匡廬觀望後那知別有畫圖工

盤江鐵鎖橋

瀾滄鐵鎖較如何利濟爭將舟楫多一綫高空縈宇
宙精思百鍊鑄山河流斷峽磯邊疾人在飛鯨脊
上過共道盤州無險阻迤南聲教接江沱

關嶺

南下神兵走百蠻將軍英武突無前亭中霜冷鐵校

戟嶺半風生馬跑泉是父聲襁好胆裂難兄誓拚紫
鬚拳紅粧一隊柳營下同佐中軍鮑女賢

無花果

無花樹上果離離爭似碧梧甘露垂那識河陽車一
載蜜囊先已失交梨

鐵鎖橋

萬丈峽流一線通人從雲際御長風分明織女鞦韆
索倩作飛橋挂碧空

三岔河

劃破雲溪分道流，乘槎我欲訪河頭。
朝宗好合三江浪，終古神山日夜浮。

啞泉

限聾字

礪水何能舌劍雄，食泉如誤真辭窮。
世間那復金人口，社酒紛紛且治聾。

雞公嶺

碧雞靈化與雲齊，曉望山行興不低。
安得芸窻歸臥月，喚人起舞一聲啼。

九盤坡

六盤州志

卷十一

藝文下

七

九曲盤空天際頭，鳥飛不過人何遊。
虛教名利窮途客，一度峯迴一度愁。

永寧吳烈女

州民女幼聘某室爲
豪家謀娶遂自縊

欲富敢懟父母恩，劫盟弱質淚頻吞。
靡他一死酬天壻，藿穽日空歸烈女魂。

永寧吳節孝女

少聘周室未娶夫卒往弔
雷事翁姑翁姑死歸養父母卒於閨中

夫死往家養姑舅事畢還閨奉所親。
千秋大義良如此，完得幽貞一個身。

按以上古今體詩十七首俱從陳冠山詩集錄出

紅巖諸葛碑

黃培杰

八里橋東山巖跨漢摩霄懸磴級上有紅巖諸葛碑恍若赤城天際立當年籌筆平南蠻渡瀘之師出

巴峽開闢善道來安營相傳此山曾曬甲通志諸葛營在永寧

州紅巖山麓方塘百尺深俗呼孔明塘軍行苦熱羣相汲殘旗

故壘不復存攀籐捫葛空登躡仰觀赤字三十餘研

朱想見揮毫捷天生此巖色本紅丹質頰文殊不雜

大者如斗小如升不雕不琢難摹揚有如蒼頡始造

字鬼神中夜相聚泣有如大禹鑄九鼎魍魎魃空

山懾又如岐陽石鼓文功成鐫勒中興業迄今歲厯

千六百風霜不改字中挾有客剗剔苔與蘚斷石缺

畫愁難接豈料剝落寸許深仍露朱書猶帶濕乃知

下筆有神助力透堅珉同什襲吁嗟乎出師未向褒

斜去攻心先計炎荒急縱擒豈爲示神奇要使南人

皆竦龔夔童笮馬供鞭驅烏羅銀何效臣妾瘴雨全

收兵氣銷至今頂站民風輯灞陵之水清且漪磨巖

紅映祥光疊歐陽集古歎未見劉攽博雅非素習陸

離譎詭不可識白雲一片倏離合

白水河借兩第暨同人觀瀑布

楊茂材

天下之大半山水黔有白水渺焉爾天開奇景置其
間遂令輿圖誇勝紀絕壁橫流勢倒懸晴空雷吼走
雲烟翻盡衆水常格局觀者一見心豁然騷人墨客
爭題咏匹練珠簾形不聲勢以凌空景愈奇此境由
來非恒徑吁嗟乎觀海難言莫由間渡望洋向若驚
愕怯顧龍門之浪廣陵濤恣肆汪洋憑鼓鑄洞庭彭
蠡足大觀西湖蓉江多佳趣惟茲盈盈一水乃能飛
行絕迹爭美廬山瀑布從知天地大文章一一各自

永寧州志

卷七

藝文下

四

成家數眼界放開心源活縱觀宇內皆潑潑

題灞陵橋古樹兼誌橋成

灞橋甲子遠難悉烟水茫茫莓苔碧椎鑿石痕都剝
落時人能說神仙蹟橋頭有樹質蒼然精靈與橋共
大年老幹橫披枝葉密磅礴鬱盤勢踳躓靈根布蔭
數丈餘縱橫上下疑有神工之斡旋曾不受匠氏斧
斤尋尺裁又不若深巖窮谷老不材平陂往復經關
幾人世長此婆娑掩映蔭庇行途往與來剝史樂與
人爲善重固此橋永不摧甘棠流風餘韻斯在哉

關索嶺

峻嶺峩峩接天碧鎖鑰滇南雄關關數百年來歸版
圖到今想見古人迹蜀漢武侯起征南關氏將軍佐
戎驂指揮叱咤風雲變偉哉虎子真奇男南人不反
功已成此嶺長記將軍名廟畱遺像鐵戟古摩挲真
戛猶有聲當年軍行渡瀘水將軍或未經過此靈爽
在天功在人人心思慕深仰止嶺半馬跑泉流香嶺
之東兮孔明塘欲尋芳踪何處是余懷渺渺白雲鄉
遊妙明洞紀懷

黔南多名勝首紀飛雲巖驪車曾眺賞得氣本不凡
位置近通衢題咏滿瑤函嶺邑之西秘異境宏厥瑰
奇妙馳騁靈氣積空結雲根平地直現蜃樓景綴步
紆迴厯苔石徘徊俯仰遠璇室方疑鬼斧壺神工旋
覩光天與化日厯開平陸收奇詭蔚藍掩映烟霞紫
柱杖倚巖閒顧盼自謂前途觀已止灑灑洋洋多游
興忽聞笑語空中應詎知洞天又重開別有瓊田瑤
島潤使人到此眼迷離幻之幻兮奇之奇乾坤靈蹟
神仙宅胡爲不與勝地相壺垂白雲流水蒼烟薜蘿

象鼻嶺

山勢特崢嶸人來象鼻行一灣流水暗幾處落花明
地有三獅拱城無百雉橫松杉延路長萬壑滿秋聲
白水河

侯榮封

不染塵埃景最明出山依舊在山清何年天上銀濤
落鎮日峯前雪練橫品到無瑕方異類心因有味久
同盟每當月色交加夜俗障全消道念生

無花果

修武謨

結實飽烟霞春風別一家天心珍碩果不肯逐繁華

永寧州志

卷十一

藝文下 原書缺四十六 四十八 四十九

梅子哨

梅花香不絕嶺外烽烟滅荒城古戍空月照寒關雪

關索嶺

楊茂先

英名亘古鎮南天想見將軍破虜年瘴雨蠻烟今盡
洗嶺頭秋淨月常圓

白水河觀瀑布

九天雲錦瀉晴空白水橫飛妙化工助我文潤翻不
竭瀛洲擬借一帆風

白水河

邑庠 吳黃邦

望水亭觀瀑布

邑庠楊茂育

濤聲隔听渡江樓小坐悠然審遠眸翠壁橫飛千丈
雪銀河倒瀉一天秋乾坤清氣曾能幾宇宙奇觀此
是不爲憶青蓮仙咏在壯懷擬續廬山遊

晒甲山

楊茂先

晒甲爭傳舊日名居人猶自說南征而今安享耕田
樂早晚山頭課雨晴

山頭霧結卽雨占之輒驗

鐵鎖橋

神工鼓鑄妙經營鐵鎖橫空砥自平險阻渾忘心亦

永寧州志

卷十一 藝文下

兒

坦兒童歌笑聽江聲

無花果

楊茂材

蘊含精實歛英華風雨名山有一家雅有清芬晉至
味羞將藻采鬪凡葩瓊漿飽釀三春露丹質頻烘五
色霞醇品由來

天府貴

彤墀登獻拜

恩嘉

關索嶺

邑庠龍天錫

漢將英名遠雄關保障遑峯高攀幾許氣壯鎮無邊
勝蹟昭千古諸山渺一拳南征功尚在廟貌認雲巖
白水河

銀河倒瀉落晴空百丈飛流入畫中地不轟雷聲自
奮濤常落雪態彌工犀靈靜伏潭凝碧鳥影斜侵嶺
射紅小憩憑欄添逸興好將名勝貯詩筒

白水河

邑庠張紹本
生

夾岸飛濤散紫烟噴珠濺玉滿前川天風不斷雷轟
地山雨頻來雪湧泉浪鼓層潭看鯉化波搖斜日照

永寧州志

卷十一

藝文下

五

犀眠匡廬面目應相似圖取真形付錦箋

晉節洞

邑廩張紹德
生

拚將一死爲夫酬碣口斜陽照古邱寒雪梅花香入
骨芳名應與白雲晉

關索嶺

萬仞雄關勢接天將軍夜度靖蠻烟而今艷說南征
事風送泉聲樹杪懸

晉節洞

張澡

盤鬱嵯峨萬仞巔林菁幽深仄徑穿上有蔚藍尺五

天照見佳人節皎然佳人避難自何年嶺南嶺北警
烽烟將軍勇士不敢前屯蜂聚蟻繞碣邊螻首蛾眉
眞可憐視死如歸割斷絃春郊荒草長芊綿夜雨聲
聲泣杜鵑

灞陵橋

邑廩生 劉金臺

風雨經年古樹橫白雲深處曉鐘鳴行人坐聽橋頭
水隔岸春濤送遠聲

效明洞

錦帳雲屏石笋擎曇花飛雨作禪聲凌虛箇裏元功

永寧州志卷七 藝文下

五

姝十丈光明別洞生

灞橋遇雨

邑庠生 張式南

兩岸危峯隔小溪嶺雲春樹雨中迷灞陵應有慈航
便普濟無勞羨竺西

曉行灞陵橋

邑庠生 李枝青

野店茅簷接岸低橋頭古樹護新隄鷄聲曉唱關前
月好照征人過嶺西

查城八詠

維風書院山長 李逢春 安平舉人

匡廬飛入古黔州宇宙奇觀望裏收映日鯨綃懸水

國射潮鼙鼓戰陽侯千條雪練濕眸處一片水壺在

抱秋好把青蓮高詠比銀河猶落桂香樓

白水河瀑布春乙

未秋關雋倖詩題乃疑是銀河落九天亦詠瀑布也

迄今三年依然碌碌偶經白水又見匡廬爰寫此以

志感

經霜飽雪碧沉沉永共長橋閱古今此日蟠根穿石

罅多年遺愛比棠陰戰酣風雨虹流澗送罷旌旄風

在粵國幹從來無弱植蟾宮老桂卽知心

灞陵橋古木

五山六合萃精英鼓鑄宏開偉績成補幹元功憑赤

手彌縫絕險濟蒼生金波直湧來奔馬鏃綆橫拖鎖

永寧州志卷二藝文下

壘

怒鯨北闕南天逼道久澄江兩岸慶昇平

澄江鐵鎖橋

登峯猶憶漢將軍屏障滇黔共策勳嶺嶠曾無鷲跼

地山高自有客凌雲松風竹月眞娛我石棧天梯屢

喚君最要留心躋絕頂前途佳趣久知聞

關索嶺

躡電追風戰馬來三軍休望嶺頭梅氣冲牛斗雙躡

健水湧珠璣一鑑開泉脈詎輸駝識得天漿休使士

携回長亭古寺陪仙境留與詩人矢妙裁

馬跑泉

雙撐文筆五雲邊高與奎光壁彩速得勢健鷗盤絕

頂摩空老鶴舞危巔應知多寶鍾元白休對浮屠羨

佛仙不信但觀僧寺塔荆榛湮沒已多年

雙塔凌霄

搏象神威斂最工轉推香象作英雄渡河跡泯甘藏
拙抉石心平反鞠躬鼎峙蠻雲僵霧外首稽高嶺亂
山中地靈自是人多傑遙憶君王正夢熊三獅拜象
昂頭天外首傳聲東海曠曠曉日明有石能知風雨
候無雞不唱鳳凰城展開雲翼峯千疊喚醒塵迷夜
五更羨爾應湖猶小慧期當

盛世効和鳴

石雞唱曉

查城初夏卽事以八音冠首

永寧州學正

金章聘遵義舉人

永寧州志

卷二 藝文下

五

金衣欲破曉寒輕石礎初乾雨乍晴絲機緝縞雲上
下竹梢野馬影縱橫豹將引尊墻腰活字盡封苔蟻
踏平革屐箕衣恬我性木瓜花下放歌聲

關索嶺懷古

御勾府訓導

易學海邑貢生

將軍百戰奮孤忠險奪黔南不世功萬里關山皆保
障一家父子盡英雄峯頭斜挂三分月寺外遙通半
嶺風何處清泉生馬足水聲流出斷雲中

留節洞

邑庠生潘德厚

黔山多秀絕黔地女貞烈查城石洞開中有劉氏節

寬博丈尺餘狡兔築其穴忽聞鑿鼓來夫婦驚相別
徑深難登攀躡足苔蘚齧愁看日月昏追呼聲不輟
貞操本性成仗得心如鐵不受纖塵污願教肝胆裂
偷生亦赧顏守死計非摠香骨沒寒煙子規啼夜血
我來訪遺踪斷碑幾字滅人往洞常留梅花映水雪

關索嶺下蠻村中一婦人化爲虎虎文炳如奪門而出不知所之或一月或數月必來顧其子少頃垂頭鞅鞅而去

按此條見黔書

嘉靖時有雲南觀察陳忠山者籍隸山東自言前生爲關嶺張燦斗張無後葬東山凹外戚姜姓歲時祭其墓一日觀察因公過關嶺小憩龍泉寺坐而假寐恍忽夢至東山凹張墓時姜姓往祭其供品內有蒜與魚陳食之醒語人口中猶有蒜氣乃訪張墓所在及姜祭墓事皆如其夢因詢張何時物故始知其死

永寧州志

卷三

雜記

(原書缺一二)

日卽陳之誕辰後回滇病革命其家屬扶輿歸黔與張合葬焉

明末有遊僧寄錢於關嶺馬跑泉歌笑無常喜作詩其稿散失有人記其二語曰常將赤手扶元化暫着

青袍混市人

此事與黔志陳借句同

關嶺太子閣山連二峯旁一小峯斜撐舊傳嶺南

官多病過此因山半得水病遂愈建太子閣於上今

基址猶存

昔鐵索橋爲寇毀時值嚴冬伐竹夾船以濟歸至春

夏竹節間盡長枝葉覆水面若土植者久之不敗雖云水氣使然然已不根矣枝葉何由茁哉蓋人言往歲多旱林竹頻生花結米若粳糯色微紅而味甘民間多採摘以爲食久之則竹枯遂不復生凡竹花則必旱蓋旱徵也

按此條見通志

鐵鎖橋爲人漁要道順治庚子師入滇從水西紆道潛度橋旁石壁題曰任德

州署西花廳前有紫薇一株不知栽自何年枝幹蒼老上多寄生相傳花開盛衰可卜休咎

募役司永興寺卽大佛寺門外柏二株高各十餘丈對植擬立盤鬱青葱皆數百年物殿前老桂一株高約七八丈圍輪盤鬱團團如蓋蔭及畝餘蔘蘚滿身花時香聞數里

永興寺銅鐘欸云成化五年歲在己丑閏二月募役司致仕女土司長官適由

雞公洞東去百餘步巉巖突起怪石玲瓏有巨藤盤其上相傳爲數百年物一樵夫伐其稍歸卽病久弗瘳以牲祭之始愈乃知此藤爲祟後無有敢取之者

蓮花井在關嶺城外舊傳有方姓神童嬉戲於此井內忽生蓮花一莖故名

福德藤在坡貢西五里大數圍矯若虬龍枝幹盤繞望之如城相傳爲籠泥山神居人每歲祭之

相傳乾隆壬戌年人見一黑虎自州署後山出是日州長陳公逝後查城某病死一晝夜復甦云被拘至城隍座前神數其生平之罪杖責之哀請再三乃許還陽其神狀貌聲音蓋卽陳州長嘉會云

演武廳關帝像係香柏木雕向奉馬跑泉廟內嘉慶

二年移供六枝龍山十六年移供卽岱十八年前守備管繼祥復迎回建廟於演武廳後像甚靈感雕匠某於像之頭面戲加斧削其人卽患頭疼死

壽佛寺在本城大街嘉慶元年二月十九日城東關災延燒民屋二百餘十戶壽佛大殿全燬惟佛座上椽皮一廈僅存神像三尊俱無恙關帝廟後左右廟房同日俱燬惟中閏三聖殿一間四圍均係竹籬竟全存如故本城生員羅運泰羅運貴翁兄連夜造飯次早遍送被災之家道光六年州城復災延燒三百

餘戶貢生羅運昌造飯送如故府尊慶勘災至永嘉
獎之

關嶺姜德重一日釣魚虎突來旁隔岸人大駭德重
仍把竿如常虎踰時循溪而去先是德重之祖思榮
事親孝年五十矣親怒猶跪而受責怡色以承平生
敦孝友周貧乏時稱爲姜善人

康熙初滇撫軍攜家過關嶺騎馬盈街轎內一女忽
爲角勝奔來白牛觸死州長訪牛之主人將加之嚴
刑衆曰白牛主姜善人也撫軍聞之竟弗問前驛丞

高公贈以匾額曰一鄉善士聯曰忠樸一生存古道
善良二字協公評

頂站易景刊族譜置祭田孜孜於報本睦族居喪三
載不飲酒茹葷後遂習以爲常終身齋戒思親每飯
不忘

紙山寨吳振爲人謹厚幼失父事寡母數十年不敢
一言忤之葬祭黽勉成禮族中有孤孩爲強梁者侵
奪振以直道處其間孤孩產業乃得保全

李瑛字白華原任浙江鹽大使素守清潔居官不易

時巡撫莊

諱

有恭以其耄而守約委察鹽井竈商賂

以三百金不受衆謂少又益二百金復卻之歷巡二十四鹽井清操如故七十三致仕惟囊書三駝所居穀雨寨門首有石筍如筆其下石匡儼如硯池石筍竅生楠樹一株四時常青大可連抱乾隆戊午開紅花滿樹是科瑛卽申式因於石筍上刊起鳳二字瑛故後樹爲之枯近復生楠木一株已半抱許矣

侯殿颺州人德器寬厚寡言少怒生平無一傷人語精岐黃有病者相求雖雪夜必往無力者授之以藥

不取資數十年活人無算嘉慶十九年夏四月自視脉息不旺預作木主家人怪而笑之秋七月病甫發公以爲某日不起親朋均未深信後果於某日終自決生死言無不驗亦醫之通於神明者矣公歿後州人有傷寒發黃者屢治不效得遺方一服卽愈道光乙酉科其子榮封中式鄉里咸謂公平生隱德之報關嶺處士王珍號懷樸平生忠厚艱於子嗣家貧開店爲業嘉慶六年有客投宿其家次早去珍於草韉下得韉一中貯銀十六封檢去不使家人知坐待二

更後客奔返卽出還之不受謝五十六歲生子自新
青年入泮四代一堂珍年九十四歲無疾而終鄉里
咸以爲拾金不昧一生盛德之報

張袞募役司人康熙年間明經以善書鳴身間佩筆
墨囊不以一日去性剛直以毆人負罪在省撫軍憐
其才釋之舊書英雄一家額懸關索嶺亭間後被燬
僅存家字某官經此見之愛其筆法載之去袞晚年
不與人事於所居山半結一草亭亭下有泉襲辟穀
之說以水代粒後死亭申時人以爲羽化

藍士林州廩生北口人性瀟灑無塵俗氣工詩畫兼
善琴書別墅構小亭一雅趣天然不假雕鑿自寫爲
圖題詩其上云綠樹千株水一灣小亭孤峙自雲間
此中應有逃名客曳杖時來看遠山襟期淡遠從可
想見

關嶺東八十里孔明塘廣數百尺凝澄淵涵深不
可測有巨魚二長丈餘時出游泳鱗甲映射水光山
色燦若金碧

關索廟有鐵杆一枝長一丈二尺重五十二觔相傳

爲索所遺兵器

黔志載灞陵橋未詳創始道光十六年重修匠人於舊石內得興朝通寶錢十餘枚大三寸許重一兩查歷代紀元益無此二字年號存以俟考

苗俗釀酒貯甕以泥封口中置細竹竿長數尺飲時以口啣竿酒罄則益之以水少頃復成酒味甚甘美名曰啣竿酒陳冠山學博詩云一線春風通甕底半輪弓月射潮來確肖其狀

城東南隅二里許山環如帶秀聳一十二峯體正頂

圓俗名鷄蛋坡相傳上有明沐國公墓今不可考

梅子哨路旁懸巖狀如象鼻孔竅畢具行人夜經其下往往吹風滅火某官聞知令石匠敲去其鼻後不復吹

金龜山後樓舊塑祖師像座間有穴僅容一指有蛇藏其中長尺許色黃見者最利科名歷有奇驗

新修永寧州志跋

植圃先生會稽名宿由銓選官黔南乙未首夏來牧斯土甫下車亟以修學校振文風爲首務因訪州乘紳耆以前廣文謝君廷薰舊有手訂抄本議刊未果積久散軼對先生急爲搜檢得殘編數卷翻閱之下恨不得覽其全故有纂修之志是秋清 泰鄉薦中副車肄業維風書院丙申 先生親主講席訓課之暇因以是編囑清 校對清 學識謗陋管窺之見何能贊辭固辭不敢 先主勉以同志爲詳覈其源流指陳

永寧州志

卷十一

九

其次第辨論其是非考正其謬失稿凡數易樂此不疲豈僅以是爲傳記者耶此編一行極之千百年制度典章沿革興廢以及人文事蹟後之人皆可執卷考証則 先生之有裨於人心風俗者匪淺鮮也清 用是勉力仰副 先生囑命之意敢以淺識綴之浮詞而 先生創作之苦心醞藉之實學亦可於是編概見也夫

嘗

道光十六年歲次丙申孟秋之既望爰業沈宗濤謹跋

跋

植圃先生以會稽名孝廉校書芸館乙未
首夏奉

命牧查城本文章為吏治有古大臣風甫下車
緝獲積匪王起才等十四人痛懲之又訪
獲帽頂大五如東瓜嶺之黃喜青阿林之
羅老卜行巖脚寨之盧韋成石頭寨之伍
阿林打帮之羅人先土地關之胡老公

永寧州志

卷十二

十

曰花背
蜘蛛

關嶺之蔡小二綽號二太爺募役之羅

瓊儒

綽號害人亡

張何興

綽號二都督

等皆兇惡素

著者以次懲辦共七十餘人兩載以來匪
徒歛迹閭閻安堵先生性勤儉無嗜好每
日鞫庶獄理公牘自朝至暮無倦容又不
時下鄉訪民間疾苦日以興利除害為事
自蒞我永重修學宮書院創設義學義倉
捐置義田設普濟堂棲流所修橋梁道路

濬池開溝以興水利民不勞而財不傷為
我永邑計至深遠矣又以永文風較盛考
試人多不憚再三籲

大憲恩加增學額永之人感之其 太翁

壽日四鄉紳耆登堂稱祝者百數十人復

公製匾聯誌先生德政匾曰樂只君子即

先生彙試 聯曰駿烈紹江陵太翁任楚所

文章首題 為江陵遵父訓報國恩不愧忠臣孝子鴻庠在江有政聲現

垂永邑厚民生振士氣無慚衆母宗師蓋
道其實也先生於政務之暇修輯州志時
與武商推可否書成囑武為序武學術謏
陋何能贊詞謹以先生之與利除害惠我
永邑者述之篇末俾後之尚論者有所採
擇焉

時

道光十七年丁酉春月舉人修武謨謹跋

書 植圃先生纂修永寧州志後

先生兩載牧查城西京郇雨沛然盈矢勤
矢慎復懷清恩威兼濟最寬平循天理今
順人情國法從來不擅更增廣學額費經
營教訓生童拔雋英義倉建立賑蒼生普
濟堂開廣育嬰遙引泮池水一泓修理瀟
陵橋不傾公餘閒暇但琴鳴百花深處犬
無驚 先生猶自勞元精纂修州志總其

成收殘補軼邁候鯖天文地理災祥明詳
列當年循吏名備書科甲使光榮忠孝節
烈用褒旌建置沿革矢權衡方言土俗物
產呈奏章傳記並歌行藝文一一收瑤瓊
先生胸中貯甲兵詩追李杜吐嘈呖於今
六冊錦囊盛合州稱頌有公評 先生功
已及編氓 先生無伐更無爭 春來彌月
兩輪誠自慙無學載歌賡聊成長律欠鏗

鈞專為 先生表廉貞安得長庚終古發
晶瑩查城終古仰長庚

平原李逢春呈稿

永寧州志卷十二

補遺

關梁

大石碑大路道光十七年知州黃培杰勸捐修理

狗場坡大路道光十七年知州黃培杰勸捐修理因

舊路被水冲坍現係童生聶志乾捐地另修

新寨大路道光十七年童生王德昭捐修

蘇窩地大路道光十七年生員張紹本張紹德捐修

坊表

永寧州志

卷十二

補遺

(十四)九

張田氏節烈坊道光十七年知州黃培杰勸捐重修
溝渠

北口水溝石壩自嘉慶二年出變後生員朱景春等
請領籽種銀兩興修道光十七年四月被水冲坍以
至北口溝渠俱涸秧田無水知州黃培杰捐廉倡首
勸諭生員朱景春劉映松藍辭青及衆田戶等捐費
重修

義倉租穀

新場田租穀十三石貢生陳鵬捐輸向爲

聖廟歲修今齋長公議撥入義倉

貢生梁大締捐輸阿康寨老白頭地半股又二壩了口田半坵大小三塊共收租穀三石五斗

書院經費

小高寨地租錢十一千二百文

監生周昆乾隆五十七年捐下募役田二坵價銀一

百兩因此田離州窻遠今變銀九十兩就近置業

選舉

貢生李占元官施秉縣訓導

雜記

白水河潭中有巨魚旱甚則暴腮水面居民曾見之每遇夏秋夕陽斜照潭中吐氣如虹凌空煥彩昔人題雪映川霞蓋由於此

白水河瀑布內有一洞廣寬可容千餘人嘉慶二年苗變生員尹連城尹光廷等避難其中